

652 /
1976 / 3

1
1976年3月
3022010033



1 9 7 6 1 ✓

რედაქტორი ა. შონია

სარედაქციო კოლეგია: ხ. ახვლედიანი, მ. ვარშანიძე (პ. მგ. მდივანი),
პ. ლორია, ალ. ჩავლეიშვილი, ფრ. ხალვაში.

რედაქციის მისამართი: ბათუმი, ენგელსის ქ. № 21.
ტელეფონი — 33-71.

ხელმოწერილია დასაბეჭდად 11.2.76. საბეჭდი თაბახი 6, საგამომცემლო 5 თაბახი
შეკვეთის № 626, ემ 00348, ქალაქის ზომა 60×90¹/₁₆, ტირაჟი 2.040.

* * *

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარპოლიგრაფმრეწვის ბათუმის სტამბა № 9
(ლუქსემბურგის, 20).

აჭარის უზრნალ-გაზეთების გამომცემლობა

ცხოვრება არის აღამიანი

ბუნების ძალამ და ხალხის ძალამ
დღეს კიდევ ერთხელ შთაბერა კალამს
აზრი ჭკვიანი, ღრმა და მთლიანი, —
ცხოვრება არის აღამიანი.

საქართველოში მღეროდა, მღერის
სიცოცხლის ყველა ბგერა და ფერი,
მიწა, მცენარე, ზღვა და ნიავი, —
ცხოვრება არის აღამიანი.

მე ბინდი მღლიდა, თუ ჭირი მჭირდა,
მზრდიდა, მინდოდა და მუდამ მინდა
ნათელდღიანი სიტყვა მზიანი, —
ცხოვრება არის აღამიანი.

ამით ვუმღერი ქალაქს და სოფელს,
ძმას და მეგობარს, შვილსა და მშობელს,
კეთილს, თუ ქვეყნად რამე კი არი, —
ცხოვრება არის აღამიანი.

არ ვულალატოთ, ძვირფასო ამას,
ბუნების ძალამ და ხალხის ძალამ
მოგვძახოს ცეცხლით, ქარით, მდინარით!
ცხოვრება არის აღამიანი!

ქართველი კომუნისტი ბამზე

ყინვა სახსრებში ისე მიჭერს, ასე მგონია,
 ჯგროდ მოდენილი ჭიანჭველები სხეულზე ათევს,
 ვუცქერ ციმბირელს
 და ჩვენს ბიჭებს გასამხნეველად
 დაკოყრილ ხელებს ღიმილით და სითბოთი ვართმევ.
 მერე ვიგონებთ საქართველოს მზე რომ რონინობს,
 დარობს დარულად,
 ვისთვის ცივა, ვისთვის სულ ცხელა,
 არაყს ნატრობენ, პურის არაყს, ქერა ბიჭები,
 ქართველი ქართველს გიგზავნისო ბებო ჩურჩხელას.
 შებინდებისას უსინათლო ველები თვლემენ,
 ძნელია გითხრა, მანუგეშებს იგი შენოდენ,
 შენ პატარა ხარ,
 დასაკარგად ვერ გამიმეტებ,
 ან როგორ გაგცვლი, მე ვით დაგთმობ, უნდა მელოდო
 მე შენს დიდებას, როგორც ხავსი მოვეციდები,
 და მოვწოვ შენი უკვდავების დაორთქლილ ცურებს,
 დედაშვილობას, რას არ ვნატრობ, რას არ გპირდები,
 მამულო, გვერდით, სადღაც მიღმა, ნუ გამაცურებ.
 პარტია ჩვენი, აზრი ჩვენი, მირონი ჩვენი,
 პატაკს მოელის რით დავდგებით ვახტზე ხუთწლედის,
 ანდერძს არასდროს გავუწბილებთ ვლადიმერ ლენინს,
 სამშობლოსათვის გრიგალებს და ყინვას ვუძლებდით.
 ოცდამეხუთე! — გუგუნებენ სამშობლოს მთები,
 ოცდამეხუთე ყრილობისთვის მზად ვართ ყველანი,
 ახალ ხუთწლედის ვახტზე ახალ ძაღლონით ვდგები
 და საუკუნის მიღმა მიჰქრის ჩემი მერანი.
 მაქვს ოცნებები — პურის ყანა ჯერ უთავთავო,
 დამძიმებულიც მზეკაბანი მსურს რომ მენახოს,

ცას მისწვდეს სულის პირტიტველი საგალობელი,
როგორც „ურმული“, როგორც ტბილი „შენ ხარ მე დავბრუნდები“



სამშობლოში გმირის სახელით,
ვიქნები ჩემი მიწის თაფლი, მიწის მარილი,
მშობლიურ სიტბოს ნუ მომაკლებ აწ და მარადის
და ღმერთმა ნუ ქნას მოძმეებით ვიყო ღარიბი.
ჩამმალე შენი სიცხის ბულში
რომ ქარაშოტი

ყინვა-ტრამალის დავიწყებას მივცე სრულებით,
და გამიშალე ფანჩატურში გლენური სუფრა
დიაცებივით ტანმალა თიხის სურებით.
მომეცი ჯამი, რქაწითელით ავსილი ჯამი,
დამლოცვინეთ ეს ბიჭები ქართულ მიწაზე,
ჩვენ ამოვკვეთეთ საუკუნის გულმკერდზე ბამი
და უკვდავება მხოლოდ შრომით, შრომით ვიწამეთ.
ახლა სახსრებში ყინვა მიჭერს და მე მგონია
ჯგროდ მოდენილი კიანჭველები გულზე დადიან,
მაგრამ სურვილი, შევეჭედო მკერდზე გოლიათ
საუკუნეს და ვაამაყო ჩემით პარტია,
აღარ მასვენებს
და სრულდება ჩემი მისია,
იტყვიან ალბათ, უსათუოდ ვიცი იტყვიან,
ჩემზე როგორი შვილია და კომუნისტია.

საქართველოს ენციკლოპედია

ტ რ ი ბ უ ნ ა ს თ ა ნ

მიზანი ჩემი —
 არა თუ ტაში,
 პათეტიკა და ოვაციები,
 არა!
 თქვენამდე მოღწეულ ხმაში
 ერთი სურვილი მომაცილებდა.
 ეს სურვილია —
 ხალხის სათქმელი
 ათასი ხელით ერთად ავწიოთ,
 ერთად ავხადოთ ჩრდილებს სარკველი,
 სული სიწმინდით გავიარწივით.
 თუ სადმე დადის ურჩი და კუშტი,
 ვინმე თავკერძა, ლაჩარი, ფლიდი,
 ო, ერთად, ერთად ათასი მუშტი,
 რომ ჩაენგრიოს სიყალბის ხიდი.
 სადმე თუ ვინმეს ჩამორჩა სვრელი,
 დაეცა, თვალებს დაედო რული,
 ო, ერთად, ერთად ათასი ხელით
 წამოვაცყენოთ, გავუთბოთ გული.
 გლესხა და მუშას, ექიმს, ინჟინერს...
 ვინაც რუტინა ბეჭებზე დადო,
 ო, ერთად, ერთად ათას ყიყინით
 ვადიდოთ ძმობა და გული ვანდოთ.
 ძეობა, როგორც ერის ზეიმი,
 ეღერდეს ვით სიმი, ჰანგი ულევით.
 ო, ერთად, ერთად ათასი ღიმიით
 გავუთბოთ წმინდა ხარატულები.
 ყალბი პათოსი? —
 არა და არა!

ამ ტრიბუნასთან მიტომ მოვედი,
რომ მზედ ავანთოთ გულები!

კმარა

ხმაურს ვერ იტანს მუზა პოეტის.
ხმაურით ტალღა თუ აკრობოს ანძებს,
ისევ მშვიდდება, მორცხვად ციმციმებს.
საქმე ამშვენებთ შუბლიან კაცებს
და ნამუსიან ქულის სიმძიმე.



დედაო თაობათა!

დედაო თაობათა,
მშობელო ეპოქების,
ხილვათა უსასრულო სამყაროვ,
სხვადასხვა მოქიშპენი,
მოდავე-მეტოქენი,
დე, შენმა თავმანდილმა გაპყაროს!
დედაო აღმოჩენის
ახალ კონტინენტთა,
ახალი დასახლების სათავევ,
შენს ხელში ჩამარყუყუდა
განდგომილ მეტივეთა
ერთ გემად გარდასახვის სადავე!
რომ ჩვენმა უსასრულო
თავკერძა გალაქტიკამ
ის წითელ, ერთ ვარსკვლავად იხილოს,
ქიმებით რომ გადასწვდეს
არქტიკას, ანტარქტიკას,
მზე ჰქონდეს აღვასა და დიდილოს.
დედაო, დედამიწავ! —
სახელით აერთხმოვნებ
სამყაროს!
გაზაფხულს ქსოვ საკაბედ.
მადლობა, გავიმარჯოს, —
სიცოცხლეს აახოვნებ,
საკაბედ რომ აშენებ ნაკაფებს.
შენს სახელს, შენს დიდებას

ქართველი ქალის ეშხში
ვხედავ და გესალმები მზეგულით.
დედაო,
დაო,
ცოლო,
შენში და მხოლოდ შენში
მომავლის გასაღები მეგულვის!
მეგულვის ის გორგალი,
ფერებით რომ მოქსოვე,
ბორბალი რომ ეწოდა ბარაქის.
სალამი, გაგიმარჯოს, —
თბილისი და მოსკოვი
რომ დედაც არის და ქალაქიც!

მიხაილ გოგვილაძე

ბ ზ მ ბ ი

ცხოვრება ბრძოლაა, ბრძოლაში ძლიერი იმარჯვებს, ჩემდაგვარი ილაჯგაწყვეტილი თავს შამბნარსაც ვერ აღწევსო, ერთხელ გულისტკივილით გამიმხილა მამაჩემმა.

მამაჩემი უწიგნური კაცი იყო და კარგად ვერ ამიხსნა რისი თქმა უნდოდა, ამიტომაც უფრო ღრმად ჩავეძიე.

შენ ებრძვი მიწას, მასთან ბრძოლაში იმარჯვებ, შენი სამყოფი სიმი-ნდიც მოგყავს და ყურძენიც, სხვა რაღა გინდა-მეთქი.

— მე მიწას არ ვებრძვი, მიწა ადამიანის, მცენარის, ჩიტის, ნადირის, ყველა არსების დედაა, სიცოცხლის სათავეა.

— თუკი დედაა, ოფლს რად გაღვრევიწებებს, უშრომლად მოგცეს, უკეთ შეგინახოს.

— განგებას ასე დაუწესებია. სიცოცხლე გაუჩენია და უთქვამს, მე ყველაფერი შევქმენი, მოხმარა თქვენთვის მომინდვიაო.

— მაშ, სასაყვედურო და საბრძოლოც არაფერი გქონია.

— საბრძოლო როგორ არა მაქვს. განგებას ის კი არ უთქვამს, გური-ელსა და ქარცივაძეს ათასობით ჰექტარი მიწა ჰქონდეს, კალანდაძეს ორი ქცევა, გურიელის ცოლ-შვილი ფარჩით იმოსებოდეს და ეტლით დასეირ-ნობდეს, კალანდაძეს გახიკინებულ ქალამანში სული ხდებოდესო.

— როგორ მოხდა, რომ იგი უფრო ძლიერი აღმოჩნდა?

— ეგ მე არ ვიცი, ეგ შაქრო მასწავლებელს ჰკითხეო, — მითხრა.

მამაჩემს ხმაზე ადვილად შევატყვე, რომ რაღაცათი უკმაყოფილო იყო, რაღაც არ მოსწონდა, რაღაცის გადახალისება უნდოდა, ამიტომაც ხშირად იტყოდა ხოლმე — ქვეყნად სამართალი რომ იყოს, ეს ასე იქნე-ბოდა და არა ისე, როგორც ახლა არისო.

ის, რაც მამაჩემმა ვერ ამიხსნა, შაქრო მასწავლებელს ჩავეძიე.

— კალანდაძე, ეცადე, ცხოვრებაში სწორ გზას არ აცდე, მთავარი ეს არის, დანარჩენს, როცა გაიზრდები, მაშინ მიხვდებიო, — მითხრობს მას წავლებელმა.

იმ წელიწადს შემოქმედის ოთხკლასიან სკოლას ვამთავრებდი, მეგონა, უკვე „გაზრდილი“ ვიყავი, თურმე ასე არ ყოფილა. სად არის ის „სწორი“ გზა, როგორ უნდა მივავნო-მეთქი, არ მოვეშვი მასწავლებელს.

— გზა ამ ქვეყნად უმარაგია, — განაგრძო შაქრო მასწავლებელმა, — ზოგი გრძელი და დამქანცველი, ზოგი ისე მოკლეა, შედგამ თუ არა ფეხს, მაშინვე ჩაგეცეტება. ბილიკი გზაა, იგი შარასავით ფართო არ არის, მაგრამ მაინც გზაა, ზოგი შამხარში მიიკლაკნება, ზოგიც მაღალ მთაზე ავიყვანს და თვალწინ სამყაროს გადავიშლის. ზოგი გზა უხიფათოა, ზოგიც სარისკო. სიძნელემ არ უნდა შეგაშინოს, ჩახლართულ გზებს ბევრი დასდგომია და ბოლომდე გასულა.

შაქრო მასწავლებელი წიგნის ენით ლაპარაკობდა და დიდი ვერაფერი გავუგე. ყველაზე დიდი გზა, რომელიც მე მანამ ვამეგლო, შემოქმედისგან ბახმარომდე იყო, მაგრამ იმ გზაზე ისეთს ვერაფერს წავაწყდი, კკუა მესწავლა.

ეს რომ ვთქვი, შაქრო მასწავლებელს გაეცინა.

— კალანდაძე, შენ ჯერ ცხოვრებისა არაფერი გავეგება, ისიც არ იცი, ქვეყანა სად იწყება და სად მთავრდება. უნდა ისწავლო, ბევრი უნდა ისწავლო, მაშინ იმ უჩინარ გზებსაც ადვილად მიაგნებ.

შემოქმედის ოთხკლასიანი სკოლა რომ დავამთავრე, მაშინ მივხვდი, რომ ამ ქვეყნად ყველაფერი რიგზე არ იყო. მღვდლისა და ბოქაულის შვილი ეტლით ქალაქში გაისტუმრეს, მე გოდორი ამკიდეს და ყანაში მიკრეს თავი. თოთხმეტი წლის ბიჭს უკვე ბაბუაჩემზე მეტი შემეძლო. ტეხა-კრეფა რომ დავამთავრეთ, მამას ტყეში გავყევი საზამთრო და გასასყიდი შეშის დასამზადებლად. შემდეგ ყავარი ავხადეთ, რაც ჩვენს სახლს გადარჩა, ოზურგეთის ბაზარზე გავიტანეთ. აღებული ფულიდან ტანსაცმლის საყიდლად ორიოდე მანეთი ჩემთვისაც გადადეს. იმ ზამთარს შაქრო მასწავლებლის სახლის კარი არ გამიცივებია. მისი წიგნები სულ გადავიკითხე. ისე შემეძებრო ცოდნის შექმნის წყურვილმა, უჩინარი გზების პოვნის სურვილმა, ვგრძნობდი, მანამ ვერ მოვისვენებდი, სანამ ქვეყნის ასავალ-დასავალს არ გავიგებდი.

მეორე ზაფხულს ბათუმიდან რამდენიმე დღით მამიდა ალვასი გვესტუმრა. მამიდა რომელიღაც ქარხნის კანტორაში მუშაობდა მდივნად. იმდენ გასამრჯელოს იღებდა, ვიცოდით, არ უჭირდა. ყველა რომ შევიკრიბეთ, მამიდა ალვასმა ფუთა გახსნა, დედას ყვავილებით მოხატული თავშალი აჩუქა, მამას ვერცხლით მოჭედილი ქამარი, ბაბუას ყაბალახი, მე ისეთი ჭრელი წინდები, ჩასაცმელად ვერც გაიმეტებდით.

ამ ბიჭს რას უპირებთო, — იკითხა მამიდან, თან ისეთი ალერსიანი თვალეებით გადმომხედა, ვიგრძენი მკერდი სითბოთი ამევსო.

— რას უნდა ვუპირებდეთ? — გაიკვირვა მამაჩემმა.

— ბარემ ქალაქის სკოლაც დაამთავროს, მე მივხედავ, ნუ გეძინიათ. დედაჩემმა ქვა აავდო და თავი შეუშვირა.

— არ გადამრიო, ქალო, ყანა გასათოხნია, თხილი მოსაკრეფია, ძროხა სამწყყესავია, ყურძნობას იმხელა თხმელეებზე მამაშენი ავუშვა თუ შენი ძმს? — მოკლედ, დედაჩემმა იმდენი საქმე ჩამოთვალა, აშკარა იყო არ შეძლეოდნენ.

— დღეს უსწავლელი კაცი ჭურში მჯდომსა ვავს, — მამიდან სცადა გადაერწმუნებია ისინი.

— მაგას სწავლა აკლია? — იწყინა ბაბუამ, — ჩვენმა მამასახლისმა რაი კლასი ძლივს დაამთავრა და სოფელს თავკაცობს.

— ა. ბატონო, საცოდავი ბიჭი გადაჰკიდეთ თოხის ტარზე და ნახავთ, რასაც მოიგებთ. — მამიდან უნუგეშოდ ჩაიქნია ხელი. ასე დამთავრდა ჩემს მომავალზე ბჭობა. მოგვიანებით გადაწყდა, ხუთთოდე დღით მამიდას გავყოლოდი ბათუმში.

სიხარულით მთელი დამე არ მიძინია. თვალწინ მედგა ელექტრონებით გაჩაჩხახებულნი ზღაპრული ხომალდები, რომლებიც ღერჯად მოლივლივე ზღვაში დაცურავდნენ.

დღით ისევ შედგა ოჯახური თათბირი, აშკარა იყო, ჩემი ძირგამომძვრალი წუღით ქალაქში არ ჩამესვლებოდა. მამაჩემმა ჭურს თავი მოხადა, საღვინე დოქი ვაავსო, ფუჩჩჩით მაგრად დაუცო, შარავანზე გამიყვანა და ჭკუაც დამარიგა, — დღეს ოზურგეთში ბაზრობაა. დოქში შვიდი ბოთლი ასხია, თითო ბოთლი თითო აბაზად გაჰყიდე, ვინმე დოქით თუ იყილის, ცხრა აბაზად მიეცი, ნავაჭრით წულა იყიდე და სახლში დროზე დაბრუნდიო.

ივნისი იდგა. გზაზე ჩრდილებს ვეტანებოდი. ხელი რომ დამეძალა, თხმელის ტოტები დავამტვრიე, მხარზე დავიწყვე და დოქი შემოვიღვი. ძალას იმაზე ფიქრიც მმატებდა, რომ ჩქარა ახალი წულა მექნებოდა და მატარებლით ქალაქში წავიდოდი.

წითელ მთასთან ეტლი დამეწია. მეეტლე ნაბახუსევი ჩანდა, ხმამალა მოიძღვროდა. ალბათ საცოდავი თვალეებით შევხედე. ბაზარზე ხომ არ მიღინაოო, მკითხა. კი მივდივარ, მაგრამ, ბიძია, ფული რომ არ მაქვსმეთქი. სინანულით გამოვუტყედი. ყაზახი რომ გახდები, მაშინ გადამიხადეო, მეეტლე ტუბილად გამომელაპარაკა.

ოჰ, როგორ მესიამოვნა ბუმბულივით რბილ სავარძელში ჩაჯდომა. ეტლი ისე მიირწვოდა, დედის ნანაც და, ჩამეძინებოდა.

— დენო მიგაქვს?

— კი, ბიძია, წულა უნდა ვიყიდო. — გავუხსენი გული. დოქს დავ-

ხედე, ღვინოს ფუჩეჩი სისხლისფრად შეეღება და ტუჩიდან ძირაღმე გადებხაზა.



— ეტყობა, ძან ნახელავია.

— რაფერ მიხვდი, ბიძია. — გამიკვირდა.

— რაც მე ღვინო შემისვამს, შტერი უნდა ვიყო, კარგი და ცუდი ვერ გავარჩიო. მაგ ღვინომ ისეთი სუნი დააყენა, ეტყობა, თაფლზე ტკბილია.

— ჰო, რა ვიცი, მამაჩემზე ამბობენ, ისეთ ღვინოს აყენებს, მოღუღებულს ჯობიაო.

ასე გავაბით საუბარი.

მთავარ გზაზე მეეტლე სამმა კაცმა გააჩერა, ვაკიჯვარში წაგვიყვანო, უთხრეს. მორიგდნენ. მეეტლეს მადლობა გადავუხადე და ოსურგეთის გზას ფეხით დავადექი. ბაზრამდე ერთი კილომეტრი მაინც იქნებოდა.

გზის მიღმა ახალი სახლი სერაბაღში გამოეყვანათ და ყავრით ხურავდნენ. ჩრდილში შევისვენე და ქათქათა კედლები შევათვალიერე. ბაბუას აშენებული ჩვენი ოროთახიანი, ჩახავებული სახლი დამიდგა თვალწინ, ნეტავი ასეთი სახლი თუ გვეღირსება-მეთქი, ვინატრე ჩემთვის.

— ეჭვი, ბიძიკო, მაგ დოქში რა გაქვს? — ორმოციოდე წლის ახოვანმა მამაკაცმა ეხოლან გადმომძახა. ეტყობოდა, მასპინძელი იყო.

— ღვინო, ბიძია. — ისე სულმოუთქმელად მივაძახე, ხელის გაცლას არაფერი მერჩია.

— ჰყიდი?

— დიახ.

— ეხოში შემოდი, გაგვასინჯე შენი ღვინო.

მორებს გადავახტი და უმაღვე მასპინძელთან გავჩნდი.

მასპინძელი რატომღაც შაქრო მასწავლებელს მივამსგავსე, ლამაზად გაპარსული სახე, მაღლა ავარცხნილი, ოღნავ შეჭადარავებული თმა, კეთილი თვალები. მამა-შვილურად შემომეგება, დოქი ჩამომართვა, ფუჩეჩი მოხადა და ჩამოასხა, შემდეგ ცოტათი მოსვა, დაფიქრდა და ისევ ფერს დააკვირდა.

— რაო, აძმარებულა? — თვალებში შეაჩერდნენ.

— გულს ჩაგწყვეტს, — ესა თქვა და ჭიქა აუჩქარებლად დაცალა. შემდეგ დოქი სხვებს გადასცა, თვითონ სამზარეულოსაკენ წავიდა.

დოქი ხელიდან ხელში გადავიდა.

— ჩქარა, კაცო, ნუ გადაგვაყოლებთ. — ზევიდან ჩამოსძახეს.

დოქი მესამედ ჩამოატარეს, შემდეგ ყელზე თოკი გამოაბეს და ზევით აგზავნეს.

— აუ, კაცო, ნამდვილი ბადაგია, — თქვა ერთმა და ისე დაიჭყანა, თვალები კინალამ გადმოსცვივდა. მე არ ვიცოდი რა იყო ბადაგი, ალბათ დაიწუნა-მეთქი, ვიფიქრე.

— სადაური ხარ, ბიჭო, შენ? — ერთ-ერთმა ჩამომძახა ზემოდან.

— შემოქმედელი.

— სახლში რომ დაბრუნდები, მამაშენს ჩემგან უთხარი, გქონია, ამ ღვინოს რომ ყიდი-თქო.

ქვეყანა მამაჩემის ღვინოს აქებს, ამათ რა ღმერთი გაუწყრათ, ჩემი გაცურება ხომ არ უნდათ-მეთქი, ეჭვი დამებოდა. მით უფრო, ჩემთვის არც ფასი უკითხავთ, არც ის, დოქში რამდენი ესხა.

ახალი სახლი დალოცეს, მასპინძელი ადღეგრძელეს, ერთმანეთის ცილობაში დოქი თავზე დაიხაპეს. ბოლოს ერთი წამოდგა, მტერი ასე დაგეცალოთო, თქვა და დოქი გადმოაპირქვავა. რაკი შიგ არაფერი იყო, მტერი ასე დაგელეწოთო, დაუმატა და ჩემი დოქი მაღლიდან მოიქნია. დოქმა პაერში ნახევარწრე მოხაზა, მიწაზე დაეხეთქა და დამბაჩასავით დაიქუხა. ნამსხვრევები წყლის შხეფებით ირგვლივ გაიფანტა.

გული ისე მეტყინა, ცრემლი კინალამ მომერია. თავიდანვე ეტყობოდათ, კარგს არაფერს მიქადდნენ. მასპინძელი დაიმალა, სხვებმა ღვინო შემისვეს და დოქიც გამიტყეს. დოქს მაინც რაღას ემართლებოდნენ. ახლა რაღა ვქნა, ლეკურა წულა რითი ვიყილო? ჩემი ჯღანებით ბათუმში ხომ არ წავიდოდი?

არ მინდოდა ეფიქრათ, რომ დოქის გატეხა გულს ამიჩუყებდა, რაც არ უნდა იყოს, მე თხუთმეტი წლის ვიყავი და მამაკაცური თავშეკავება მმართებდა. სიტყვა არ დამიძრავს, შევეტრიალდი და ჭიშკრისაკენ გავემართე.

— ბიძიკო, სად მიდიხარ? — ხმა დამეწია.

მოვიხედე, მასპინძელი მიახლოვდებოდა.

— დოქის გატეხა არ გეწყინოს, ოჯახის დალოცვა ასე იციან.

ცოტათი იმედი მომეცა, მასპინძელს თვალი გავუხსნორე.

ღვინო და დოქი რა ღირდაო, მკითხა.

— ღვინო შვიდი აბაზის იყო, დოქი ორი აბაზი ღირს, სულ ცხრა აბაზი.

— აჰა, ორი მანეთი, აბაზის კამფეტი იყიდე. კიდევ თუ ჩამოგვიტან, ეტლის ქირასაც გადაგიხდი. ასეთი ღვინო კარგა ხანია არ დამიღვევია.

— ვერ ჩამოგვიტანთ, ხვალ ბათუმში მივდივარ. — ვთქვი და ჭიშკრისაკენ გავემართე.

— ასე ვერ გავიშვებ, — მასპინძელმა ქამარში ხელი წამავლო. — ეკა, ეკა! — გასძახა სამხარეულოსაკენ, — ჩქარა, ხაჭაპური.

ცამეტიოდე წლის გოგონამ ოწვივარადენილი ხაჭაპური ჩემსკენ თეფშით გამოაქანა. მას ლამაზი სახე ჰქონდა, ვარდისფერი, კოხტად შეკერილი კაბა ეცვა, თმაზე კი ვეებერთელა პეპელას მსგავსად ქათქათა ბაფთა დასთამაშებდა.

— აიღე, ბიძიკო! — მითხრა მასპინძელმა.

არ მინდა-მეთქი, ვთქვი, მაგრამ თვალს ვერ ვაშორებდი ყველით ვა-
მოტენილ ხაჭაპურს. ახლა მივხვდი, რომ საუზმის შემდეგ კარგად ვა-
სულიყო.

— მაშინ „არმინდას“ აჭამე! — ეკამ გამომაჯავრა. იმ შეჩვეუბნულს
ლამაზი სახე სიანციტ უბრწყინავდა. შიშველ ფეხებზეც შეეხედე. ჩვენი
სოფლის ონაგრებივით კანკები ეკლებით ჰქონდა დაკაწრული.

— ეკას ეწყინება.

— გაუშვი, მამა, აბა, გაბედოს და უარი მითხრას.

ეკა ჭიშკართან ჩადგა. ეზოს ირგვლივ ტრიფოლიატის ღობე ერტყა.
ჩემს ხვედრს სიამოვნებით დავმორჩილდი. ერთი ნაჭერი ავიღე.
მეტისმეტად ცხელი აღმოჩნდა. მდულარესავით დამთუთქა პირი.
თითქოს ეკა ამას ელოდაო, ისე გულიანად აკისკისდა, თეფში კინა-
ღამ გაუვარდა.

თეფში ხელში მომაჩეჩა, ახლავე წყალს მოვირბენინებო, მითხრა.

თეფში უნებლიედ გამოვართვი. წყლისათვის წასვლა არც უფიქრია,
სანამ ყველას არ შეჭამ, თეფშს არ გამოგართმევო, — ნიშნისმოგებით
დაუმატა.

მეორე ნაჭერი ავიღე და თეფში მორზე დავდე.

წავედი და სულ ეკაზე ვფიქრობდი. როგორ შევნოდა სიანციე. უმაღ-
ვე გამიშინაურდა, ხუთიოდე წუთში რამდენჯერ გამაწითლა. სიტყვაც
ვერ დავძარი, დავიბენი, თითქოს პირველად მოვხვდი უცხოსთან.

ბაზარში ყველაზე ლამაზი წულა შევარჩიე. შემდეგ დოქი ვიყიდე.
ორი მანეთიდან ოცდაათი კაპიკი დამრჩა. კამფეტის ძებნისას დუქანში
ისეთი თვალგებრილა, ლამაზ თოჯინას წავაწყდი, ვეღარ მოვშორდი.
ორმოცდაათი კაპიკი ღირსო, მითხრა ნოქარმა. ექვსი შაურის მეტი არა
მაქვს-მეთქი, სინანულით ჩავილაპარაკე. ნოქარს შევეცოდებ და ის თვა-
ლებგებრილა თოჯინა ქაღალდში გამიხვია.

ეკას სახლს რომ მივუახლოვდი, მუხლები ისე მომიდუნდა, თითქოს
რაიმე ავკაცობა ჩამედინოს. არ ვიცოდი თოჯინა როგორ ვადამეცა. ჭიშ-
კართან მანამ ვიდექი, სანამ ეკამ არ შემინიშნა. როგორც კი თვალი მომკრა,
დედოფალა ჭიშკარზე ჩამოვდე და ისე გავიქეცი, თითქოს ცოფიან ძაღლს
გავუბრბოდი. ალბათ ძალიან სასაცილო ვიყავი, ეკას გულიანი კისკისი მა-
ნამ მესმოდა, ვიდრე სხვა სახლებს არ მივეფარე.

* * *

მეორე დღეს ეკას ეზოსთან ეტლით ჩავიქროლე. სახლის დახურვა
დაემთავრებიათ. ეკა ეზოს ასუფთავებდა. საქმით გართულს არც შევეუჩ-
ნევივარ. რატომღაც გონებიდან ვერ ვიშორებდი, თითქოს მიძიმდა მას-
თან დაშორება.

მატარებლიდან ლურჯად მოლივლივე, თვალუწვდენი ზღვა რომ და-

ვინახე, ჩემს სიხარულს საზღვარი არ ჰქონდა. ზღვა ისე მშვიდი იყო ჩა-
ძინებული გეგონებოდათ. მწვანე კონცხს იქეთ გემებიც გამოჩნდათ
ბათუმიც.

ქალაქის უთვალავმა სახლებმა და ლარივით გაჭიმულმა ქუჩებმა
კი დამავიწყა. გამიკვირდა, მართვესავით აზუზუნებული ამდენი ხალხი ქა-
ლაქში რას აკეთებდა. ახლომახლო არც ყანები იყო და არც ბაღები.

მამიდას ერთი ოთახი ჰქონდა. დავისვენეთ, ვისადილეთ, შემდეგ
ნავსადგური და ქალაქი დავათვალიერეთ. საღამოს მეზობელი შემოვიდა,
ასე, ორმოც წელს გადაცილებული, გამხდარი, ფერმიხდილი. თვლები
ისე ჰქონდა შეშუპებული, ღამენათევი გეგონებოდათ. მამიდამ უთხრა,
გიორგი, ერთი შეამოწმე, ჩემი ძმიშვილი რა სიმდიდრის პატრონიაო.

რაც მესწავლა და წამეკითხა, ყველაფერი გადმომალაგებინეს. ბო-
ლოს დაასკენეს, რუსულში მოიკოკლებს, მაგრამ უღელში თუ შევბამთ,
ურმის გაწევას შესძლებსო.

გიორგიმ თავისთან წამიყვანა. მის ოთახს ქალის ხელი აკლდა. თეფ-
შები მაგიდაზე, წიგნებს ზემოდან ეყარა, წიგნები ყველგან ეწყო, შკაფზე,
ფანჯრის რაფაზე, სკამებზე. ეტყობოდა, წიგნების კითხვით აღამებდა და
ათენებდა.

აღვასი მამიდამ მითხრა, გიორგი სტამბაში მუშაობსო.

ცოლ-შვილი სად ყავს-მეთქი, ვკითხე.

ცოლ-შვილი კი არა, თავის ვატანა უჭირსო.

ორი დღის შემდეგ რუსულის მასწავლებელს მიმბარეს. ქართუ-
ლსა, ისტორიასა და არითმეტიკაში გიორგი მავარჯიშებდა.

მოკლედ, სექტემბერში „ეკზამენი“ კარგად დავიჭირე. ასე შევალე
ბათუმის ქალაქის რეალური სასწავლებლის კარები. გიმნაზიელებს ცოდ-
ნით ვერ გავუტოლდებოდი, მაგრამ დასაწუნი არც ის სკოლა იყო, სადაც
მე მიმბარეს.

იმ წელიწადს სახლში არ ავსულვარ, ვიფიქრე, იქნებ ქალაქში აღარ
გამომიშვან-მეთქი.

მამაჩემს გულისტკივილით ეთქვა, ერთი ბიჭი მყავდა და ისიც აღ-
ვასმა წამართვაო.

ნასწავლი შვილი თუ მეყოლება მაგას რა ჯობსო, დედაჩემი არ და-
თანხმებოდა.

გლეხის სწავლა ვის გაუგონია, გლეხისათვის ღმერთს თოხი გაუჩე-
ნიაო, — ბაბუასაც გამოეთქვა თავისი აზრი.

ასე გავხდი ქალაქელი. ჩქარა ქალაქის ასავალ-დასავალს ჩავწვდი.
ბათუმში ათიოდე შესანიშნავი სახლი იდგა. მე უკვე ვიცოდი ვის ეკუთ-
ვნოდა ის სახლები, ან რა გზით აიშენეს. ისიც ვიცოდი, ვინ იყო მანთა-
შევი და რამდენი ქარხანა ჰქონდა, ან 1903-1905 წლებში ბარიკადებზე
რატომ დაიღვარა სისხლი.

იმხანად რუსეთის მეფე საღლაც დასავლეთში გერმანიის მეფეს ებრძოდა. ომი ჩვენი ქვეყნისაგან ძალიან შორს იყო, მაგრამ მისი სუსტი ჩვენს ქალაქსაც მოწვდა. ცხოვრება გაძვირდა, ბაზარში ყველაფერს ციხელი ეკიდებოდა, მალაზიებთან რიგები გაჩნდა. გაჭირვებამ მაიძულა ავტორი ფუთი სიმინდისათვის სოფელში წავსულიყავი.

ოზურგეთიდან გზას ფეხით დავადექი, სად მქონდა ეტლის ფული. ესეც არ იყოს, ათი თვე გავიდა, რაც ეკა არ მენახა.

აპრილის თბილი დღე იყო, ძალააკრებილი გაზაფხული ზეიმობდა, პაერი ყვავილნარის სურნელებით ავსებულებო.

ეკას ეზოს გავუსწორდი. სახლს ავხედე, გული სიხარულმა უცნაურად ამიფორიაქა. ოთახის შიგნიდან მალა აღმართული ორთავე ხელით თოჯინა ფანჯარას მოსდგომოდა და ეზოს გადმოჰყურებდა, თითქოს ვილაცას ელოდა. რატომღაც გავიფიქრე, რომ თოჯინა რაღაცას მანიშნებდა.

არ მინდოდა ისე წავსულიყავი, ეკასათვის თვალი არ შემეველო. დიდხანს ველოდე. ეკა ოთახიდან აივანზე გამოვიდა, იდლიით წიგნი მოჰქონდა. როგორც კი შემნიშნა, კიბე სირბილით ჩამოათავა. ჭიშკარს მოადგა, აციაგებული თვალეხი სითბოთი ავსებოდა.

— გაშარჯობა!

— გამარჯობა, ეკა.

— შენ რა გქვია?

— შოთა.

— სად დაიკარგე?

მე ჩემი ამბავი მოვუყევი, მისიც ვავიგე. უკვე აღარ ვიბნეოდი, სიტყვას სიტყვას ვაბამდი, აზრს — აზრს. იქნებ ლაპარაკს ისიც მიადვილებდა, რომ ამ ათი თვის განმავლობაში ეკას ოცნებით ასჯერ მაინც შევხვდი და საათობით ჩემსა და ქვეყნის ამბავს ვუყვებოდი. არც ეს დამიფარავს. მან გადაიკისკისა, მე მეგონა სახლიდან არ გიშვებდნენო.

მოსახვევამდე გამაცილა.

ვთხოვე, წერილი მოეწერა.

რა საჭიროაო, უარი მითხრა.

გამოთხოვებისას მეგობრულად გამომიწოდა ხელი. ასე დავშორდით ერთმანეთს.

იმ ზაფხულს მოცლა აღარ მქონდა. მამაჩემთან ერთად ან ყანაში ვიყავი, ან საღარიბოს ტყეში გასასყიდ შეშასა და ყავარს ვამზადებდით. სკოლის ფორმა, სწავლის ქირა, წიგნები, საჭმელ-სასმელი აცარიელებდა ჩვენს ისედაც ხელმოკლე ოჯახს.

* * *

მამიდა სახლში დაქანცული ბრუნდებოდა, მაგრამ როგორც კი შემნიშნავდა, სახე გაუნათლებოდა, შემომღიმებდა, შენ ხარ ჩემი იმედიო,

დედასავით მომეალერსებოდა. ვხედავდი, არ უღბინდა, თავისთვის ძუღლს უოფნიდა, მაგრამ ჩემთვის სულს არ იშურებდა.

თავისუფალ ღროს მე და მამიდა ერთად დავსეირნობდით, სადგურში ჩამომდგარ ლამაზ გემებს ვათვალიერებდით, ხანს ბაღში დავდიოდით.

გიორგი და მამიდა ზოგჯერ მარტოდ ჩაიკეტებოდნენ, რაღაცაზე ვუთავებლად კამათობდნენ. აბა, რა ჩემი საქმე იყო, ამდენი რა ჰქონდათ სადავო. თავიანთი საქმე მათ ჩემზე უკეთ იცოდნენ.

ერთი აშკარაა, — გიორგის, მამიდა ალვასის, უამრავი წიგნებისა და ამხანაგების დახმარებით ბევრი რამ გავიგე, თითქოს თვალი ამეხილა და მანამდე შეუცნობი სამყარო დავინახე. შაქრო მასწავლებლის ქარაგმულად ნათქვამ სიტყვებს უფროდაუფრო ჩავწვდი, მე უკვე ვხედავდი ცხოვრების მრავალ გზას, ვიცოდი რომელი საით მიემართებოდა, მხოლოდ ჯერ ვერ გადამწყვიტა რომელ გზას დავდგომოდი, ვგრძნობდი, რომ ჯერ საამისოდ არ ვიყავი მზად.

ერთხელ, ყველაზე ახლო მეგობარმა საიდუმლოდ მკითხა, „სპარტაკის“ ორგანიზაციას ვაყალიბებთ, არ გინდა ჩაეწერო? იმხანად ამბობდნენ, სოციალ-დემოკრატები მეფის ტახტის აფეთქებას ფიქრობენო, მაგრამ ჩემი ტოლები მახვილის აღმართვას თუ გაბედავდნენ, ეს ვერ წარმომედგინა. ვადამწყვეტი ნაბიჯი მაინც არ ვადამიდგამს. მით უფრო, მამიდაჩემთან სიტყვაც არ დამიძრავს, საწყალ ქალს გულს ხომ არ გადაუტრიალებდი?

ერთხელ, სოუქსუს იქით, ღრმა ტყეში შევედით. მე მაშინ ბათუმში სამი წლის ჩასული ვიყავი და ამხანაგები ნდობით მეპყრობოდნენ. ერთ-ერთმა ამხანაგმა რვეულის გაშლილი ფურცელი ხეზე მიაკრა. მეორემ ნაგანის სისტემის რევოლვერი ამოიღო და დაუმიზნა.

იარალი?! გულმა რეჩხი მიყო, მივხვდი, რომ ჩემს მეგობრებს შორს შეეტოპათ. ალბათ „სპარტაკელები“ არიან, სპარტაკმაც ხომ ასე, მცირე ჯგუფით დაიწყო, ნუთუ ეს პირტიტველა ბიჭუკელები ბრძოლას გაბედავენ? აკვიატებული აზრი ველარ მოვიცილე.

ჩემი ჯერიც დადგა. იარალი გამომიწოდეს და მასწავლეს როგორ გამესროლა. სოფელში ბაბუაჩემის ფილთა თოფით ბევრჯერ ვყოფილვარ სანადიროდ, მაგრამ რევოლვერი ხელში არასდროს მჭერია. ორჯერ გამესროლე. მიზანს კარგად მოხვდა, შემაქეს, სნაიპერი დადგებო.

რა ჭირად მინდა, ვის უნდა ვესროლო-მეთქი, ჩემთვის ჩავილაპარაკე. — დაგჭირდება, არ ესვრი და ისინი გესვრიან.

— ვინ ისინი?

— მავსაც გაიგებ, — მრავალაზროვნად მითხრეს.

ეს იყო და ეს, იმ დღეს სხვა არაფერი უთქვამთ, მხოლოდ განშორებისხანს გამაფრთხილეს, კრინტი არავისთან დამეძრა.

ქალაქში გვიან დავბრუნდით.

სახლში რომ მივედი, მამიდა ვახშამს ამზადებდა.

მოულოდნელად ეზოდან ხმაური შემოიჭრა, ქვაფენილზე დაეშრებოდა ცული მძიმე ჩექმების აჩქარებული ნაბიჯები გაისმა. ნაბიჯები კიბეს ისე ამოჰყვავდა, ჩვენმა ფიცრულმა სახლმა ზანზარი დაიწყო. მამიდამ ფანჯრის ფარდა გადასწია და უმაღლვე ფერი ეცვალა.

— ჟანდარმები! — საგანგაშო ხმით მითხრა.

ნუთუ ტყეში ჩვენი ყოფნა გაიგეს? ეჭვმა შემიპყრო, ამკარა იყო, ვიღაცამ გაგვცა. არამზადები, ენა რომ ამომგლიჯონ, ამხანაგებს არ ვუღალატებ, ჩემგან ვერაფერს გაიგებენ-მეთქი, ჩემთვის გადავწყვიტე.

— ბიჭო, — ათრთოლებული ხმით მითხრა მამიდამ, — თუ დამიჭირონ, არ შეშინდე.

— შენთან რა უნდათ, მამიდა, — ნირწამხდარმა ამის ამოღებლად ძლივს მოვასწარი, რომ უნტეროფიცერი და რამდენიმე ჟანდარმი ოთახში შემოიჭრნენ. ისინი უმაღლვე შეაფხ მივარდნენ, ადგილიდან გამოაცურეს, იატაკში დატანებული პატარა კარი ახადეს და საიდუმლო სამალავიც გამოჩნდა. სამალავში შრიფტი, ნაგანის ტიპის ორი რევოლვერი და პროკლამაციები ნახეს.

— კალანდაძის ძუქნავ, მეფეს გერმანიის კაიზერმა ვერაფერი დააკლო და შენ ფიქრობ კისერი მოსტეხო? — ბურვაკივით ჩასუქებულმა უნტეროფიცერმა პროკლამაციები ცხვირწინ აუფრიალა. უნტეროფიცერი ასოვანი იყო, ოღნავ შეჭლარავებული უღვაშებით და მედიდური გამომეტყველებით. იგი ქალაქში ბევრჯერ შემომჩნევია, ისე დადიოდა, თითქოს ქვეყანა მის ნებას ემორჩილებოდა.

მამიდა ხმას არ იღებდა, დამშვიდებული მეჩვენა. უკვე შეგუებოდა თავის მდგომარეობას.

ჩხრეკას რომ მორჩნენ, ჟანდარმებმა მამიდა ალვასი ხელის კვრით აივანზე გაიყვანეს. მეც ფეხდაფეხ მივყევი. აივანზე გიორგი იდგა, მისთვის ხელზე ხუნდები დაედოთ. ჟანდარმებმა ოთახიდან რალაც ფუთები გამოათრიეს და ეტლში ჩაყარეს.

იმ ღამით აღარ დამიძინია. მარტოდმარტო, გაოგნებული ვიჯექი. აბა, რას წარმოვიდგენდი ასეთი სუსტი, სათნო არსება იარაღით ბრძოლას თუ დააპირებდა. აი, თურმე გიორგი და ალვასი მამიდა საათობით რაზე კამათობდნენ.

განთიადზე ვიღაც წვერმოშვებული კაცი მოვიდა, დაახლოებით ოცდაათხუთმეტი წლისა. იგი ადრე არ მენახა.

— ალვასისა და გიორგის ჩვენ დავეხმარებით, მისი მეგობრები. — ეს მითხრა და უმაღლვე გაქრა. უცნობის გამოჩენამ რალაც იმედი მომცა. ზალხი თუ მოინდომებს, წინ ვინ აღუდგება. ასე მომხდარიყო 1905 წელს. ჟანდარმებს გაფიცულთა მეთაურები შეეპყროთ. მეორე დღეს მთელი ბა-



ქართული
ენების
სწავლის
სამეცნიერო
სამსახური

თუმი ფეხზე დამდგარიყო. შეშინებულ ციხის უფროსს პატიმრები ჩვე-
თავისუფლებია.

მამიდას დაპატიმრების შემდეგ პოლიციელებსა და უანდარტებს
სანახავად ვერ ვიტანდი. სურვილი მებადებოდა, იმათთვის ტყვეობაში
ნა, ან ცხენით ვადამეთელა, მაგრამ არც ცხენი მყავდა და არც იარაღი
მქონდა. სწორედ იმ დღეებში „სპარტაკელთა“ ორგანიზაციაში ჩავეწერე,
თან ვთხოვე, იარაღი მიშოვეთ-მეთქი. იარაღი რად ვინდაო. მკითხეს. მა-
ნამ ვერ მოვისვენებ, სანამ ბურჟუაზიით ჩასუქებულ იმ უნტეროფიცერს
არ ჩავაძალებ-მეთქი. რაკი ასეთი კეთილშობილი სურვილი გამოძრავებს,
იარაღსაც გიშოვთ და კიდევაც დაგეხმარებით, მხოლოდ უჩვენოდ არა-
ფერი გაბედო, საქმე უარესად არ გაართულოო, გამაფრთხილეს. მოთმი-
ნების მეტი რა დამრჩენოდა. მე „სპარტაკელი“ ვიყავი და განკარგულე-
ბას უნდა დავმორჩილებოდი.

ერთი თვის შემდეგ იმ წვერმოშვებულმა კაცმა ქუჩაში გამაჩერა. მა-
მიდას ამბავი ვკითხე.

გამოხსნა ვერ მოვახერხეთ. მეტეხის ციხეში გადაიყვანესო, მითხრა.
ახალდაღამებული იყო. მეხსიერებაში ჩამრჩა მისი შავი, შვაცრი,
თვალები და ლითონივით მკლერი ხმა.

რომ დამჭირდეს, სად ვნახავ-მეთქი, ვკითხე.

გაიღიმა.

— მე შალვა მქვია. მხოლოდ ვახსოვდეს, ჩემს კვალში ჩადგომა შენ-
თვის სახიფათოა.

— რაიმეში იქნებ მეც გამოგადგეთ.

— შენი იმედი გვაქვს. — შეგობრულად მომხვია ხელი. — როცა
საჭირო იქნება, შენც მოგაწვდენთ ხმას.

შალვა წავიდა.

მეტის მოთმენას აზრი აღარ მქონდა. გადავწყვიტე მამაჩემისათვის
ყველაფერი მეთქვა. მამაჩემი რას ვაზღებოდა, თბილისში გზის გაგნებაც
ვაუძნელდებოდა, მაგრამ ძმას დის ამბავი ხომ უნდა სცოდნოდა?

დილის მატარებლით სოფლისაკენ ვავემართე.

ოზურგეთიდან გზას ფეხით დავადექი. არდადეგების შემდეგ ეკა არ
მენახა, გულიც იქითკენ მიმიწევდა.

ეკა ფანჯარასთან იდგა, როგორც კი შემნიშნა, სახე გაებაღრა.

— სულ დამივიწყე, — მისაყვედურა.

ეკა უფრო მიმზიდველი გამხდარიყო. სახე ავსებოდა. თვალებში ქა-
ლური სინაზე ჩასდგომოდა.

„სულ დამივიწყეო“, მითხრა, აბა, ეს რა სათქმელი იყო, ვანა არ
იცოდა, რომ მას იღუმლად ჩემს ყველაზე სათუთ ფიქრებს ეუზიარებდი.
ეკასთან მთელი საათი დავრჩი. ბევრი რამ ვუთხარი, მთავარი მაინც

უთქმელი დამარჩა, გული ვერ გავუხსენი. თუმცა, ისეთი ეშმაკი იყო, უთქმელადაც ადვილად ხვდებოდა.

მიმძიძიდა განშორება, მაგრამ სხვა რა გზა მქონდა, ჩემი მარტყმისა, ჩემი საფიქრალით სოფლის შარას დავადექი.

მამიდა ალვასის ამბავმა დედაჩემი შეაშფოთა, მამაჩემს სიტყვაც არ დაუძრავს, მხოლოდ ეს იყო, რომ მაგიდაზე გამეხებით დაჰკრა ხელი. არ ვიცი, მამიდას უჯავრდებოდა თუ იმათ, რომლებმაც ქალი ციხეში გამოჰკეტეს.

ბათუმში მეორე დღესვე დავბრუნდი. რატომღაც მჯეროდა, რომ იქ უფრო საჭირო ვიყავი, იქ უფრო დიდი ამბები იყო მოსალოდნელი.

* * *

თებერვლის რევოლუციამ რუსეთის ცაზე გადაიქუხა. ამბობდნენ, ომს ბოლო მოეღება, პოლიტიკურ პატიმრებს გამოუშვებნო. თვალი სულ ქუჩისაკენ მეჭირა, მაგრამ მამიდა ალვასი და ვიორგი არ ჩანდნენ, მათი ასავალ-დასავალისა ვერაფერი გავიგე. მას შემდეგ აღარც შალვას შევხვედრივარ. იქნებ ისიც გავბა და ციმბირის გზას გაუყენეს.

ძეფე ჩამოაგდეს, მაგრამ ბათუმში დიდად არაფერი შეცვლილა, თურქეთთან ომი გრძელდებოდა, ძველი ჩინოვნიკები და პოლიციელები ისევ ბატონობდნენ. მალაზიებში ვერაფერს იშოვიდი, ბაზარს კი ცეცხლი ედებოდა.

აპრილი იწურებოდა, ქალაქში ხმა დაირხა, ბოლშევიკები საპირველ-მაისოჯ საყოველთაო დემონსტრაციას ამზადებენო. ხალხი განსაკუთრებული ამბების მოლოდინით იყო დაძაბული. შიმშილით კუჭი მიხმებოდა, განჯინა სულმთლად დაცარიელდა, მაგრამ სოფელში წასვლა არ მიფიქრია, ახლა ქალაქის მიტოვება ღალატად მიმაჩნდა.

იმ დღეს შიმშილით გამოსავათებული სახლში ვბრუნდებოდი. ქალაქი ბინდში იძირებოდა. ქუჩებში აქა-იქ თუ წააწყდებოდი გამვლელს, გაჭირვებამ ხალხი სახლში გამოკეტა.

მოულოდნელად მოსახვევიდან მამაკაცი გამოიჭრა და უკაცრიელ ქუჩას დაადგა. მას ცალ ხელში ჩანთა ეჭირა, ჩანთა სირბილს უძნელებდა. ეს კაცი რამ დააფეთა-მეთქი, გავიფიქრე. აშკარა იყო, უმიზეზოდ არ გარბოდა. წუთიც და მოსახვევში უნტეროფიცერი გამოჩნდა, უღვაშა, მწარბეჭიანი. უმაღლე ვიცანი, ის იყო, ვინც ალვასი მამიდას ციხეში უკრა თავი. რატომღაც წარმოვიდგინე, რომ ომის, შიმშილის, სიდუხჭირის, ყველა უბედურების მიზეზი ის უნტეროფიცერი იყო. ჯანიან უნტეროფიცერს ალბათ კუჭი მუდამ ამოვსებული ჰქონდა, ამიტომაც მარღად მოსდევდა. მათ შორის მანძილი თანდათან მცირდებოდა.

ჩანთიანი საკმაოდ მომიახლოვდა, სახეზე უნებურად შევხედე და... ის იყო ჩემი ნაცნობი შალვა. ვხედავდი არაქათისაგან როგორ იცლებო-

და. ჩანთას მაინც არ ეშვებოდა. ჩანთაში ან შრიფტი ეწყო, ან პროკლამაციები.

— შეჩერდი, ვერსად წამიხვალ. შეჩერდი, თორემ გესვრე ტეროფიცერმა ხმა დაწია. რაკი ბრძანებით ვერაფერს განდასხნა და რევოლვერი იშიშვლა. ჩემსკენ მობობდნენ, ინსტიქტურად კედელს ავეკარი.

ძალაგამოღებული ადამიანის ქშენა მომიახლოვდა, შემდეგ რაღაც ძირს დაებერტყა. მიეხვდი, რომ შალვამ ჩანთა დააგდო. ხელი როგორც კი გაინთავისუფლა, სირბილს მოუმატა. არც უნტეროფიცერი ჩამორჩა, ცოტაც და ხელით მიწვდებოდა. უმაღვე გადავწყვიტე შალვა გადამერჩინა. უნტეროფიცერი როგორც კი გამისწორდა, კედელს მოვშორდი და ფეხი გამოვდე. მას ფეხები გადაეხლართა, წონასწორობა დაჰკარგა, ერთი წამით ჰაერში ისე გამოეკიდა, თითქოს გაფრენას ცდილობსო, შემდეგ თავნა გადასწონა და მთელი სიმძიმით ქვაფენილს დაასკდა. იმავე დროს ნანანის რევოლვერი ხელიდან გაუვარდა და ქვაფენილზე დაეცა. აი ნანატრი იარაღი, იგი ჩემგან რამდენიმე ნაბიჯზე დავარდა. ცდუნებამ დამძლია და იარაღი ხელში ავიტაცე. უკვე გაქცევის დრო იყო, მაგრამ შალვას ჩანთა შესსიერებიდან არ მშორდებოდა, როგორმე ისიც უნდა გადამერჩინა.

სანამ ჩანთას ავიღებდი, უნტეროფიცერი წამოღვა, იგი საშინელი შესახედი იყო. შარვალი მუხლებზე გადაგლეჯოდა, მთელი სახე სისხლით ჰქონდა მოსერილი.

— გველის წიწილო, ეს რა ჰქენი! — დაიდრიალა და ჩემკენ გამოჰქანდა. ჩანთა საკმაოდ მძიმე აღმოჩნდა, მიტოვება ვერ გადამეწყვიტა, არა და საცაა უნტეროფიცერი ყელში მწვდებოდა.

უკვე სიბნელე ჩამოწვა. შეიძლება მას არც შეუშინევი, რომ მე იარაღი მეჭირა. იგი ჯიქურ მომიახლოვდა, და მაშინ, როცა ჩვენს შორის აღარაფერი დარჩა, ჩემს ხელში რევოლვერმა იქუხა. ერთხელ, მეორედ... უნტეროფიცერი ერთბაშად შეკრთა, შეჩერდა, ინსტიქტურად ხელები მუცელზე იტაცა. შემდეგ მუხლები მოეკვეთა და ჩაიკეცა.

— ეგ რა ჰქენი, ბიჭო? — ვიღაცამ მკლავში წამავლო ხელი. ბინდუნდში შალვას მოშვებული წვერი ჩამრჩა მხსიერებაში. მან რევოლვერი გამომტაცა და უბეში შეინახა, შემდეგ ჩანთას დაწვდა.

წყვედიანი დედის კალთასავით გადაგვეფარა.

ის ღამე საღაც გარეუბანში გამათევინეს. ლოგინი გამიშალეს, მაგრამ დაწოლა ვერ შევძელი, თვალთავან ვერ ვიშორებდი სისხლით მოსერილი უნტეროფიცერის სახეს.

შალვა სულ ჩემთან იყო. შენ რომ არ გამოჩენილიყავი, ალბათ დავილუპებოდიო, მეუბნებოდა, მეხვეოდა, მხარზე ხელს მითათუნებდა, ცდილობდა დარდი გამეფანტა, მომხდარ შემთხვევაზე ნაკლები მეფიქრა.

მეორე საღამოს ადგილი გამოვიცვალეთ. სოფლებზე გავლით მანინ-

ჯაურში ჩავედიო, განთიადზე მატარებელში ჩამსვეს და მკაცრად ამოუ-
რთხილეს. სანამ არ მაცნობებდნენ, ბათუმისაკენ პირი არ მექნაო.
ნატანებში რომ ჩამოვედი, მზე აჭარა-გურიის მთებს წაშლდაო.
აპრილი იწურებოდა, მერცხლები უეჭვივით სერავდნენ გადასარკულ ზე-
ცას.

სადგურის მოედანზე გავედი. მეეტლეები ოზურგეთში მიმავალ მგზა-
ვრებს ელოდნენ. კოფოზე დაჯექი. მიიმე ფიქრებს თავს ვერ ვაღწევდი.
რა უნდა მეთქვა მამაჩემისათვის, ეკასათვის, ნუთუ ყველაფერი წყალში
ჩაცვივდა? არა! შეუძლებელია! მუდამ ასე ხომ არ იქნება. მეფის ტახტის
დამსხვრევას რაღაც ხომ უნდა მოჰყვეს? ადამიანებმა ბრძოლა ისწავლეს.
ისინი არ დაუშვებენ ძველის აღდგენას, ახალ ძალმომრეობას, ამიტომაც
გადაწყვიტეს სამაისოდ დაირაზმონ და თავიანთი გულისთქმა გაბედუ-
ლად გამოთქვან. ცუდ დროს მომიხდა ბათუმის მიტოვება...

ოზურგეთიდან გზას ფეხით დავადექი. ნახევარ წელზე მეტი გავიდა,
რაც ეკა არ მენახა. ამ ხნის განმავლობაში რამდენი სათქმელი დამიგროვდა.
მოსახვევს გავცილდი და... სადღა იყო ეკას კოპწია სახლი, მხოლოდ
დანახშირებული ბოძები დარჩენილიყო. ცეცხლი მახლობელ ხეებსაც მი-
წვდენოდა.

მეზობელ ეზოში მამაკაცი შევნიშნე. ამბავი ვკითხე.

— უბედურება დატრიალდა, შვილო.

— გადარჩნენ, ცოცხლები არიან?

— ცეცხლს კი გადაურჩნენ, მაგრამ ტყვიას ვერ გაექცნენ.

— რა მოხდა. გამაგებინეთ.

— ისეთი კეთილი კაცი იყო, ზედ გადაგელეოდა, ჩვენ უწყინარი გვე-
გონა, თურმე მეფეს დამხოხბას უპირებდა. ერთი თვე რომ მოეზომინა, გა-
დატრიალება მოუხწრებდა.

— ეგ როდის მოხდა?

— ნახალწლევს. კომიტეტის სხდომა ჰქონოდათ. ალბათ ვიღაცამ
ვასცა. ჟანდარმებმა სახლს ალყა შემოარტყეს. ათი ას კაცთან რას განდე-
ბოდა. დიდხანს იცავდნენ თავს. ჟანდარმებმა სხვა რომ ვერაფერი გააწ-
ყვეს, სახლი ცეცხლს მისცეს. ჰოდა, ცეცხლმოდებულ სახლში ვინ გაჩე-
რდებოდა. იმ წყეულებმა ქალიც არ დაინდეს... ქალი კი არა, ვაჟკაცი
იყო, ბოძზე ამოფარებულს სროლა მანამდე არ შეუწყვეტია, სანამ სუ-
ლი არ გააფრთხობინეს.

— ეკა? ეკაც დაიღუპა?

— არა. ეკა ცოცხალია, წინა დღით დეიდასთან გაეშვათ. საცოდავს
მშობლები დაპატიმრებული ჰგონია...

იქაურობას გაოგნებული გავმორდი.

ჩემი დაბრუნება არ ვაპყვირებოდათ. პირიქით, მთელმა ოჯახმა ვაი-

ხარა. სწორედ სულზე მოგვისწარი, ყანა გვაქვს დასათესიო, მიიხრა მა-
მაჩემმა.

სოფელი დამშეული და დამწუხრებული დამხვდა. ომმა ბევრი ვაე-
კაცი იმსხვერპლა, სასიმიინდეები დააცარიელა, ქალები გაავფიქრებინა
ზამთარი წაბლითა და წინიბოთი გაჭკონდა.

მეორე დღეს სათევზაო ბაღე წამოგიკიდე და ბუყუს ჩაყევი. წითე-
ლი მთის გასწვრივ რამდენიმე თავთხელი ვიცოდი, საიდანაც გაწილე-
ბული არასდროს დავბრუნებულვარ.

ცოცხალი კაცი ფიქრებს საღ გაექცევა. მივდიოდი და საფიქრალ-
სადარდებელიც თან მიმქონდა. უკვე თვრამეტი წელი მისრულდებოდა,
საცაა არმიაში გამიწვევდნენ. მანამ ყანის დათესვაც უნდა მომესწრო და
ეკაც მეზონა. დარწმუნებული ვიყავი, ახლა მას სხვაზე მეტად მე შევემ-
სუბუქებდი ვარამს.

მდინარეს ჩაყევი. გაზაფხულის წყალდიდობას ძველი თავთხელები
დაეხვეტა. ახალი თავთხელების ძებნაში ქვევით დავეშვი.

მდინარეზე კაცის ჭაჭანება არ შემინიშნავს. მხოლოდ ერთგან, ვეე-
ბერთელა ლოდზე ვიდაც ქალი იჯდა და მდინარეს ჩასცქეროდა. უფრო
მიუეახლოვდი. ქალს ჭრელი მანდილი ეხურა და ნიკაპქვეშ გამოენასკვა.

მდინარის ხმაურში ჩემი მიახლოება არ გაუგია, ფიქრებში ღრმად
იყო ჩაძირული. ვადავწყვიტე მისთვის მარტოობა არ დამერღვია.

ოდნავ რომ ჩავცილდი, უკან მოვიხედე, მოვიხედე და... ის იყო,
ეკა, ეკა!

ბაღე დავაგდე, ლოდთან მივირბინე.

— ეკა, ძვირფასო!

შემომხედა, აცრემლებულ თვალებში სითბო ჩაუდგა, სახე ისე გაე-
ბადრა, თითქოს ტკბილი ოცნება ახდენოდეს.

იმ დღეს აჭისწყლამდე ჩავედი. ბაღე ბევრ თავთხელსა და მორეე-
ში ვისროლეთ. ეკა ისე გაერთო, მისი გულიანი კისკისი ქვებზე აცეკვე-
ბული მდინარის ჩხრიალს ფარავდა.

შემდეგ რა მოხდა?

ბუყუბ ვახდა ჩვენი შეხვედრების უტყვი მოწმე. ეკა იმდენად მიამი-
ტი იყო, ყოველი სურვილი სახეზე აშკარად ეხატებოდა. იგი არც ბავშვი
იყო, არც ქალი. სწორედ იმხანად უსრულდებოდა 16 წელი. ცხოვრებას
მისთვის არც სიხარული დაუშურებია, არც მწუხარება, მიუხედავად ამი-
სა, ბედთან ჭიდილისა არაფერი ვაეგებოდა. მეგობრული სითბო მხნობას
კი არ უმატებდა, გულს უჩვილებდა. ორიოდე დღით სადმე წასვლას თუ
დავაპირებდი, ისეთი შიში და მოუსვენრობა იპყრობდა, თითქოს აღამი-
ნთაგან მოწყვეტილი რჩებოდა. ვატყობდი, რომ იგი ჩემზე ფიქრობდა და
ველოდი ახალი გადაწყვეტილება მის სულში მტკიცედ როდი გაიდგამდა


ფესვებს. მე კი... ეკაზე ფიქრი ყოველდღიურ აუცილებლობად გადაქცე-
და, ვერც წარმომედგინა უმისოდ ყოფნა.

იმხანად ქვეყნის მდგომარეობა უფრო აირია, ხან გერმანელები, ხან
ვლენენ სისხლს, ხან ინგლისელები, ხან თურქები. გზააბნეული მენ-
ბი ღობე-ყორეს ედებოდნენ, მაგრამ ვერაფერს გახდნენ. ავბედობის ქაში
ხანგრძლივი აღმოჩნდა. მთავარი იყო, ხალხს მხნეობა არ დაეკარგა.

ბათუმიდან ხმა მომაწვდინეს, კომიტეტში მიბარებდნენ. როგორც
ჩანს, ჩემი ჯერიც დადგა... ასე გავხდი ბათუმისა და ოზურგეთის პარტი-
ული ორგანიზაციების მეკავშირე.

ახლა, როცა ცხოვრების განვლილ გზაზე ვფიქრობ, რატომღაც, მის
მთის მდინარეს ვაღარებ, რომელიც ავღრობის დროს ისე გახელდება, კა-
ლაპოტში აღარ ეტევა და ყველაფერს წაღვევით ემუქრება, ხოლო ზოგ-
ჯერ ისეთი ანკარა და მიმზიდველია, თვალს ვერ მოწყვეტ. დაახლოებით
ასე წარიმართა ჩვენი ცხოვრება, ზოგჯერ სიკვდილს პირისპირ შევცქე-
როდით, ზოგჯერ მშვიდი დღეებიც იდგა.

გიორგი და ალვასი იმ ხანძარში ჩაიფერფლნენ. შალვამ და ბევრმა
„სპარტაკელმა“ ახალი გზის გაკაფვას შესწირეს თავი. მე და ეკა სხვებ-
თან ერთად გამარჯვების შემდეგაც ვიბრძოდით, რომ სისხლით მორწყუ-
ლი თავისუფლების გზა ისევ შამბნარს არ დაეფარა, მის გასაკაფად ქვე-
ყანას ახალი მსხვერპლის გაღება არ დასჭირვებოდა.



წიგნიდან — „დიდი ქალაქი“

* * *

ვარ გავარდნილი როგორც ფირალი,
ხელაღებული ვინმე ყაჩალი,
მაღალი მთები შემოვიარე
და მწვერვალებზე კოცონს ვაჩალებ.
მიწას თავისი წარსული სტკივა
და ვუნაწილებ სუროს და დაფნას,
იქ — წინამურში გასროლილ ტყვიას
და ფიროსმანის დაკარგულ საფლავს.
იქ, სადაც ერის დიდება მღერის,
იქ, სადაც ძველი მუღლი დასრულდა,
მე დიდოსტატის მოჭრილი ხელის
უნდა ვიძიო შური წარსულთან.
როგორც ფირალი უდაბურ ტყეში,
ვარ გავარდნილი ვინმე ყაჩალი,
პრომეთეს ცეცხლი მიჭირავს ხელში
და მწვერვალებზე კოცონს ვაჩალებ.

* * *

პირველად მე შენ გიხილე ციდან,
სულ სხვანაირი იყავი მაშინ,
შემოდგომის მზე ღრუბლებში ცრიდა
და ირხეოდა ნისლები ქარში.
გადადიოდა ფერიდან ფერში
შუქთა ნიშნები და რეკლამები.
პირველად სულ სხვა ვიხილე შენში —
მეგონე ცივი და უკარება.

მაგრამ უეცრად გატყდა ლოდვიით
სიმარტოვის და მოწყენის შიში,
თანდათანობით გათბა ლოგინი
და უცაბედი სიმღერაც იშვა.

„დიდი ქალაქი“ დავარქვი უმალ
იმ მგზნებარებას და გარინდებას,
რაც განიცადა პირველად გულმა,
რაც არასოდეს არ განელდება.
და რასაც ერთად ვაგროვებ ყველას,
წვიმებს და ციმციმს უთვალავ ფერთა,
პირველ სიხარულს და პირველ წყენას,
პირველ პაემანს პუშკინის ძეგლთან.
პირველად მე შენ გიხილე ციდან,
სულ სხვანაირი იყავი მაშინ,
შემოდგომის მზე ღრუბლებში ცრიდა
და ირწეოდა ნისლები ქარში.

* * *

შენ დაღლილი მზე გეჭირა ხელში,
მე რომ გიხილე პირველად მაშინ,
არ ვიფიქრებდი სიცოცხლის დღეში,
რომ ჩემს წინაშე იყავი ვალში.
რომ წინაპართა ნაბიჯი მტკიცე
და ბრძოლის ველზე დაღვრილი სისხლი,
მოდის და გულის ძარღვებში მიცემს
და ყველაზე რთულ გაკვეთილს მიხსნის
იქნება ჩემი ამაყი მზერა
არ მოუფიდე ვიღაცას თვალში,
პირველყოვლისა, მე შენი მჯერა,
შენ უნდა იყო ჩემს გვერდით მაშინ.
მე კი მომავლის ერთგული ბავშვი,
რომელმაც შორი გზებით ვიარე,
ბებერი ფიქრის ბაირაღს გავშლი
და მადლა, მადლა ავაფრიალებ.
და ცეცხლიანი დროშების ეშხით
სიმღერას ჩემსას წაიღებ ხალხში...
შენ დაღლილი მზე გეჭირა ხელში,
მე რომ გიხილე პირველად მაშინ.

ჩვეულებრივი თვალებით ვუმხერ,
ჩვეულებრივი თვალებით მიმხერს.
ძალიან დიდი რიგია პურზე,
ძალიან დიდი რიგია წიგნზე.
რვა მილიონი თვალები მიმხერს,
პროსპექტებით და პროექტორებით.
ყველაზე შეტად მე ახლა ვიგოძენ
წამი, როდესაც მე შენ გტოვებდი.
დღეს ოსტანჯინოს მაღალ ქიმზე ვარ,
არ ვიცი, ხვალე სად ვესტუმრები.
ყველანი მუშტრის თვალით მიმხერენ —
კაფე, ქალები და რესტორნები.
სუყველა ბედის ვარსკვლავს შენატრის,
სუყველა ერთი ფიქრით იესება.
მცირე თეატრის,
დიდი თეატრის,
ლოჯა, პარტერი და იარუსები.
აქ ზოგნი კაფე „ლირას“ აქებენ.
ჩვენ კი „არაგვმა“ ვაგვახალისა.
შეხვედრა ერთი წუთის საქმეა.
განშორება კი ერთი წამისა.
ნერვიული და მღელვარე სახით,
ადიდებული ტალღა ვეება.
მიეძინება მეტროში ხალხი,
ისე ვით ზღვაში მდინარეები.
ყველგან ხალხის ზღვა უნდა ვასცურო
ფზიზელი, თანაც ცივი გონებით.
გეპატიეება ყველა სასტუმრო
ჯაემანითა და ტელეფონებით.
ზოგჯერ უჯავშნოდ არის იმედიც.
თუ გაგიცინებს ქალი ლამაზი...
გაყიდულია ყველა ბილეთი,
გაჭედილია ყველა დარბაზი.
და ბაქანზე თვლემს დამე ბებერი,
როცა ხანდახან იგვიანებენ, —
ჩქარი და ჩქარი მატარებლები,
რეაქტიული თვითმფრინავები.
მე კი ყველაზე მაღალ ქიმზე ვარ.

არ ვიცი ხვალე სად გესტუმრები,
რადგანაც მუშტრის თვალით მიმზერენ
კაფე, ქალები და რესტორნები.
ყველაზე მეტად მე ახლა ვიგრძენ
წამი, როდესაც მე შენ გტოვებდი...
რვა მილიონი თვალეზი მიმზერს
პროსპექტებით და პროექტორებით.

* * *

შენს სახელს ვარქმევ ფიქრებს გამხელილს,
ნეტა ეს ფიქრი მუდამ მათბობდეს,
ცოტა კიდევ და მე ეს სახელი
უნდა ვაუწყო მაღალ მნათობებს.
შენი გულისთვის გიჟის ხალათი
თუ ვერ ვზიდე და ქედი მოვხარე,
თავზე დამატყდეს ქვეყნის ღალატი,
ისე რომ ვეღარ მიცნოს მოყვარემ.
თუ ვეღარ ვზიდე შენი უღელი,
დავიღალე და მუხლი მოვკეცე,
უკან წაიღე ყველა უკლებლივ
ის სიყვარული, შენ რომ მომეცი.
საითაც წავალ იქით მომელის
სიტყვა, რომლითაც მე შენ გამათბე.
არ მეგულეზა ქალი, რომელიც
ამ ქვეყანაზე შენს თავს წამართმევს.
შენი გულისთვის გიჟის ხალათი
თუ ვერ ვზიდე და ქედი მოვხარე,
თავზე დამატყდეს ქვეყნის ღალატი,
ისე, რომ აღარ მიცნოს მოყვარემ.

* * *

ვთქვათ და შემთხვევით, ქალაქში მეტრო
ერთ მშვენიერ დღეს გაჩერდეს უცებ,
რა ეშველეზა საბრალო ქუჩებს,
მართალი ვითხრა, ვერაფერს გეტყვი.
დავუშვათ,
სული მიჭირავს კბილით
და სწორედ მაშინ...
და სწორედ მაშინ...

რა ეშველება პემანს ჩაშლილს,
ფეხბურთისა და თეატრის ბილეთს?
დავუშვათ,
უცებ ჩაქრა სინათლე
და ოსტატები აღარ არიან...
რა თავში ვიხლი თითქმის ცარიელ
სტადიონებს და კინოთეატრებს?!
ვთქვათ და შემთხვევით ქალაქში მეტრო
ერთ მშვენიერ დღეს გაჩერდეს უცებ,
რა ეშველება საბრალო ქუჩებს,
მართალი გითხრა, ვერაფერს გეტყვი.

* * *

შენი მაღალი მკერდის ფერდობი
ღაღადებს თავის ერთადერთობას...
ღამაზი ქალის თვალებს ვენდობი,
ქალის გულს აბა ვინ არ ენდობა!
გადაიშლება ვრცელი ველები,
ჩამოგიქროლებს, როგორც ალალი,
ადგები, თავზე შემოველები,
იცი სხვა გზა და სხვა ხსნა არ არის.
აშრილდება სულში მანდილი
და ოცნებასთან ახლოს რომ ვიყო,
მე ქალის გულს არ მოვინადირებ,
მხოლოდ და მხოლოდ უნდა მოვიგო.
ზოგჯერ ღიმილი ძვირად მიღირდა,
ზოგჯერ თვალებზე სევდა მეფინა,
ღიმილი კი არ უნდა იყილო,
მხოლოდ და მხოლოდ — აჩუქებინო.
მაღალი მკერდის თეთრი ფერდობი
შენდობასავით სულში ენთობა,
მე შენს ნაჩუქარ ღიმილს ვენდობი
შენს სიყვარულს და ერთადერთობას.

* * *

სიხარულივით გამომეცხადე,
შენსკენ მოვყავარ ცისფერ ვაგონებს.
ვარ შენი ბედის ერთი მერცხალი
და შენი სიტყვის უმაღლ გამგონე.

თავზე ისეთი დილა დაგნათის,
 ზეცა ისეთი მზით იმოსება,
 ხარ ასრულება ყველა ნანატრის,
 ყველა ოცნების გასხივოსნება.
 შევხარი შენი ზეცის არწივებს,
 თბილისო, ჩემო თბილო ამინდო,
 მოდი, სიმღერის სეტყვა მაწვიმე,
 მოდი, დამბუგე და არ დამინდო.
 არ დამიკარგო ჩემი ძახილი,
 შენთან მამღერე.
 შენთან მატირე.
 მოდი, დამკარი შენი მახვილი,
 გულიდან ლექსის ღვარი მადინე.
 დილის ცვარივით შემოვალ შენში,
 რომ გავახარო შენი ვარდები,
 მერე გამოვალ და შენს ქუჩებში
 მაჩაბელივით დავიკარგები.

* * *

შეგობრის ხსოვნას

შენი კეთილი იმედის კონცხი,
 ცა მოწყალე და დილა მოწყალე —
 თავდახრილია მიმოზა მორცხვი
 და ეუფლება შენი მოწყენა.
 იქნება ღირდა, იქნებ არ ღირდა,
 ყოფნა-არყოფნის სრიალებს ცელი
 და ვნანობ შენი სიკვდილის დღიდან,
 რომ ვერ განვკურნე ტკივილი შენი.
 კლდეს მიეხალა ძველი ტკივიით
 ქარი და თოვლში დარჩა მარხილი...
 მეძახის შენი გულისტკივილი,
 მეძახის შენი გულისძახილი.
 მეძახის შენი გულის ნადები —
 „კეთილი იყოს ჩვენი გაცნობა“...

იციდი გულზე ხელის დადება,
 მერე სიტყვის და საქმის კაცობა.
 მერე კეთილი საქმის კაცობა...
 ვერც გრძნობდი გული ისე იწვოდა...
 ასე გიცნობდა, ვინაც გიცნობდა,
 ვისაც უნდოდა შენი ვაცნობა.
 რა დროს ეგ არი, ღირდა, არ ღირდა...
 სიკვდილ-სიცოცხლის სრიალებს ცელი
 და ვნანობ შენი სიკვდილის დღიდან,
 რომ ვერ განვკურნე ტკივილი შენი.

* * *

მე ის ბავშვი ვარ, უდაბურ ტყეში
 რომ გაიყვანე და მიატოვე,
 შიში ფარავით მეჭირა ხელში
 დაბურული ტყის და სიმართლის.
 ისე უღმერთოდ რად მიმატოვე,
 „— არსაიდან ხმა, არსით ძახილი...“
 უდაბური ტყე და სიმართლე
 შემეზნებოდა როგორც მახვილი.
 თითქოს ცარიელ ქვევრში ჩავძახე,
 ტყემ დამიბრუნა ჩემი ძახილი,
 ამოა იყო ყველა განზრახვა,
 უმისამართოდ თვალებს ვახელდი.
 მეუფლებოდა დაღლა თანდათან,
 დაღლა სიზიფის ლოდივით მძიმე.
 მე აღარ მახსოვს როგორ დაღამდა,
 როგორ დავწექი და დავიძინე.
 მე აღარ მახსოვს როგორ კენესოდა
 ქარი... გამიკრთა ის შეშფოთებაც,
 აღარც ფრთოსნების სტვენა მესმოდა,
 აღარც შრიალი მწვანე ფოთლების,
 აღარც შიში და ფიქრი ავ-კარგზე,
 აღარც აღმართი, აღარც დაღმართი,
 რაც მთავარია, შიში დავკარგე,

რადგან გონება ძილმა წამართვა.
ექვციც წამართვა, დარდიც წამართვა,
მწუხარებაც და ბედნიერებაც,
და ერთი სიტყვით, გავხდი წარმართი
პირველყოფილი ქვეყნიერების.
მაგრამ ეს მხოლოდ ერთი შეხედვით,
სინამდვილეში ასე არ იყო,
ვიგრძენი ხმელი ფოთლის შეხება
და სინამდვილის კარი გაიღო.
გამომეღვიძა, ვიგრძენ ნოტიო,
ჰავა, ფოთლები, ოდნავ სიცივე...
და ყველაფერი იყო მარტივი —
აღმოსავლეთი და მზის სიცილი.
და ყველაფერი იყო ლამაზი,
მზე და ფოთლები, თეთრი ღრუბლები...
მზე ამოვიდა და მე ამავსო
იმედით, რწმენით, თავისუფლებით.

ზღვის პირას აკრძილი კენჭები

მხურვალე კვიზა

თითები თითებს ესათუთება,
და ენატრებათ ფერისცვალება,
რასაც სიზმარი ღამეს უთევდა,
ღამესვე შერჩა წვად და წვალებად.
თუმცა გვერთებს ზღვის არე ვრცელი,
როგორც სამარე და სარეცელი,
მაგრამ უწყალო ნაპირი გვეთიშავს,
და წვდომის დვრიტა და ცხარე ცრემლი
არ დაეღვრება მხურვალე ქვიშას.

ვარდისფერი ნატერფალები

ზღვის აიზმით გავლილიანი
და აგრე ლურჯმა და სპსაცილომ
შენი სინაზით ვათვრე თვალები,
გკოცნე სილაზე გავლილი ლანი
და ვარდისფერი ნატერფალები.

ვარიაცია

სადაფისფერი, ლურჯი, მოლიბრო
ისხდნენ ზღვის პირას გალურსულები,
ამყავდა კენჭი, როგორც კოლიბრი,
და ხელიაგულზე ვუალერსებდი.
და შემდეგ წყლიან მინის ქილაშიც
მათ ახლდა სიტფო შენი ტერფების.
მე ახლაც მხიბლავს შორი მირაყი
და იმ ნატერფალს ვეტრფილები.

აფროდიტე ზღვის ქაფიდან იშვა, —
 ტრფობისა და სილამაზის დედოფალი.
 ფეხს დაადგამს — ცეცხლს უკიდებს ქვიშას
 და შემდეგ კი,
 შემდეგ გულებს ეშხეფება ალი.
 თქვენ ეს არ გჯერათ?
 ზღაპარია? მხოლოდ მიითია?
 მაგრამ გული ჩემი თუ
 ამის ცოცხალი...
 არა! —
 დამწვარი მაგალითია?!

აფროდიტის ბატაცემა

სვანეთისაკენ! სვანეთისაკენ!
 სადაც განძეულს მალავდნენ ოდიჯვე-
 ცაო, ამაღლდი, გადაისარკე! —
 სვანეთს მივფრინავთ მე და აფროდიტე.
 ღიღი მაქვს ზრახვა, თუ კი შეეძელი
 (ვინაშე ოცნება მართლა ვართველო),
 მინდა ეს ფეხმსუბუქი ბერძენი
 გავასვანო და გავაქართველო.
 უნდა ჩავაცვა ქართული კაბა,
 ასე ტიტველი სანამ ვატარო?!
 საკინძე უნდა ამოვუღილო,
 გულს დავაბნეო ოქროს ღიღილო
 და გულისაბა,
 ვისწავლო ნამდვილ, რაა კათაროს.*
 შემდეგ დავბრუნდებით უკანავე, —
 ვიცი, უზღვაოდ დაუმძიმდება,
 მთვარიანში ვაბანავებ, —
 ტანმსურვალეა და არ შესცივდება.

* კათაროს ბერძნულად წმინდას ნიშნავს.

ჰმ! ჯერ იყო და, ლედვის ფოთოლი...
ახლა სამოსი, ფარდა,
ნილაბი!

ეინ იმალება, ცოდვილის და
მახინჯის გარდა?
რატომ აღმართე სულში ვოდოლი.
უბადრუკობის და სიღარიბის?!
რამ დაგაკნინა?
წინათ ვარდი გესხა ყელამდის,
ახლა ბუნების რატომ გრცხვენია?
შეხედე, დატყბი —
დგას უნს წინაშე
შევენების თვისის სხივით მოსილი
ძველი ელადის
ნორჩი გენია!

ბებერი მკობრა

„ბებერ ქჷარს ეიინებო“, —
რატომ მიმღერე?
ბებრის ოინები უნ არ გცოდნია!
გამიგონია, ბერი ქედნები
ახლად დაფრენილ გვრიტებს კორტნიან.
მიფრთხილდი, ბალო!
მე კიდევ მეყოფა ალლო
ბებრული
(ვაითუ მართლა დავბერდი და
სოსულელეს ვროშავ?!),
წამოვეწიო შენი სიყმაწვილის ნავს
და ზედ ჩემი მეკობრული
აღმართო დროშა!

დაღვინებული ამინდები

მოვიდა რთველი,
მაგრამ მე რა მაქვს
ან მოსამკელი,
ან მოსართველი?!
მე ვერ დავმწიფდი უშენობით და...

ო, არა, არა! —
შენით აღსავსე მე ვარ ჯანმრთელი.
და მაინც სული
აბლაბუდის სიმზე კიღია...
აქლერებს ქარი,
ეოლოსის ქნარივით ძაბავს.
ზრახვათა შენთა თუ არ დამინდეს,
ისე რა გული გაუძლებს, აბა,
ასეთ სისავსით,
ასეთ სიმწიფით
ღვინის ზღვასავით დამდგარ ამინდებს?!

ფ ი ა ლ ს ვ ლ ა
ოღონდ არა ლირიკული

ერთი უცხო სიმღერა მაგონდება,
უკვე დავიწყებით შენისლული:
„გულსა და სულს რომ მთავაზობ,
რა ეშმაკად მინდა შენი სული?!“
გულზე ცეცხლის შემონთება
რისთვის გავამზილე?
განა გული მინდორია,
საძოვარი, სანახირე?!
იქნებ ჯობდა, სულის დაღადისი
სულაც არ თქმულიყო?
ქვეყანას რატომ უნდა მოჰფინო,
სად დაიკარგა შენი სულიყო?!
გულის საღმობა და გაგიყება
უნდა იმღერო მაშინ
და მხოლოდ მაშინ,
როდესაც გჯერა,
რომ სიმღერა მოსწყდება მიწას
და დედამიწას წაიღებს ცაში!

ზღვიდან ბახმაროში

ჩვენ პირველსავე სიტყვას მოვიდეთ,
ზღვასა და წიაღსვლას მოვეშვათ
(წიაღს ახლა ხშირად ხმარობენ)
და გურიის წიაღ
წავიდეთ ბახმაროზე.

ბახმაროს მთები დაუთოვია,
(მოაში კი არა, ბარშიც დათოვილა)
მე თურმე სხვა ვინმე მითხოვია,
ჩემი ნანდაურიც გათხოვილა.

* * *

ეს არის ზღვის პირას ნაპოვნ
უკანასკნელი კენჭი
(მაღე მოპყვება სამარის ლოდიც).
აქა მთავრდება იმედი ყველა
და ყველა ეჭვი.
მომიგონებდეთ!
შემინდეთ ცოდვილს!

Post scripfum

ანუ

მკითხველის მსჯავრი

რომ ამბობთ, მთავარი საზომი
მკითხველის ადლიაო, —
მეც წავაკითხე მავანს.
— ჰაუ, ეს რამდენი გიჟბდლიაო, —
დღე გამითენა შავად.
— ვერ გამოგსვლიაო, მშობილო,
ჩანს, ოცნება ვერ აასპიროზე,
ეგ კენჭები წაილე და
ისევ დაყარე სანაპიროზე.
ლექსის მკითხველებს გაგვიფრთხილდითო,
ისედაც დავრჩით ცოტანი,
მე ვერ შევინდობ,
ღმერთმა შევინდოსო
შენი ცოდვანი.

რა უნდა შეთქვა ამის გამგონეს?!
სამსჯავრო სხდომა დამთავრდა ამით.
თავი მდაბლად დავუკარი და
დავუდასტურე:
—ა—ა—ამინ!

ჯემალ ქათაბაძე

ს თ ვ ლ ი ს დ ე ღ ე

დღეს მოწინავე ადამიანები იმდენი გვყავს, თითქოს გასაკვირი არაფერია, გადაშლი წიგნს, გაზეთს, ჟურნალს და ყველა ისინი ერთად რომ შეკრიბო, ერთი კაცის სიცოცხლე არ ეყოფა, მაგრამ ამ ღირსეულ ადამიანთა შორის ერთი რომელიმესადმი რატომღაც განსაკუთრებული სიყვარულით განიმსჭვალები. მისი სახელი სად არ გსმენია — შეკვებებზე, რადიოსა და პრესაში, აქებენ, აღიდეგენ; თუმცა პირადად არ გინახავს, არ იცი როგორი ადამიანია ცხოვრებაში, გაინტერესებს მასთან შეხვედრა, გაცნობა, ბიოგრაფია, გინდა მასზე ილაპარაკო და ამასთან ყოველთვის მისი სახელი მოწინავეთა შორის გესმოდეს, ხოლო მცირეოდენი შრომითი წარუმატებლობა გულთან მიგაქვს, ვანიციდი.

ასეთი არის ჩემთვის სოციალისტური შრომის გმირი, კომუნისტი ემინე ზაქარიაძე.

ხშირად მიფიქრია, როგორ გამოვხატო მისდამი სიყვარული, პატივისცემა; სხვა რა უნდა გამეკეთებინა, გადავწყვიტე ამ ხელმადლიან ქალზე ლექსი დამეწერა, რომელიც გაზეთში დავბეჭდე. ეს იყო ჩემი მცირეოდენი საჩუქარი ქალთა საერთაშორისო წლისადმი. აი, ეს ლექსიც.

დამილოცნია შენი სახელი,
გმირის და დედის წმინდა, სათუთი.
არა ვარ შენებრ ქალის მნახველი,
შენით ამაყოფს ჩვენი ქაქუთი.
ჩაის თითქვ დუყებს, მთაში განახარს,
თავზე დაპხარი, ქვეყნის ლხენა ხარ.
ქალო მართალო, ჩვენი ბარაქა,
ჩვენი სიმაღლეც, ლხენაც შენა ხარ.

შენ გაგვისია ზვავით ბელელი,
აბა უშენოდ როგორ გვეხარა.
შენით მალღდება ჭერიც, კედელიც,
შენით მალღდება მთელი ქვეყანა.
შრომის დიდებით შორეთს წახველი,
მაგრამ სწორებთან გიყვარს დარჩენა.
დამილოცია გმირის სახელი
და მოუღლელი შენი მარჯვენა!



ეს იყო ჩემი გულისხმა, თუმცა ლექსში ვერ ვთქვი, რატომღაც ვერ გამოვხატე ის, რასაც ვფიქრობდი, ვგრძნობდი და გადავწყვიტე წივნი დამეწერა გმირზე. და აი, შემოდგომის პირს, როცა ჩაის კრეფის სეზონი უკვე მთავრდებოდა, ვეწვიე ემინე ზაქარიაძეს...

ჩვენ ვსხედვართ ორსართულიანი ქვის შენობის აივანზე. შემოდგომის მზე მაინც გვაჭერს თვალეში, ალაგ-ალაგ მთის ფერდობებსა და ხეებში მცენარეები ჩაყვითლებულა. გმირის სახლი მთა-კორტოხზე დგას და გადაჰყურებს საკოლმეურნეო ჩაისა და ციტრუსების პლანტაციებს, ახლად წამოჭიმულ ორსართულიან ქვითყარის სახლებს. აღარც კი გინდა ილაპარაკო, რომ ამ რამდენიმე წლის წინათ ეს ფერდობები როგორი გაუუვალი იყო, რომ ამ უბანში მხოლოდ ერთი-ორი ოჯახი სახლობდა. არა, გასაკვირი არაფერია — მატულობს ახალმოსახლეობა, კოლმეურნეები იშენებენ ახალ სახლებს, ყიდულობენ მსუბუქ ავტომანქანებს; შრომას, პატიოსან შრომას, ყველაფერი შეუძლია. დედაჩემს უყვარდა თქმა: შრომა კაცს ცივ ქვაზეც დაასახლებსო. ქაქუთი ხომ ბუნებით ლამაზი, მიწანოყიერი, ძველთაძველი სოფელია და აქ გამრჩე კაცს შრომა ორნავად დაუფასდება.

ერთი დიდი სიკეთე ახასიათებს ჩვენს ეკონომიურ სიძლიერეს — კაცთმოყვარეობა. ალბათ, ყველას წაგვიკითხავს, გვსმენია, თუ მეზობელი მეზობელს, ანდა სოფელი სოფელს როგორ შუღლობდა, ერთის წარმატება მეორეს გულს უწვრილებდა, იყო ქიშპობა და მტრობა, ხან ფარული, ხან აშკარა... ახლა შორიდან რომ უყურებ ამ ნარინჯ-თურინჯებში წამოჭიმულ ორსართულიან სახლებს, არავითარი ახსნა-განმარტება აღარაა საჭირო, თუ მეზობელი მეზობელთან, ამხანაგი ამხანაგთან როგორ კეთილად ცხოვრობს, როგორ აღელვებს და ამოძრავებს ერთი საერთო მიზანი — ხალხის, სამშობლოს კეთილი სამსახური.

კოლმეურნე თევრათ ბეჟანიძე გვიყვება.

— აი, ამ ადგილებს რომ ხედავ, არავინ არ ცხოვრობდა, აგერ, ზემოთ ერთი მოსახლე იყო და მერე ესენი დასახლდნენ. მაშინ აქ გაუვალი ეკლნარი იყო. მე ზემოთ ვცხოვრობდი, მეორე სოფელში, ნაცხავატებში. ემინეს მეუღლე მურადი რომ აქ დასახლდა, მითხრა, შენც ჩვენს გვერ-

დით დიასახლდით. ეს იყო 1962 წელს. გამიხარდა, დავუჭერე და აღვიკვირ
სახლს რომ ხედავ, ჩემია. მურადი მეხმარებოდა ფულითაც და ცხვირითაც
რადაც, ღმერთმა ააშენოს. ახლა ავადაა, აგერ ორი წელია ლოგინებულ
რდა, თორემ კიდევ ბევრ კარგ საქმეს გააკეთებდა.

ქართული ანდაზაა — ჯერ სხვას და მერე მეო. მართლაც, მურადს
საკუთარი სახლი ბოლომდე არ აუშენებია, სხვებისათვის თავს დებდა.
უნებლიედ თვალი მოვაველე ფერდობზე წამოჭიმულ თევრათ ბეჟანიძის
სახლს. მოხუცი არ სტყუოდა.

საკუთარი სახლის მშენებლობა არ მოუშთავრებია, რომ სოფელში ვი-
ნმეს გული არ სტკენოდა, კარის მეზობლებს ფულითაც ეხმარებოდა, ფი-
ზიკურადაც. ასეთი კეთილმეზობლობა, კაცმოყვარეობა ჩვენში ჩვეუ-
ლებრივი მოვლენაა.

— ეკონომიურად ჩვენ არ გვიჭირს, — გვეუბნება ემინე და სახეზე
ნათელი ფერი გადაჰკრავს, თვალებიც უბრწყინავს, — მაგრამ ჯერჯერო-
ბით არ დაგვიმთავრებია სახლის მშენებლობა.

სიტყვა სახლზე იმიტომ ჩამოვაგდე, რომ რამდენიც არ უნდა ვილა-
პარაკოთ, როგორადაც არ უნდა აღვწეროთ შრომა, უპირველესად შრო-
მის შედეგი სწორედ აქ ჩანს. ოჯახი ქვეყნის პატარა ნაწილს წარმოადგენს,
ამიტომ მისი კეთილმოწყობა სამშობლოს სილამაზე და სიმდიდრეა. ჩვენ
მხოლოდ იმისთვის როდი ვცოცხლობთ, რომ მარტო ვიშრომოთ, მთავარია
ამ შრომას რა მოაქვს. და როცა ვხედავთ შეძლებულ კოლმეურნეს, ეს
უკვე ბევრის მთქმელია. საქართველოს კპ ცენტრალური კომიტეტის დღე-
ვანდელი საქმიანობა სწორედ იქითკენ არის მიმართული, რომ ვიშრომოთ
და ვიცხოვროთ პატიოსნად. ჩვენ იმისათვის გვინდა წარსულში დაშვებუ-
ლი შეცდომების, შექრთამეობის, სპეკულანტობის, მუქთახორობის, პრო-
ტექციონიზმის მოსპობა, რომ მშრომელი ადამიანის ამაგი დაფასდეს, კა-
რგად ცხოვრობდეს ის, ვინც ამის ღირსია.

როგორ დაუფასდა პატიოსანი შრომა, იმ გზით სიარული, რომელ-
საც პარტია და მთავრობა გვიკარნახებს, ამის ნათელი მაგალითია ემინე
ზაქარიაძე.

კარგი მშრომელი კარგი დიასახლისიცაა. ვერავინ დამარწმუნებს,
ქალს შრომა არ უყვარდეს და იყოს კარგი დიასახლისი, ანდა პირიქით,
იყოს კარგი დიასახლისი და შრომა არ უყვარდეს. ეს ორი მცნება უერთ-
მანეთოდ ყოვლად წარმოუდგენელია. ცუდი დიასახლისი ყოველთვის შე-
უძლოდაა, ამიზეზებულია და მით უფრო დაუჭერებელია, მან დიდ შრო-
მით საქმიანობას მოჰკიდოს ხელი... ამას შემთხვევით არ ვამბობ, როცა
ემინე ზაქარიაძეს ვუყურებ, სწორედ ეს ორი მცნებაა გაერთიანებული
მასში. იგი ამაჟამად ორმოცდაათ წელს გადაცილებული ქალია, ხელმძღ-
ვანელობს მეორე რგოლს და შარშან 6 ტონა ჩაის მწვანე ფოთოლი მოკ-
რიფა, მაშინ, როცა ორი წელია მეუღლე მწოლიარე ავადმყოფი ჰყავს.

შრომაც უყვარს და დიასახლისობაც, საზოგადოებრივი საქმიანობაც და ხალხში გამოჩენაც, ყველაფერს ასწრებს, ყველაფერს აკეთებს.

ჩვენ ვსხედვართ მომცრო მაგიდასთან, ღია ფანჯარაში ქრისტიანული ქვენა ქარი და ოთახში შემოაქვს შემოდგომის სურნელი. მზე აღმდგომი და ფანჯრის წინ და მსუბუქად მოსდებია ციტრუსების ახლად შეფერადებულ ნაყოფს. ერთმანეთში ისეა არეული მზისა და ნაყოფის ფერი, ვერ მიხვდები, რომელი ჭარბობს... გულს გივსებს ეს ნაზი ფერები, გულს გივსებს შენს გარშემო მყოფი ადამიანები და არ იცი, რა თქვა, როგორ დაიწყო, როგორ შეეხო იმ მთავარ ნერვს, რომელიც ასე გაღელვებს. ჩემი ნარკვევის გმირი კარგი მოსაუბრე და უთუოდ საინტერესო პიროვნებაა, სანდომიანი, სავსე, კეთილი თვალები გამოხატავს მის ბუნებას და, რაც მთავარია, მთელი ცხოვრება შრომაში აქვს გატარებული. ლაპარაკობს დაკვირვებით, მეტყველება დახვეწილი აქვს და ესოდენ თავდაჭერილობა მის კულტურაზე მეტყველებს. და რა დასანანი...

— მხოლოდ ორ წელს ვსწავლობდი ჩვენთან ახლად გახსნილ სკოლაში. არავის დაურიგებია, მესწავლა, მე კი აბა რა გამეგებოდა. ბავშვობიდანვე გამიტაცა შრომამ... — ამბობს გმირი ქალი და უნებლიეთ მასში თავს იჩენს სინანული. ჰქონდა ყველა პირობა, მაგრამ ვერ გამოიყენა. შირს არ იყო წასასვლელი — პირველი სკოლა ბიძის ოჯახში გაიხსნა, ხოლო ერთ წელიწადს მის ოჯახში მიმდინარეობდა მეცადინეობა.

ეს ის დრო იყო, როცა სოფელში კოლმეურნეობა ახლად ყალიბდებოდა.

სოფელი ქაქუთი აჭარისა და გურიის საზღვარზე მდებარეობს, იგი ისტორიულმა ბედუკუდმართობამ შუაზე გაყო. ვაიყო ოჯახები, ძმა ძმას დააშორა, მამა — შვილს, თუმცა მათ ერთმანეთი არასოდეს დაუკარგავთ; კეთილი მეზობლობა მუდამ მოდგამდა გაღმა-გამოღმა ქაქუთს. ერთის ჭირვარაში მეორის ჭირვარაში იყო, ერთის ლხინი მეორის ლხინიც იყო. ეს ორად გაყოფილი სოფელი სხვადასხვა ცხოვრებით ცხოვრობდა...

დღეს ეს ორი ქაქუთი ერთი ცხოვრებით ცხოვრობს, ერთი მიზანი და ძობავალი აქვს. მათი შეჯიბრებაც საინტერესოა და სასარგებლოც.

ემინეს მამა მურად ზაქარიაძე კოლექტივში ერთ-ერთი პირველთაგანი შევიდა. მამის ისინი სოფელ ნაცხატებში ცხოვრობდნენ. იმ დროს იქ არც ჩაი ხარობდა და არც ციტრუსი. მხოლოდ სიმინდი და ლობიო მოჰყავდათ. ახლად ჩამოყალიბებულმა კოლექტივმა ძირითადად ნიადაგის დამუშავებას მიჰყო ხელი. ერთსულოვნად გადიოდნენ საკოლმეურნეო ფართობზე სამუშაოდ. მათ ჰქონდათ დიდი რწმენა, რწმენა მომავლისა — რასაც საკუთარი ხელით აკეთებ, ეს ხვალინდელი დღის სიკეთეა.

— ყველა მუშაობდა, მე არ შემეძლო შინ დავრჩენილიყავი, თუმცა მაშინ პატარა ვიყავი, — იგონებს ემინე ზაქარიაძე. — გავუვლიდით გოგობიჭები ერთმანეთს და სამუშაოდ მივდიოდით, გვახალისებდა წარმა-

ტებები. მაშინ ჩვენ, გულახდილად თუ ვიტყვი, უფრო სხვა ინტერესები ვეჭონდა, ჩვენი მიზანი იყო, როგორმე მეტი ვაგვეკეთებინა, რაღაც სხვა-
ხული ძალა გვამოძრავებდა, შრომის სიყვარული სისხლ-ხორცში ჩვენი
და გამჯდარი, კოლექტივი ჩვენთვის ყველაფერი იყო.



ცამეტი წლისა იყო ემინე, როცა პირველად სამუშაოდ გავიდა, უფროსებს მხარში ამოუდგა, სწავლობდა, როგორ ემუშავა, მონდომებაც დიდი ჰქონდა. სოფელში ძირითადად ჩაის პლანტაცია შენდებოდა, ციტრუსებსაც რგავდნენ, გაჰყავდათ ტერასები. სად იყო იმ დროს ტრაქტორი, ნაწქანა, ტექნიკა. ყველა სამუშაო ხელით სრულდებოდა. შრომას ისიც ახალისებდა, რომ კარგი მუშაობისათვის თითოეული კოლწევრი წულისთ, საკაბე ქსოვილებით, თავსაფრებით ჯილდოვდებოდა, წლის ბოლოს შრომადღეებზე ნაწილდებოდა ხორბალი, სიმინდი და სხვ. დღითი-დღე იმართებოდა წელში თითოეული კოლმეურნის ოჯახი, შემოსავალი მატულობდა — ხელმოკლე გლეხმა ამოისუნთქა. ამოისუნთქა ემინე ზაქარიას ოჯახმაც. ექვსი გოგო და ექვსი ბიჭი ჰყავდა მურად ზაქარიას, ემინე მეთერთმეტე შვილი იყო ოჯახში, წამოიზარდა თუ არა, ტოლს არავის უდებდა, უფროს და-ძმებს მხარი აუბა. აბა როგორ ჩამორჩებოდა მათ. არასრულწლოვანი იყო, მაგრამ ჩაის ფოთლის კრეფა შესანიშნავად აითვისა და სულ მალე ყურადღება მიიპყრო. ერთ დღეს 6 კგ. და 200 გრამი ჩაის მწვანე ფოთოლი მოკრიფა. ახლა ეს ციფრი დიმილს იწვევს, მაგრამ მაშინ საბერძნეთს მოსავალი იყო. ემინემ ალაპარაკა სოფელი. მას სხვა გოგონებმაც მიბაძეს — აიშე დოლიძე. კაცილო მართალიშვილი და სხვები მოწინავეთა რიგებში ჩადგნენ, ქალიშვილები ერთმანეთს ეჯიბრებოდნენ...

— ჩვენს მუშაობას თან ახლდა მართლაც განსაკუთრებული სიყვარული, — განაგრძობს ემინე. — ჩვენთვის იმაზე უკეთესი არაფერი იყო, რაიონიდან ხელმძღვანელი რომ ამოვიდოდა და ნამუშევარს მოგვიწონებდა, შეგვაქებდა, წავგახალისებდა. ჩვენ ვმუშაობდით და ვიცოდით, რომ ვაკეთებდით დიდ საქმეს!.. დღეს?! — ხელები შეაქანა, ფართოდ გახელილი თვალები ოდნავ დახარა, სიხარულის შუქი გაეკრიფა სახეზე, მოიწყინა — ასე მგონია, მხოლოდ პირადი ინტერესები ამოძრავებს ზოგიერთს. არა, ყველაზე ვერ ვიტყვი... იმაზე როდი ვფიქრობდი, რომ დღეს ამდენ ჩაის ფოთოლს მოვკრეფთ და ამდენ და ამდენ ფულს ავიღებთო, არა, ვიცოდით, რომ რაც მეტს ვიმუშავებდით, უფრო ძლიერი იქნებოდა ჩვენი სამშობლო, მეტი შემოსავალი გვექნებოდა... ნუ ვაიკვირვებთ, ასე რომ ვლაპარაკობ, ისეთი რწმენა გვექონდა, რომ დიდ პასუხისმგებლობას ვგრძნობდით, ვიყავით მართალი და პირდაპირი, ხმალივით შემართული, შრომაზე შეყვარებული. ყველა გზა შრომისაკენ მიდიოდა. ახლა?... ბევრი უშრომლადაც კარგად გრძნობს თავს, გაეშმაკდა, ასეთებს ჩვენ, კომუნისტებმა უნდა ვებრძოლოთ, სამარცხვინო ბოძზე გავაქრათ, რომ ხალხის

თავნაკლავში არ ურიოს ხელი. ახალგაზრდები შეიცვალნენ. ერთი მხრივ ეს არც ისე გასაკვირია, ღარიბი არავინ გყავს, ახალმა ცხოვრებამ ახალი შეხედულებები მოგვიტანა. ჩვენ ჩითის კაბა გვენატრებოდა. უჩუქვეს დედმა გადარია ხალხი. მაგრამ მთავარი ეს არ არის; ჩვენი ახალგაზრდობა მაინც და მაინც არ არიან შრომით გატაცებულნი. ბევრი მიეჩვია მშობლების ხარჯზე ცხოვრებას და არ გაეგება საკუთარი შრომის ფასი. ამ საყვედურს ყველას მიმართ არ ვამბობ... — გულწრფელად გაიცინა, — სოფელში რომ გამოზრანქულ გოგოს დავინახავ, ვერ ვიტან, ზედმეტად გათხანებული ოჯახში შესაშვები არაა, ქალმა ქალობა არ უნდა დაკარგოს!...

ღიახ. მართალია იგი, ქალმა ქალობა არ უნდა დაკარგოს! არც არავინ არ უნდა დაივიწყოს, როგორ ცხოვრობდნენ მშობლები, როგორ მუშაობდნენ, რომ ჩვენთვის კარგი ცხოვრება შეექმნათ. სიტყვამ მოიტანა და ვიტყვი — ყველამ კარგად უნდა ჩაიცვას და კარგად უნდა იცხოვროს, ამისათვის იღწვის ჩვენი პარტია და მთავრობა, მაგრამ ყველამ თავისი შრომით უნდა მიიღწიოს ამას... დღეს არავის არ უჭირს, არაა ისეთი ოჯახი, რომ იძულებული გახდეს, შეიღს ბავშვობიდანვე დაწყებინოს ჩაის კრეფა, ან ეზო-კარის მოვლა, არავინ ხელმოკლედ არ ცხოვრობს, მაგრამ მარტო იმისათვის ხომ არ უნდა იმუშაო, რომ გიჭირს. ცდებიან მშობლები, როცა შეიღებს ბავშვობიდანვე არ აჩვენებ შრომას, ერიდებიან ფეხი არ დაუსველდეს ცვარით ანდა არ დაიღალოს. ასეთი მშობლები დათვურ სამსახურს უწევენ ბავშვებს. ახალგაზრდა კიდეც უნდა დაიღალოს და ფეხიც უნდა დაისველოს, რომ იგი ცხოვრებაში ქვეყნისათვის, თავისი თავისათვის გამოსადეგი დარჩეს. შეხვდებით ისეთ, ახალგაზრდას, რომელსაც ვერ არაფერი გაუკეთებია, ერთი აგურიც არ დაუდგია საერთო საქმისათვის და ათასნაირი მოთხოვნილებები და სურვილები ყელში ამოსდის. მიზანს რომ ვერ აღწევს, ცუდ გზას ადგება... ამის უახლოვი მაგალითი არსებობს და ეს ცუდი მაგალითი სხვებმა რომ არ გაიმეორონ, მეტი სიმკაცრე და პრინციპულობაა საჭირო.

დღეს საქვეყნოდაა ცნობილი ემინე ზაქარიაძის სახელი. ეს დიდება შემთხვევით არ მოსულა. იგი არ უშინდებოდა სიძნელებებს, არც ფეხის დასველებას და არც დაღლას, არც წვიმას და არც სიცივეს, იგი ყველაფერს ხედავდა შრომაში. შვილივით უვლიდა ჩაის ბუჩქებს. სწორედ გმირთა შრომამ გახადა სოფელი ასე შეძლებული, ამიტომ გვაქვს დღეს ესოდენ დიდი დოვლათი და კარგი ცხოვრება.

სოფელი...

მცირე ხნით შევწყვიტოთ საუბარი ემინე ზაქარიაძესთან... თუმცა იქნებ ჯობდა, თავიდან სოფლის თავკაცთან შეხვედრით დავვეწყო...

მთავარი ვზიდან მარჯვნივ რომ გადავუხვიეთ, ნაძვების ხეივანში გავედით. ორივე მხრიდან გზას ჩაის პლანტაციები გასდევს, ერთგან, ხელმარცხნივ პატარა ფარდული დგას. იგი თავის ფართობში ჩაუდგამს ებნენ



ზაქარიასძეს. ჩაის ბუჩქებს მზრუნველი პატრონის ხელი ატყვია. ჩაის ფოთლის კრეფის სეზონი ძირითადად დამთავრებული იყო, მაგრამ ალგა-ალაგ შერჩევით მაინც იკრიფებოდა. იკრიფებოდა, რომ არცერთი ჩაის ფოთოლი არ დაკლებოდა სახელმწიფოს, გეგმაც და ვალდებულებაც გადაჭარბებით შესრულებულიყო. მანქანამ ოდნავ ზემოთ შეუხვია, შეწყდა ნაძვნარების ხეივანი, და რკინის მოაჯირიან ჭიშკართან შეეჩერდით. — ქაქუთის კოლმეურნეობის კანტორა, კლუბი, ბიბლიოთეკა... ხელმარჯვნივ ომში დაღუპულთა სტენდი დგას.

თავმჯდომარე მოვიკითხეთ.

რევაზ ოთიაშვილი თავის კაბინეტში იყო. ძველი ნაცნობებივით შევხვდით ერთმანეთს, თითქოს პირველად კი არა, ბავშვობიდან შეზრდილები ვყოფილიყავით. ბავშვობა იმიტომ ვახსენე, რომ იგი ახალგაზრდა კაცია და უკვე მიუხდვიათ სოფლის თავკაცობა. არც შემცდარან. თბილისის სასოფლო-სამეურნეო ინსტიტუტი აქვს დამთავრებული. ჯერ კიდევ სტუდენტობის დროს დაინიშნა მუშათა კომპლექსური მექანიზაციის ბრიგადის ბრიგადირად, ოთხი წლის შემდეგ გადაიყვანეს საწარმოო ბრიგადის ბრიგადირად, 1967 წელს მიიღეს სკკპ რიგებში. თავდაპირველად იგი იყო კოლმეურნეობის პირველადი კომკავშირული ორგანიზაციის მდივანი, მომდევნო წელს კი პირველადი პარტიული ორგანიზაციის მდივნად აირჩიეს, შემდეგ ერთ წელიწადს სასოფლო საბჭოს აღმასკომის თავმჯდომარე იყო. ყველგან, სადაც ის მუშაობდა, პირნათლად ასრულებდა თავის მოვალეობას, გამოირჩეოდა მუყაითობით, საქმის ერთგულებით და... აგერ მესამე წელია სოფელს სათავეში უდგას.

პირველნახვისთანავე ყურადღებას იპყრობს მისი ენერგიული გამოუმეტყველება, შემართება, თვალეში გიყურებთ და რა კითხვაც არ უნდა დაუსვათ, მზად არის პასუხი გაცეთ. ლაპარაკობს დაჯერებული, საქმის ცოდნით, ჩვენი მისვლის მიზანი რომ გაიგო, მისთვის უკვე ყველაფერი ნათელი გახდა. თვალეში ღიმილი გამოეხატა და ისე შემოგვხვდა, ეტყობოდა, უნდოდა ეგრძნობინებინა, — თქვენ თავად ყველაფერი იცით ემინე ზაქარიასძეზე.

ჩვენ მაინც ვეკითხებით:

— პირადად თქვენ რას გვეტყვით?

გასწორდა, ოდნავ წინ წამოიწია, დაჯერებული მხერა მოგვაპყრო.

— რა უნდა გითხრათ, საქვეყნოდ ცნობილი ქალია. — დაფიქრდა, თითქოს სათქმელს ეძებსო და ისევ შემოგვხვდა, — ჩვენს სოფელს ემინე ზაქარიასძემ გაუთქვა სახელი, მთელი თავისი შეგნებული ცხოვრება საერთო სახალხო საქმეს მოახმარა... — შემდეგ თავად შეგვეკითხა: — თქვენ პირადად ნახეთ იგი?

— კი.

— ჰო და მე რა უნდა გითხრათ!.. მასზე ბევრი დაიწერა, ბევრი ით-

ქვა და კიდევ ბევრი დაიწერება... ერთი მხარეა, რომ იგი ბევრ ჩაის/კო-
თლს კრეფს, მთავარი მაინც ისაა, რომ საინტერესოა, როგორც მკითხვე-
ნება. მე ასე ვიტყვოდი, იგი არაჩვეულებრივი ადამიანია! მე მგზავნი/მწერ-
ლი მისი წარმატების საწინდარი სწორედ ეს მისი ადამიანობაა. მას
სხვაგვარად არ შეუძლია იცხოვროს, ჩაის ბუჩქებთან შეზრდილია და
მგონი, ჩაის ბუჩქები რომ გადაშენდეს, ჯავრს გადაჰყვება... — ვაიცინა
და ცოტა ხნის შემდეგ დასძინა: — იგი მართალი ქალია და რასაც გეტყ-
ვით, ერთი სიტყვაც არ იქნება ზედმეტი.

— გვჯერა.

მოსაბეზრებელი რომ არ ყოფილიყო ერთი და იგივე კითხვები, სა-
უბარი სოფლის ცხოვრებაზე გადავიტანეთ. წინასწარ ვიტყვით — სოფე-
ლზე, სადაც ემინე ზაქარიაძესთან ადამიანი ცხოვრობს, ბევრის თქმა შე-
იძლება. სოფელი ეკონომიურად ძლიერია, შემოსავლის 85 პროცენტს
ჩაი იძლევა, აქ მოჰყავთ ციტრუსი, ტუნგი, ხილი.

— გვინტერესებს თითოეული ოჯახის შემოსავალი.

— ოთხი, ხუთი ათასი მანეთი.

ქაქუთში 328 კომლი ცხოვრობს. სოფელი რადიოფიცირებულია, თი-
თქმის ყველა ოჯახში დგას ტელევიზორი, ნახევარზე მეტს უდგას ტელე-
ფონი, ბევრმა შეიძინა მსუბუქი ავტომანქანა, პიანინო, ავეჯი, მოეწყო კუ-
ლტურულად. შრომას ყველაფერი შეუძლია.

— ჩვენს სოფელს ორი სოციალისტური შრომის გმირი ჰყავს. — ამ-
ბობს თავმჯდომარე, — ემინე ზაქარიაძე და ფატი ცეცხლაძე. ორდენოს-
ნები კი საკმაოდ ბევრია, მათ შორის კომკავშირელები ზური ქარცივაძე,
სურიე ოქროპირიძე, ასეე წულუკიძე, ზეინეთ ვანაძე... ასე რომ, ჩვენს
სოფელში ბევრი მოწინავე ადამიანია. იუსუფ ბერაძემ ხუთწლიანი გეგმა
ოთხ წელიწადში შეასრულა და პირველმა უპატაკა სახელმწიფოს გეგმის
შესრულება. ბრიგადებს შორის გაჩაღებულია სოციალისტური შეჯიბ-
რება.

— რა გაქვთ უახლოეს დროში დასახული?

— ბევრი რამ... თუნდაც ავიღოთ გზები. შარშან ორი კილომეტრი
შიგა სასოფლო გზა მოასფალტდა. განზრახულია იგივე გაკეთდეს წლე-
ულს... არიან ადამიანები, რომლებიც უკმაყოფილებას გამოთქვამენ, რომ
ჯერ კიდევ შიგა სასოფლო გზები მოუწესრიგებელია. ეს საყვედური სამა-
რთლიანია, მაგრამ ყველაფრის ერთად გაკეთება ძნელია, არ ხერხდება.

სიტყვა გავაწყვეტინეთ.

— ზოგს ჰგონია, რაკი დღეს არ გავციკეთებია, მასზე საერთოდ არ
ფიქრობენ.

— დიახ, ასეა და ზოგჯერ უსამართლო საყვედურს გამოთქვამენ.
წლეულს უნდა დავიწყოთ კულტურის სახლის მშენებლობა, პროექტი
გვაქვს და მშენებლობასაც მალე შევუდგებით.

— როგორია თითოეული კოლმეურნის მონაწილეობა სოფლის ცხოვრებაში?

იგი არ დაფიქრებულა. ისე გვიპასუხა:

— ხანდახან გვაკვირვებს კიდევ, ისეთ ინიციატივას იჩენენ, რომლებიც არიან მოწადინებულნი, რომ რაღაც ახალი გაკეთდეს, სოფელი გამოჩინდეს, რაც გუშინ გაკეთდა, ის აღარ აკმაყოფილებს. ასეც უნდა იყოს!

— რას იტყვიან ახალგაზრდობაზე, სოფლად ცხოვრებას ხომ არ გაუტრბიან?

— ეს პრობლემა საერთოდ მწვავედ დგას. ხშირია შემთხვევა, როცა ახალგაზრდა სოფელს ტოვებს. რა თქმა უნდა, ამ საკითხს სხვა კუთხით უნდა მივდგომი, რომ უფრო ნათელი გახდეს მიზეზი... მე პირადად ვერ გამოვიყვანე, რატომ მიდის ახალგაზრდა სოფლიდან... ასეთი მაგალითის მნახველი ვარ: სოფელში ორსართულიანი სახლი უდგას, კარგად ცხოვრობს, სოფელს შაინც ტოვებს, იწყებს საღრამე მშენებლობაზე, ან ქარხანაში მუშაობას. ვიდრე ბინას მიიღებდეს, საერთო საცხოვრებელშია, თავისი კუთხე არა აქვს და წვალობს. კიდევ მეტი, სოფლიდან ეზიდება სარჩოს, ზოგჯერ ფულს მშობლებს თხოვს. ოდნავადაც არ მიწადაც მუშის ცხოვრება დავამცირებ, პირიქით, მაგრამ რა შედარებაა, სამუშაოზე ხუთი წუთი რომ დაავიანო, საყვედურს გამოგიცხადებენ, აქ წუთს არავინ განსაზღვრავს, მხოლოდ შენ პირადად უნდა იცოდე ყოველი წუთის ფასი. ცუდ ამინდში მეტწილად შინ არიან, — ისევ იცინის და დასძენს, — ზოგს კარგი ცხოვრება სწყინდება და ძალად ირთულებს ცხოვრებას... ქალაქი თუ გიყვარს, კეთილი და პატიოსანი, ავტობუსების მეტი რა დადის, ჩადი, გაისეირნე და დაბრუნდი...

— ახალგაზრდობას ცდუნება სძლევს.

— სწორი ბრძანებაა, რაღაც მოსწონთ და ზუსტად ვერ გეტყვიან. რა მოსწონთ... მეტი აღმზრდელობითი მუშაობაა საჭირო, რომ ახალგაზრდას შთაეგონოთ, უპირველესად, შრომის სიყვარული. რაც შეეხება ჩვენს სოფელს, მაინცდამაინც სასაყვედურო არაფერია, ჩვენი ახალგაზრდობა ამ მხრივ მისაბამია. თუ ერთი-ორი შემთხვევა გვაქვს, საგანგაშო არაფერია. ვფიქრობ, უპირველესი დამსახურება თვით სოფელს ეკუთვნის. სოფელზე ბევრი რამ არის დამოკიდებული. ქაქუთი ხომ ოდითგან განთქმულია შრომითაც და ლხინითაც...

— სრული ჭეშმარიტებაა! — დავეთანხმეთ ჩვენც. სოფლის თავკაცის ასეთი საღი მსჯელობა უთუოდ საყურადღებოა, მაგრამ მართლაც მსჯელობა ანა რა შედეგს გამოიღებს, თუ რაც ითქვა, საქმით არ გაკეთდა. მართლაც გულსატკენია, რომ ახალგაზრდა სოფელს გაუტრბის, და მთელი უბედურება ისაა, რომ არც იცის რატომ სჩადის ამას. სასაყვედურო არაფერია, თუ იგი მაშინვე მუშაობას ან სწავლას იწყებს. ხდება პირიქით, ახალგაზრდა კაცი ჩადის ქალაქში, არსად არ სწავლობს, რომ ჰკითხო დღე-დღეზე აპი-



რებს მუშაობის დაწყებას, ოღონდ შესაფერისი სამუშაო ვერ ნახა. მთელი დღეები უსაქმურად დაეხეტება, არც საკუთარი თავის ფაქირონებს და არც სხვისი... დრო გადის, ასეთი ახალგაზრდა უკვე გზას ატყურობდა და ათასგვარ პრეტენზიებს აყენებს, არაფერი არ მოსწონს, თითქოს მას დევნიან, ბევრი რამის გაკეთება შეუძლია, მაგრამ გზას არ აძლევენ. ვინ კიდევ ცუდ წრეში ხვდება...

მასსოვს ერთხელ მწერლებთან შეხვედრისას ჩაისუბნის კოლმეურნეობის თავმჯდომარემ ხასან ყურაშუბაძემ გულისტკივილით განაცხადა: უმაღლეს სასწავლებელში პარტიის რაიონული კომიტეტის საგზურით ვერ გავგზავნეთ ვერც ერთი ახალგაზრდა იმის გამო, რომ არც ერთ საშუალო დამთავრებულს არ აღმოაჩნდა შრომითი საქმიანობის სტაჟი, მაგრამ რაოდენ სასიხარულო იყო ჩვენთვის, როცა ცეცხლათრის საბჭოთა მეურნეობის დირექტორმა მიხეილ ვიორგაძემ და პარტიუროს მდივანმა ზურაბ ვერულიძემ საზეიმო ვითარებაში გზა დაულოცეს სამედიცინო სასწავლებელში ახალგაზრდა მოწინავე მუშას, მალხაზ ნოღაიდელს და სტიპენდიაც მეურნეობამ იკისრა. აი, რა შეუძლია შრომას, რა შეუძლია მშობლიურ სოფელს და კოლექტივს.

— საქართველოს კვ ცენტრალური კომიტეტი ბოლო წლებში დიდ ყურადღებას უთმობს ახალგაზრდობის შრომით საქმიანობას — დასძენს რევაზ ოთიაშვილი, — ერთ-ერთი ასეთი ღონისძიებაა შრომის ვეტერანის სახელობის გამოცდილების სკოლის შექმნა. ჩვენთან არსებობს ემინე ზაქარიაძის გამოცდილების სკოლა, დაწესებულია პრიზი, რომელიც ყოველწლიურად გადაეცემა მოწინავე მეჩაიეს, სოციალისტურ შეჯიბრებაში გამარჯვებულს.

ჩვენ უკვე აღვნიშნეთ, რომ სოფლის შემოსავლის ძირითადი წყარო არის ჩაი. თავმჯდომარე ხაზს უსვამს:

— შარშან გეგმით 635 ტონა ჩაის ხარისხოვანი მწვანე ფოთოლი უნდა მოგვეკრიფა, ვალდებულებით — 720 ტონა, მოკრეფილია 800 ტონამდე. ციტრუსი გეგმით 28 ტონა იყო განსაზღვრული, ფაქტიურად სახელმწიფოს 70 ტონამდე მიეყიდეთ, ხოლო ტუნგი 60 ტონამდე, ეს უთუოდ საყურადღებო ციფრებია.

რაზეც არ უნდა ვილაპარაკოთ, ციფრებს გვერდს ვერ ავუვლით, ციფრებში შესანიშნავადაა გამოხატული, თუ რა ვიყავით, რა გვქონდა და რა გვაქვს. ასე ზუსტად არც ერთ სიტყვას არ შეუძლია გამოხატოს რა გაკეთდა და რა კეთდება. სტატისტიკა უტყუარია. ჩვენ ყოველი წარმატება გვახარებს, გვეამაყება და როცა ხვალინდელ დღეზე ვლაპარაკობთ, სწორედ ის ხვალინდელი დღე გვაქვს ციფრებით წარმოდგენილი. რაც ვთქვით შევასრულოთ უნდა კიდევ. ასეთია საბჭოური ყოფის პრინციპი.

ჩვენ დაგვაინტერესა სოფლის კულტურულმა ცხოვრებამ და თავმჯდომარეს ვკითხეთ, იგი დიდი კმაყოფილებით გვეუბნება:

— ქაქუთის სიმღერისა და ცეკვის ანსამბლი გაგეგონებათ.

— როგორ არა.

— ჰო და, ჩვენს სოფელს ანსამბლმაც შორს გაუთქვა სახელობის კავშირის კულტურის სამინისტრომ და მოსკოვის მ. გორკის სახელობის კულტურისა და დასვენების პარკის დირექციამ შარშან ოქტომბერში გამართულ „მოსავლის დღესასწაულში“ მონაწილეობის მისაღებად მიიწვია ჩვენი საკოლმეურნეო სიმღერისა და ცეკვის ანსამბლი, რომელშიც 100 კაცი მონაწილეობდა. ეს იყო ჩვენი პატარა სოფლის დიდი ზეიმი მოსკოვში, ჩვენმა გოგო-ბიჭებმა წარუშლელი შთაბეჭდილება დატოვეს. ანსამბლი წლეულსაც მიწვეულია მოსკოვში „მოსავლის დღესასწაულზე“.

— როდის ჩამოყალიბდა ანსამბლი?

— იგი 1954 წლიდან არსებობს და ამხნის განმავლობაში დიდი გავლენა მოახდინა ჩვენი სოფლის კულტურულ ცხოვრებაზე. საქართველოში საბჭოთა ხელისუფლების დამყარების 50 წლისთავზე ანსამბლს ლაურეატის საპატიო წოდება მიენიჭა. მონაწილეობდა მოსკოვში ვ. ი. ლენინის დაბადების 100 წლისთავის საიუბილეო ზეიმზე.

სოფლის თავკაცის კაბინეტი დავტოვეთ.

კოლმეურნეობის კანტორის გვერდით დგას ორსართულიანი შენობა, რომლის პირველ სართულზე სოფლის კლუბია მოთავსებული, ზემოთ ბიბლიოთეკა-სამკითხველო. აქვეა გამოფენილი დიპლომები, საპატიო სიგელები, ჯილდოები, რომლებიც წლების მანძილზე ანსამბლმა დაიმსახურა. ანსამბლის ხელმძღვანელია პჯარის ასსრ კულტურის დამსახურებული მუშაკი სულიკო მამულაიშვილი, ქორეოგრაფი — საქართველოს სსრ კულტურის დამსახურებული მუშაკი გიორგი სალუქვაძე. ჩვენ ვათვალიერებთ ჯილდოებს, ვეცნობით ანსამბლის ბიოგრაფიას.

— ანსამბლმა კონცერტები გამართა, — საუბარში ჩაერია ანსამბლის მხატვრული ხელმძღვანელი სულიკო მამულაიშვილი, — ლიტვისა და ლატვიის სს რესპუბლიკებში, ჩვენს გამოსვლებს გაზეთები დადებითად ეხმაურება. ამჟამად ვემზადებით მშრომელთა მხატვრული შემოქმედებითი კოლექტივების რესპუბლიკურ დათვალიერებაში მონაწილეობისათვის. გამარჯვებული გამოვა მოსკოვში. ჩვენს რეპერტუარში შედის სიმღერები სამშობლოზე, პარტიაზე, ძველი ქართული სიმღერები და თანამედროვე კომპოზიტორების ნაწარმოებები, თქვენი სტრიქონებიც ავამღერეთ. ერთის სიტყვით, ჩვენი ანსამბლი ტოლს არავის დაუდებს, მას მთელ საბჭოთა კავშირში იცნობენ.

— სხვა კულტურული ღონისძიებებიც ხომ ეწყობა?

— დიახ, კვირაში რამდენიმეჯერ უჩვენებენ კინოფილმებს. ხშირად ჩამოდიან პოეტები, მწერლები, მსახიობები...

— მოწყენისთვის დრო აღარ გრჩებათ?

— არა, — სიცილით გვეუბნება იგი. — ისიც მინდა იცოდეთ, — ვანა-

გარდებს, — რომ ჩვენს ანსამბლში გაერთიანებული არიან მოწინავე კოლმეურნეები, მოსწავლეები, პედაგოგები, მათ სანაქებოდ უნდა დავიხმაროთ. ისინი კარგად უხამებენ შრომას და შემოქმედებით მუშაობას ერთგულად.

ჩვენი საუბარი კიდევ დიდხანს გაგრძელდა, თითქმის ყველამ დასრულდა. შევეხეთ. უახლოესი ვეგმები ძალზე კარგი აქვს სოფელს: ძირითადად უნდა მოგვარდეს სასმელი წყლით მომარაგება, უნდა გაშენდეს ახალი ჩაისა და ციტრუსის პლანტაციები, გზისპირას უნდა გაკეთდეს ფარდულები, იქ, სადაც ავტობუსის გაჩერებაა... და კიდევ ბევრი ვეგმა აქვთ ქაქუთელებს. საინტერესო იყო ჩვენთვის, თუ როგორ ცხოვრობს, რას აკეთებს გმირი ქალის სოფელი, რას ფიქრობენ, რა აქვთ გადაწყვეტილი, რომ უკეთ იშრომონ და იცხოვრონ. კოლმეურნეობის კანტორა რომ დავეტოვეთ, ბინდებოდა, მზე აღარ ჩანდა, მაგრამ სხივები მაღალი ხეების კენწეროებს წვდებოდა. ხელმარჯვნივ გადავუხვიეთ და მოასფალტებულ გზას აღმართში შევეყვით.

სოფელზე შემთხვევით არ ვვილაპარაკია, სხვა მხრივ წარმოუდგენელი იყო, ემინე ზაქარიაძე ისეთი ქალი არაა, მხოლოდ მასზე ილაპარაკო და წერო. საკუთარ წარმატებებზე უფრო ეამაყება სოფლის დიდება, ყოველ მის საქმიანობას სოფელს უკავშირებს. ეს გასაგებია, სოფელმა შვა და გაზარდა იგი და სოფლის გარეშე სიცოცხლეც ვერ წარმოუდგენია. ის არის ქალი, რომელსაც თანასოფლელებზე ზრუნვა ცხოვრების მიზნად გაუხდია, მისთვის სამშობლოს კეთილდღეობაზე ფიქრი, უწმინდესი და უპირველესი მოვალეობაა. ვის შეუძლია გამოხატოს ის სიხარული, სიამაყე თუ გულსტიკილი, რასაც იგი განიცდიდა ყოველ წარმატებაზე თუ წარუმატებლობაზე. ლამაზი, მსუბუქი ფერებით შემკული დღეები როდი ჰქონია მას, ან თითოეული მისი გამარჯვება ბოლო როდი იყო, ყოველ ახალ გამარჯვებას თან ახლდა შიშიც, ვაი თუ ხვალ იმაზე მეტი ვერ გაუაკეთე, რაც დღეს შექმელიო.

ერთი კარგი მეთოდი ჰქონდათ წინათ. ემინე გულსტიკილით იგონებს, ვერ გაუგია, თუ რატომ დაივიწყეს, — ყოველ დღე, ვინც მეტ ჩაის მწვანე ფოთოლს მოკრეფდა, მას დროშას გადასცემდნენ. და იმ დღეს ის დროშა გამარჯვებულის კალათზე იყო დამაგრებული. ასე გადადიოდა ერთი მეჩაიეს კალათიდან მეორე მეჩაიეს კალათზე დროშა და ეს საერთო შრომით სიხარულს ქმნიდა, იყო შეჯიბრება, ვინ ვის „წაართმევდა“ დროშას. ეს მეთოდი დღესაც არ იქნებოდა ურიგო.

ემინე ზაქარიაძე დღითიდღე აუმჯობესებდა ჩაის ფოთლის კრეფას. იგი იგონებს ომის მრისხანე დღეებს. ძმები ჯარში გაიწვიეს, უჭირდა ოჯახს, უჭირდა სოფელს, ყველაფერი ფრონტისათვის კეთდებოდა, შინ დარჩენილები ორმაგად მუშაობდნენ, არ ჰქონდათ მოცლა, მაგრამ არ იცოდნენ რა იყო დაღლა.

— გამთენია გავდიოდით ჩაის ფართობში, — ამბობს იგი, — არ ვე-

რიდებოდიტ წვიმასა და ცვარს, ვიდრე მზე ამოვიდოდა აქის მთაზე, რამდენიმე კგ. ჩაის ფოთოლი გვექონდა მოკრეფილი და ცვარში წყლიანად დასველებული განვავარძობდით მუშაობას, სველი ტანსაცმელი ტანზე გვაშრებოდა. სადილობისას შინ არ მივდიოდით, ცივი მჭადის ზაფხულიანად ვდიოდით. ზამთრის გრძელ ღამეს ზოგი წინდას ქსოვდა, ზოგი ჩირსა და ხმელ ხილს ამზადებდა ფრონტზე გასაგზავნად. ხანდახან რომ დავფიქრდებო, მიკვირს, ყველას გვიჭირდა, მაგრამ არც ერთმა არ ვიცოდით რა იყო გაჭირვება. არასოდეს არ გვიწუწუნია, ეს არ მაქვს, ის არ მაქვსო. არაფერი არ გვექონდა და არც ის არქონება ვიცოდით რა იყო. ჩვენ მაშინ გვექონდა დიდი რწმენა და სიყვარული ქვეყნისა.

ფიქრიანი გაუხდა სახე, თითებს ნერვიულად ათამაშებს, ეტყობა რალაცის თქმა უნდა, მაგრამ ვერ ამბობს. დუმილია კარგა ხანს გასტანა. ალბათ იგი იგონებს წარსულს, იმ ძნელბედობის დღეებს და მოგონების სიღრმეში ეშვება. დუმს და მოწყენილი თვალებით ცას გასცქერის. ცა სარკესავით სუფთა და ნათელია.

— ომის დროს 30 და 40 კილოგრამი ჩაის მოკრეფა დიდ მიღწევად ითვლებოდა — დავარღვიეთ დუმილი, — შემდგომში თქვენი სარეკორდო მოსავალი როდის იყო?

— ომის დროს!

— ალბათ...

— 120 კილოგრამი მოვკრიფე, — გაგვაწყვეტინა სიტყვა.

— შემდეგ?

— 1956 წელს უკვე 136 კილოგრამს გადავაჭარბე.

— ამ სარეკორდო ციფრებს თქვენ მხოლოდ ერთმა როდი მიალწიეთ... როგორ შესძელით?

— თავდაპირველად ძალზე მკაცრად ვიცავდით ჩაის ფოთლის კრეფის წესებს, ყოველ დუყს საგანგებოდ ვარჩევდით, ერთი ფოთოლიც რომ ზედმეტი გადაგვყოლოდა დუყზე, უკვე მეორე ხარისხად ჩავგივლიდნენ. დღეს ჩაის კრეფა განსხვავებულია.

— ხარისხი?

— რა თქმა უნდა, წინათ ხარისხი უკეთესი იყო.

— რატომ იყო უკეთესი?

— კრეფის წესებს უფრო ვიცავდით.

— დღეს ჩაის ბუჩქებს აკლია თუ არა მოვლა?

— არა, მოვლა არ აკლია, პირიქით, ბევრად გაუმჯობესდა, მაგრამ მე მგონი კრეფის ყველა წესს არ იცავენ.

— მეჩაიეები არიან დამნაშავენი?

— ესეც მართალია. ზოგი ფიქრობს, რაც შეიძლება მეტი მოვკრიფო, და ხარისხი ეცემა. ქართულმა ჩაიმ უნდა აღიდგინოს თავისი ავტორიტეტი, საქვეყნოდ უნდა დავიცვათ მისი პრესტიჟი!

— სწორი ბრძანებაა.

— ალბათ ეს საკითხი სპეციალური მსჯელობის საგანი გახდება, მიუხედავად იმისა, რომ მეათე ხუთწლედ იხარისხის ხუთწლედია.

მას ასე სწამს და ამბობს. რამდენად მართალია, ამას ღირს განვიხილონ. ნებს, ოღონდ ჩვენ მისი გულისტკივილი გავიზიარეთ. არა, ქართული ჩაიკვლავ საქვეყნოდ ცნობილი უნდა ღირს, მის ავტორიტეტს უთუოდ უნდა გავუფრთხილდეთ, ეს თითოეული ჩვენგანის მოვალეობაა, ხანდახან ხდება ხოლმე, ადამიანს რაც ძლიერ უყვარს, მისი პატარა ნაკლიც დიდად ეჩვენება, გინდა, რომ ის ყოველმხრივ უნაკლო იყოს. ამ კუთხით თუ მივუდგებით ემინე ზაქარიაძის ნათქვამს, მაშინ იგი სავესებით მართალია, მართალია იმიტომ, რომ ქართული ჩაის ღირსებას იცავს.

ღიას, მან უკვე იცის, თუ პირველად 6 კგ. და 200 გრ. ჩაის ხარისხიანი ფოთოლი მოკრიფა, 1966 წელს სარეკორდო მოსავალს მიიღწია — დღიურად 250-260 კგ. ჩაის ფოთოლს კრეფდა და პარტიისა და მთავრობის უმაღლესი ჯილდო — სოციალისტური შრომის გმირის წოდება დაიმსახურა. ეს უდიდესი მოვლენა იყო მის ცხოვრებაში, ამოდ არ უშრომია, ამოდ არ უზრუნვია სოფლისათვის, სამშობლოსათვის!

— რამდენი კვ. მეტრი იყო თქვენზე გაპიროვნებული?

— 6 ათასი.

— საშუალოდ წლიურად რამდენ ტონას კრეფდით?

— თორმეტ, თოთხმეტ, თექვსმეტ ტონას.

ვიდრე შრომის გმირი გახდებოდა, 1962 წელს ემინე ზაქარიაძე სოფელმა საქართველოს სსრ უმაღლესი საბჭოს დეპუტატად აირჩია. ხალხის ამ ნდობასა და სიყვარულს მან გმირობით უპასუხა, როგორც დეპუტატმა ბევრი რამ გააკეთა სოფლისათვის, უშუალოდ მისი ინიციატივით აშენდა საშუალო სკოლა, დაისვა საკითხი სასოფლო ველების მოსაფალტებისა, ემინე ზაქარიაძე პირველი ინიციატორია ქაქუთის სიმღერისა და ცეკვის ანსამბლის ჩამოყალიბებისა, თავად მონაწილეობდა ანსამბლში, იგი დღესაც აქტიურად მონაწილეობს სასოფლო საბჭოს მუშაობაში, ამჟამად სასოფლო საბჭოს დეპუტატია.

— რას იტყვიან თქვენი გამოცდილების სკოლის შექმნაზე?

მას თვალეები უციმციმებს, ამ ხნის ქალში თითქოს ბავშვმა გაიღვიძა, ისე გამოიყურება... ემინე ზაქარიაძის გამოცდილების სკოლა! — რამდენის მთქმელია ეს სიტყვები...

— ამავე დამიფასეს, — მოკრძალებით ამბობს იგი, — უთუოდ მეამაყება, მაგრამ ვერ დავმალავ, ეს შესანიშნავი მაგალითია სხვებისათვის, რომ პატიოსანი, თავდადებული შრომა ჩვენს ქვეყანაში ღირსეულად ფასდება... თქვენ ვერ წარმოიდგენთ, რა სიამაყეა, როცა ჩემისთანა უბრალო ადამიანები სახელმწიფო გამგებლობაში მონაწილეობენ!... ჩვენს



ბედს ჩვენვე ვპედავთ. ეს მხოლოდ ჩვენს ქვეყანაში ხდება — ჩვენვე ვპედავთ ვი ჩვენვე ვპედავთ.

ხელმძღვანელ ამხანაგებს ბევრჯერ შევხვედრივარ, მისაუბრია მათთან, გამიზიარებია სიხარული და სინანული... ხალხისა და ხელმძღვანელი ამხანაგების სიახლოვე, აზრთა გაზიარება, ჩვენი ქვეყნის წინსვლისა და გამარჯვების საწინდარია. სხვაგვარად ჩვენი სამშობლო ესოდენ ავტორიტეტს ვერ მოიპოვებდა, ასე ძლიერი არ ვიქნებოდით.

რა მიმზიდველია საუბარი, როცა იგი გულითადაა, პატრიოტული, როცა საუბრობ თავისუფლად და არავითარი სიყალბე არ არის მასში. ვინდა დიდხანს, დიდხანს დაჰყო მოსაუბრესთან, იცოდე მასზე, რაც შეიძლება მეტი, მის ხომ ცხოვრების დიდი და შინაარსიანი გზა გაუვლია... დრო კი გარბის, იცი, უნდა გამოემშვიდობო და გიძნელდება.

გმირს ერთხელ კიდევ შევხედე. იგი ფიქრს მისცემოდა. ღია ფანჯრიდან ქაქუთის კოლმეურნეობის ჩაის პლანტაციები, ციტრუსების ბაღები და ტუნვის ტყეები მოჩანდა.

— მე, როგორც კომუნისტი, დიდი სიხარულით მოველი პარტიის 25-ე ყრილობას, ეს კომუნისტების დიდი ფორუმი, რომელიც განსაზღვრავს ჩვენი დედასამშობლოს შემდგომი აყვავებისა და ამაღლების გზებს, მინდა ყრილობას მაღალი შრომითი წარმატებებით შევხვედე. ამაგად ვიშრომებ ოღონდ მშვიდობა და ბედნიერება სუფევდეს ქვეყნად.

— ემინემ კვლავ მოიწყინა. — მე დედა ვარ და გულს მწვავეს, როცა ტელეეკრანზე ვხედავ მკლავდაკოტავებულ მკვლელებს, ტიტველ ბავშვებს, დამწუხრებულ დედებს და საფლავების ჯვრებს. კაცობრიობამ საშინაოდ უნდა დაგმოს ომი. კმაყოფილებით წავიკითხე ჰელსინკში დადებული სამშვიდობო ხელშეკრულება და ჩვენი პარტიის გენერალური მდივნის ლ. ი. ბრეჟნევის მეტად დამაფიქრებელი, საკაცობრიო სიტყვა. — კიდევ უნდოდა რაღაცის თქმა, მაგრამ სუფრას მოავლო თვალი. — დემართო მომკალი — წამოიძახა — თქვენი ასე გაშვება როგორ შეიძლება, ოჯახი შეშინებულია. — არა, ჩვენ უარს ვამბობთ, ყველაზე ძვირფასი სუფრა, რაც ჩვენთვის იყო, ეს მასთან შეხვედრაა, საუბარია. ჩვენ სხვა მიზანი არ გვქონია.

— სტუმარი ოჯახის დაულოცავად არ გაუშვა, ემინე! — ეძახის მეორე ოთახიდან ავადმყოფი ქმარი.

ემინეს სახე ეღრუბლება.
— ის ავად არ იყოს, თქვენ ასე არ გაგიშვებდა.
— სხვა დროს.
— არა, არა, ოჯახს გაფიცებთ!

უკან დასახევი გზა არ იყო. ცივი ადესით ვადღეგრძელებთ გმირის ოჯახი და... ჩვენ არ გვიკითხავს მისთვის ბევრი რამ, არ გვიკითხავს ავადმყოფ ქმარზე, არც იმ შვილზე, რომელმაც მოსკოვში სასოფლო-სამეურ-

ნეო ინსტიტუტი დაამთავრა, მუშაობის დროს ტრავმა მიიღო და საავად-
მყოფოში იწვა. ძნელია, როცა ამდენი ავადმყოფი გყავს, მაგრამ ემინე
ზაქარიადეს სირცხვილი არ უჭამია, მისმა რგოლმა მეცხრე ხუთწლიდის
გეგმა ერთი წლით ადრე შეასრულა. გმირმა შარშან 6 ტონა ჩანს ჯიშისა
ხოვანი ფოთოლი მოკრიფა, საზოგადოებრივ საქმიანობაშიც გამოიჩინე-
ვა. ემინეს უყვარს თქმა: — საზოგადოებრივი საქმე ეს ჩვენი დღევან-
დელი და ხვალინდელი დღეა...

ვტოვებთ გმირი ქალის ოჯახს, ვისაც თავისი მოუღლელი შრომით,
გამრჯე მარჯვენით დიდი წვლილი შეუტანია ხუთწლიდის დამამთავრებე-
ლი წლის დავალებათა წარმატებით შესრულებაში, ვისი სასახლო საქ-
მეები არაერთხელ გამხდარა მწერლისა და პუბლიცისტის შემოქმედების
თემა. და ეს ბუნებრივიც არის, ემინე ზაქარიადის შინაარსიანი, შრომითი
გამარჯვებებით აღსავსე ცხოვრების გზა მუდამ მისაბაძი მაგალითია ჩვე-
ნი ახალგაზრდობისათვის.

ბინდი გაწვა მთებში. ელიას ციხეზე პირსავსე მთვარე გადმოდ-
გა. აკიაფდნენ ელნათურები. დროდადრო გაისმის შეძახილები, ვინ საქო-
ნელს მოერეკება. ვინ საკოლმეურნეო ბაღ-პლანტაციებიდან ბრუნდება,
ვინ ვის გადასძახებს. ჩვენი მანქანა ნელა დაეშვა დაღმართში, მერე ხელ-
მარჯვნივ შევეხვივთ და კოლმეურნეობის კანტორას ჩავუარეთ გვერდით.
ჩვენ მოგვეჩქარება. გული კი სავსეა, გული უკან გვრჩება, ნახული და
მოსმენილი გვაფიქრებს — ყველაფერი ითქვა თუ არა გმირ ქალზე. არა,
ყველაფერი არ ითქმულა და არც შეიძლება ითქმულიყო, ყველაფერი რომ
დაიწეროს, დიდი წიგნია საჭირო.

დავით ჩხიკვიძელი

რუსი და ქართველი ხალხების უაზრობადებითი გეგმვების წარუშლელი ფურცელი

1908 წლის 24 იანვარს მოსკოვის მცირე თეატრში შედგა საიუბილეო ზეიმი. მიძღვნილი ა. სუმბათაშვილი-იუქინის სასცენო მოღვაწეობის 25 წლისთავისადმი. ეს იყო რუსული რეალისტური თეატრალური კულტურის ჭეშმარიტად დიდი დღესასწაული. გამოხატულება იმ დიდი სიყვარულისა და პატივისცემისა, რაც სამართლიანად დაიმსახურა დიდმა მსახიობმა.

სალამოს 7 საათისათვის მცირე ფეატრის დარბაზი ხალხით იყო გაჭედილი. მიუხედავად იმისა, რომ ბილეთის ფასი ამჯერად ხუთჯერ აღმატებოდა ჩვეულებრივს. კიდევ მეტი, გადამყიდვე-

ლები პარტერის ბილეთს 100 მანეთადაც ყიდდნენ.¹

იუბილე დაიწყო „ოტელოს“ აქტის-სენატის სცენის ჩვენებით. მთელი დარბაზი დაძაბული ყურადღებით ელოდა არტისტი-იუბილარის პირველ გამოსვლას სცენაზე. და აი, გამოჩნდა მავრიც და დარბაზში ტაშმა იგრიალა, რომელიც დიდხანს, ძალიან დიდხანს გაგრძელდა. იუბილარი თავის სიმალლეზე იდგა. მისი ყოველი ფრაზის შემდეგ ისეთი ოვაციები იმართებოდა, რომ მსახიობს თამაშის გაგრძელების საშუალება არ ეძლეოდა.

„ოტელოს“ პირველი სურათის

1 «ЦГАЛН СССР, Ф. 878, ОП. 1, ед/х. 136, л. л. 86—87 (05)»

დამთავრების შემდეგ მოეწყო დიდი შესვენება. სცენაზე იუბილართან ერთად ავიდნენ მცირე თეატრის მსახიობები, ხელოვნებისა და ლიტერატურის გამოჩენილი წარმომადგენლები.

საზეიმო ცერემონიალი დაიწყო იმით, რომ საიმპერატორო თეატრების დირექტორმა ვ. ა. ტელაკოვსკიმ ა. ი. სუმბათაშვილს დამსახურებული არტისტის ნიშანი გადასცა.

იუბილარს მიუახლოვდნენ მ. ერმოლოვა, ა. ლენსკი, ო. სადოვსკაია, ო. პრავდინი. მცირე თეატრის მთავარმა რეჟისორმა ა. ლენსკიმ წაიკითხა თეატრის აღრესი.

„დღეს, ამ ნათელ ზეიმზე, — ნათქვამია ადრესში, — ჩვენი თეატრის ძველ კედლებს შორის შეკრებილნი, მოსკოველთა წინაშე ერთსულოვანი აღფრთოვანებით ვუხდით მადლობას დიდ მხატვარს, რომელიც თითქმის მეოთხედი საუკუნის მანძილზე არ იშურებდა ჩვენთვის თავის მრავალმხრივ სულიერ სიმდიდრეს. ძვირფასო ალექსანდრე ივანეს ძე, ჩვენ, თქვენი უახლოესი ამხანაგები, ბედნიერნი ვართ გამოვხატოთ თქვენს მიმართ ჩვენი საერთო პატივისცემისა და მხურვალე სიყვარულის გრძნობები.

თქვენთვის დამახასიათებელი იშვიათი უნარია მთელი ძალდონით ემსახუროთ იმ საქმეს, რომელიც ერთხელ ირწმუნეთ და აი, უკვე 25 წელია, რაც... მედგრად იბრძვით ჩვენი ძვირფასი თეატ-

რის ბედნიერებისათვის, მსახიობის მხატვრული დამოუკიდებლობისათვის.

როგორ შეიძლება არ ვიამაყოთ თქვენით, საიმედო რაინდო და ჩვენი საერთო სიწმინდის დაუღალავო დამცველო“.²

ადრესის წაკითხვის შემდეგ იუბილარს გადაეცა მცირე თეატრის კოლექტივის საერთო საჩუქარი — ბრილიანტებით მორთული სამკერდე ნიშანი, რომელიც მას მიაბნია მსახიობმა ო. პრავდინმა.

შემდეგ ავანსცენაზე გამოჩნდა მ. ერმოლოვა. იგრილა ტაშმა. მ. ერმოლოვამ წაიკითხა მცირე თეატრის დიდი მსახიობი ქალის გ. ნ. ფედოტოვას მისალოცი წერილი, ვინაიდან იგი ავადმყოფობის გამო იუბილზე ვერ მოვიდა. წერილში გ. ნ. ფედოტოვა წერს, რომ თავისი ცხოვრების ყველაზე საუკეთესო წლებად იგი თვლის იმ პერიოდს, როდესაც მას პქონდა ბედნიერება ემუშავა ისეთ დიდ მსახიობთან, როგორცაა ა. სუმბათაშვილი.

ამაღელვებელი იყო მოსკოვის სამხატვრო თეატრის მისალმებაც. სცენაზე გამოჩნდა მსახიობთა დიდი ჯგუფი კ. ს. სტანისლავსკის, ვლ. ი. ნემიროვიჩ-დანიჩენკოს, მოსკოვის, ვიშნევსკის, ბალიევისა და სამარინას შემადგენლობით. ვლ. ი. ნემიროვიჩ-დანიჩენკო კითხულობს სამხატვრო თეატრის აღრესს:

2 იქვე.

„ოცდახუთი წლის წინათ, — ეწერა ადრესში, — თქვენ აქ, სცენაზე გამოხვედით ჩაცკის როლში. სამი წლის შემდეგ განასახიერეთ გრაფ დიუნუასა და მორტიმერის სახეები, რითაც ისედაც დიდი და სასახელო ტრადიციების მქონე მცირე თეატრს დაეხმარეთ რეპერტუარის განახლებაში ძლიერი, ლამაზი რომანტიკული ნაწარმოებებით... ყველას, ვინც დღეს შეიკრიბა აქ თქვენს მისასალმებლად, კარგად ახსოვს მცირე თეატრის საუკეთესო ფურცლები, სადაც თქვენი სახელი მ. ნ. ერმოლოვასა და ა. პ. ლენსკის გვერდით წერია. თქვენ შექმენით ბრწყინვალე არტისტული ტრიო, რომელიც მაშინდელი ეპოქის მტრული პირობების მიუხედავად... დაძვინებებს გმირობისა და თავგანწირვისაკენ მოუწოდებდა. ასეთივე ფართო გულწრფელობით, უმწიკვლო პატიოსნებითა და დამოუკიდებელი, ინდივიდუალური, შესანიშნავი მონაცემებით ვიდრე თქვენ შემოქმედებით გზაზე ოცი წლის მანძილზე.

სამხატვრო თეატრი... აუცილებელ ვალდებულებად თვლის მიესალმოს თქვენი სახით, ძვირფასო ალექსანდრე ივანეს ძევ, არტისტს, რომელიც ყოველთვის მტკიცე და ერთგული რჩებოდა თეატრის კეთილშობილური, კულტურული მისიისა“.

კ. ს. სტანისლავსკიმ იუბილარს გადასცა ძვირფასი სამკერდე ნიშანი სამხატვრო თეატრის ემბლემის — თოლიას გამოსახულებით.

კორშის თეატრის ადრესში შესანიშნავად იყო მითითებული ბილარის დამსახურებაზე თეატრალური ხელოვნების წინაშე. ადრესში ეწერა: „ძვირფასო ალექსანდრე ივანეს ძევ, კორშის თეატრის დასი სიხარულით მოგესალმებათ თქვენ ამ შესანიშნავ ზეიმზე. განა ჩვენ, მსახიობებს შეგვიძლია შესაფერისად შევაფასოთ თქვენი ტალანტი და ის დიდი მხატვრული საქმე, რომელსაც აკეთებდით მეოთხედი საუკუნის მანძილზე? ამას სხვები გააკეთებენ. ამას გააკეთებს ხალხი, რომლის სამსჯავროზეც გააქვს ყველა ჩვენთაგანს თავისი ნამუშევარი, საკუთარი ხელოვნება. ჩვენ ვიცით, რაოდენ დიდი სიამაყით აღივსება თქვენი გული ამ სასამართლოს მიერ მიღებული გადაწყვეტილების გამო, ვინაიდან მასში ლაპარაკი იქნება დიდ მსახიობზე და მის მიერ მოპოვებულ ბრწყინვალე... გამარჯვებებზე. ჩვენ მთელი გრძნობით ვემზრობით ამ სასიამოვნო განაჩენს, მაგრამ არ შეგვიძლია ყველა თქვენს მხატვრულ წარმატებებზე მაღლა არ დავაყენოთ კიდევ ერთი ღვაწლი — თქვენი დამსახურება რუსი მსახიობის წინაშე... ჩვენ თქვენში ვხედავთ საზოგადოების თვალში რუსი მსახიობის ღირსების ამაღლებისათვის დაუღალავ მებრძოლს როგორც საქმით, ასევე სიტყვით... თქვენ, საკუთარი სასცენო მუშაობით... ყოველთვის ამაღლებდით რუს მსახიობს საზოგადოების თვალში. თქვენ დიდად აფასებ-

დით სცენას და სხვებსაც ასწავ-
ლიდით მის პატრიისცემას“...³

თეატრში შეკრებილი საზოგადოების ყურადღება მიიბყრო ქართულ ჩოხა-ახალუხში გამოწყობილმა უცნობმა პირმა, რომელიც განცალკევებით იჯდა. ეს იყო ქართველი მსახიობი კოტე მესხი, რომელიც „ქართული თეატრის მოღვაწეთა“ სახელით მიესალმა „მცირე თეატრის დიდ მსახიობს“. მან წარმოთქვა მგზნებარე, ძალზე ლამაზი სიტყვა, რომელმაც საერთო აღფრთოვანება და მოწონება დაიმსახურა: „შორეული საქართველო მზურვალედ ულოცავს თავის სახელოვან შვილს და უაღრესი მადლიერების გრძნობით მუხლს იდრეკს მის წინაშე“ — თქვა კ. მესხმა. ამ სიტყვებს მოჰყვა ზღვა ოვაციებისა. კ. მესხმა განავრძო: „შენ განშორდი სამშობლო საქართველოს, შენ, როგორც მსახიობმა, უღალატე სამშობლო სცენას, როგორც მწერალმა — მშობლიურ ენას, მაგრამ ჩვენ არ გკიცხავთ ამისათვის, რადგან შენი ღალატი „ღალატითვე“ გამოისყიდე... საქართველო ამაცხოვრებს იმით, რომ მისმა ერთ-ერთმა საუკეთესო შვილთაგანმა თავისი მდიდარი ნიჭი მიუძღვნა რუსეთის გულს — მოსკოვს“.

კ. მესხმა ქართული დრამატული საზოგადოების სახელით სუბათაშვილს საჩუქრად გადასცა „ვეფხისტყაოსანი“. დრამატული საზოგადოების ადრესში ეწერა:

„ბატონო ალექსანდრე! საუკმაოდ ერთად გიგზავნით სახსოვრად ვერის უკვდავი გენიოსის ნიჭს და ეხებას, თხზულებას იმ ზნეობის, რომელმაც თავისი მადლიანი კალმით უკვდავყო როგორც თავისი სახელი, აგრეთვე თავისი სამშობლო. დეე, ამ წიგნმა ხშირხშირად მოგავონოთ ხოლმე ის შორეული მხარე, ის სამშობლო დედა, რომელიც სიყვარულით თავს გეცლებათ, გირწევდათ აკვანს და თანდათან დაგმღეროდათ ხან ტკბილს, ხან ჰაეროვან ნანას და ხანაც მძლავრს, საგმირო სიმღერას! თქვენ არ დაგვიწყებიათ სრულიად ეს ჰანგები. ამას მოწმობს თქვენი ნიჭიერად დაწერილი „ღალატი“.⁴

კ. მესხის შემდეგ გამოვიდა რუსეთის სიტყვიერების საზოგადოების წარმომადგენელი. მის ადრესში აღნიშნული იყო: „მტკიცე კავშირი დამყარდა რუსეთის სიტყვიერების მოყვარულთა საზოგადოებასა და მცირე თეატრს შორის... არაერთხელ მოსულა ჩვენი საზოგადოება თავისი ჭეშმარიტი მისალმებით ამ სასახლო რუსული თეატრის სცენაზე. განსაკუთრებული სიხარულით მოვედით ჩვენ აქ დღეს, რადგან თქვენი სახით ნათლად ვხედავთ ერთ-ერთ რგოლს, რომელიც ერთმანეთთან აკავშირებს მოსკოვის ამ ორ უძველეს სამხატვრო დაწესებულებას... თქვენ ხართ მწერალი და მსახიობი... თქვენი ძალები, ტალა-

4 ვაზ. „ლიტერატურული საქართველო“, 1937 წ., 30 ოქტომბერი.

ნტი განაწილებულია დრამასა და სცენას შორის. თქვენ ერთიც და მეორეც გაამდიდრეთ შესანიშნავი სახეებით“.

ადრესში აღნიშნული იყო ის, რომ იუჟინი დაეხმარა მცირე თეატრს განეახლებინა რეპერტუარი მსოფლიო ლიტერატურის შედეგების დადგმით. მისი ინიციატივით „მცირე თეატრის სცენას დაუბრუნდა შილერისა და ჰიუგოს გმირული და თავისუფალი იდეალების გამომხატველი სპექტაკლები, რომლებიც უკვე დავიწყებული ჰქონდა რუსულ თეატრალურ მაყურებელს.

ამგვარად, მწერალი ეხმარებოდა მსახიობს და მეგობრული ძალღონით აღსავსე მიაბიჯებდა მასთან ხელიხელჩაკიდებული. თქვენ სიტყვიერებას ემსახურებოდით არა მარტო როგორც დრამატურგი, არამედ როგორც მსახიობიც და საზოგადოება... თავის სასიამოვნო მოვალეობად თვლის მოგესალმით დღეს თქვენ, ამ ორი მონათესავე ხელოვნების ნიჭიერ მსახურს“.⁵

შემდეგ ლიტერატურულ-მხატვრული წრის ადრესი წაიკითხა ამ წრის ერთ-ერთმა ხელმძღვანელმა ს. ა. ივანცოვმა. აღსანიშნავია, რომ ლიტერატურულ-მხატვრული წრის თავმჯდომარე თვით იუბილარი ა. სუმბათაშვილი იყო. ადრესში ეწერა: „ცხოვრებაში ყველაზე საუკეთესო მოგონებე-

ბია“ — უთქვამს უდიდეს მოაზროვნეს. არის წუთები, დესაც განსაკუთრებულ ლავრით მუშაობს გონება და აცოცხლებს ძველ, შესანიშნავ განცდებს... ასეთი წუთებისაგან შესდგება დღევანდელი საღამოც, თქვენი საიუბილეო ზეიმის საღამო... მან გამოაღვიძა წარსული საღამოების სიხარული, როდესაც ამავე, ძველ, მაგრამ ჩვენთვის ყველასათვის საყვარელ მცირე თეატრში დუღდა რომანტიული დრამის გმირთა დიადი გრძნობები, როდესაც იუჟინის სახით ჩვენ უდიდესსა და უმშვენიერესზე გვესაუბრებოდნენ შილერი და ჰიუგო. ამ სახელოვანი ბრწყინვალეობით გაცისკროვნებული თეატრალური სცენიდან გვესმოდა მარკიზ პოზას, ეგმონტისა და დიუნუას, კარლოსისა და რუი ბლანზის სიტყვები, ადამიანის სულის დიდებულ ტრაგედიულ სურათებს შლიდნენ შექსპირის გმირები“. ადრესში ნათქვამია, რომ ლიტერატურულ - სამხატვრო წრეში გაერთიანებული სხვადასხვა სამხატვრო პროფესიის ადამიანები, მიუხედავად განსხვავებული იდეური მრწამსისა, ერთ რამეში ეთანხმებიან ერთმანეთს: მათ აახლოებს და ანათესავებს თაყვანისცემა იმ ბუნებით შეუცნობელი ძალების წინაშე, რომელნიც მბრძანებლობენ გრძნობებსა და ოცნებებზე. ამ დიად იდეალებს ემსახურებოდა ა. სუმბათაშვილი. ამიტომ „...ამ ადრესს ხელს აწერს ლიტერატურულ-სამხატვ-

5 «ЦГЛИИ СССР, Ф. 878, ОП. 1, ед/х. 136, лл. 86—87 (об)»

რო წრის უკლებლივ ყველა წევრი. იგი ნაკარნახევია სიყვარულის გრძნობით, შესანიშნავი ნიჭის მატარებელი, დიდი და კეთილშობილი მშრომელი ადამიანის მიმართ. ნაკარნახევია თქვენდამი მეგობრული, მხურვალე მადლიერების გრძნობით, ძვირფასო ალექსანდრე ივანეც ძველ⁶.

აღნიშნულ ადრესს პირველი აწერდა ხელს რუსეთის უდიდესი მწერალი ლევ ნიკოლოზის ძე ტოლსტოი. ეს პირველი შემთხვევა იყო. როდესაც ლ. ნ. ტოლსტოი ხელს აწერდა კოლექტიურ მიმართვას. ბუნებრივია, მისი ხელმოწერა ამ მისალმებაზე იუბილარისათვის ყველაზე უფრო ძვირფასი საჩუქარი იყო.

ადრესი იღო ძველ რუსულ, მხატვრული მანერით შესრულებულ პაკეტში, რომელიც ლამაზ სტილში შესრულებული ძვირფასი ლითონის სამკაულებით იყო შორთული. ადრესის გარდა წრემ თავის თავმჯდომარეს მიართვა ვიქტორ პიუგოს ბიუსტი, მწერლისა, რომელიც ვატაცებით უყვარდა ა. ი. იუჟინს. ბიუსტი იუბილესათვის მოამზადა ცნობილმა ფრანგმა მოქანდაკემ ა. როდენმა.

წრის დირექციამ იუჟინს მიართვა ორიგინალური საჩუქარი — იუბილარის ყველაზე უფრო საყვარელი რუსი, მწერლის ლ. ნ. ტოლსტოის თხზულებათა კრებული. აქ შეკრებილი იყო ყველა-

ფერი, რაც დაწერილი ჰქონდა ლევ ტოლსტოის რუსეთში და ზღვარგარეთ გამოცემულ წიგნებს შორის ჩათვლით. ასევე კრებული იშვიათ სიმდიდრეს წარმოადგენდა. პირველ ტომს ლევ ტოლსტოის წარწერა ამკობდა: ეს ტომი ჩაღებული იყო ვერცხლით გაწყობილ შესანიშნავ ყუთში, რომლის თავსახურის შიდა მხარეს ამშვენებდა წრის დირექციის ყველა წევრის ხელმოწერათა დაქსიმილეს გრავიურა.

როდესაც გამოაცხადეს, რომ ალექსანდრე ივანეს ძისათვის მისართმევ წიგნზე ხელი მოაწერათ, ლევ ტოლსტოიმ, აღელვებულმა იუბილარმა სახეზე ხელი აიფარა. მაშინ კი, როცა მას გადასცეს ყუთი ტომით, რომელსაც ამშვენებდა უდიდესი მწერლის ავტოგრაფი, იუჟინი ემთხვია მას.

ეს იყო ზეიმის ყველაზე უფრო ამაღლვებელი მომენტი.

ლიტერატურულ - მხატვრული წრის შემდგვ იუბილარს მიესალმნენ მოხუც მსახიობთა საზოგადოების, მოსკოვის კონსერვატორიის, ფილარმონიული საზოგადოებისა და სასწავლებლის (რომლის პროფესორი იყო იუბილარი) წარმომადგენლები. მანამდე დრამატიულ მწერალთა სახელით იუბილარს მიართვეს ადრესი და ოქროს გვირგვინი. პეტერბურგის საიმპერატორო ალექსანდრეს თეატრის სახელით საჩუქარი გადასცა მას ცნობილმა ტრაგიკოსმა ფ. ა. გორეშკამ. დიდი თეატრის ოპერისა და ბალეტის დასებმა იუბილარს

⁶ იქვე.

ადრესთან ერთად მიართვეს ოქროს ქნარი და ვერცხლის გვირგვინი.

ა. სუმბათაშვილი ამ პერიოდში ერთ-ერთი ყველაზე უფრო პოპულარული დრამატურგი იყო რუსეთში, განსაკუთრებით — პროვინციაში, სადაც თეატრების სეზონები, როგორც წესი, მისი პიესებით იხსნებოდა. იუჟინისადმი დიდი სიყვარულისა და პატივისცემის გრძნობით არის გამსჭვალული პროვინციული თეატრების ადრესი, რომელსაც ხელს აწერდა 1200-ზე მეტი მსახიობი. ადრესში ნათქვამია: „დღეს მოსკოვი და მასთან ერთად მთელი თეატრალური რუსეთი ზეიმობს საიმპერატორო თეატრებში თქვენი მოღვაწეობის ოცდამეხუთე წლის თავს. 25 წლის მანძილზე თქვენ წმინდად იცავდით ჭეშმარიტი ხელოვნების საუკეთესო მონაპოვარს, რომელიც მოსკოვის მცირე თეატრის დროშაზე აღბეჭდეს თქვენმა სახელოვანმა წინაპრებმა... რუსული ხელოვნება ამაყობს თქვენით, როგორც გამოჩენილი არტისტითა და ამავე დროს დიდი დრამატურგით... ჩვენ, თქვენი პროვინციელი ამხანაგები ხელოვნების დარგში, ბედნიერი ვართ იმით, რომ თქვენი ნიჭის ძალა არაერთხელ გამოვლინდა პროვინციული თეატრის უბრალო ჩარჩოებშიც. ბევრ ჩვენთაგანს ხვდა წილად ბედნიერება გამოსულიყო თქვენთან ერთად სცენაზე... ვსარგებლობთ შემთხვევით, გამოვხატოთ თქვენს წინაშე ჩვენი მხუ-

რვალე სურვილი: და, თქვენმა საუკეთესო მისწრაფებებმა, თქვენმა წმინდა იდეალებმა, თქვენმა შემდგომი განხორციელების შესაძლებლობებმა მოიპოვონ. რუსული თეატრი კიდევ დიდხანს გვევლებოდეთ თავს, როგორც ხელოვნების პატიოსან და დაუღალავ მსახურს. იცოცხლეთ მრავალ წელს და ასევე წმინდად მიიტანეთ ხელოვნების საკურთხეველზე თქვენი ნათელი ნიჭი და მჩქეფარე ენერჯია, რომლებსაც ვერაფერი დააკლეს თავისი შეუბრალებელი ხელით ვერც დრომ და ვერც წლოვანებამ.

ხანგრძლივი სიცოცხლე და დიდება მსცოვან იუბილარს!“⁷

ამის შემდეგ იუბილარს მიართვეს გვირგვინი კომისარჟევსკაიას თეატრისაგან: გვირგვინითა და მისალმებით მოვიდა სუვორინის თეატრი. შემდეგ იუჟინს ადრესით და საჩუქრებით მიესალმნენ ლიტერატურულ - სამხატვრო წრის წარმომადგენლები და მოსკოვის უნივერსიტეტის სტუდენტები.

სცენაზე გამოდის ქართულ ეროვნულ ტანსაცმელში გამოწყობილი სტუდენტების დიდი ჯგუფი. ესენი მოსკოვის ქართველ სტუდენტთა სათვისტომოს წარმომადგენლები არიან. მისალმება დაწერილია ლექსის ფორმით, სადაც ნათქვამია იმის შესახებ, რომ საქართველოს მაღალი თოვლიანი მწვერვალები და ნაცრისფერი კლდეები, მშობლიური ქვეყნის

აზვირთებული მდინარეები სა-
ლამს უძღვნიან თავის მშვენიერ
და საყვარელ შვილს, რომელმაც
ძმობის კავშირით შეკრა ორი ხა-
ლხის ურღვევი მეგობრობა.


ულევ ნაკადად მოედინება სა-
ჩუქრები, გვირგვინები, სხვათა
შორის, საჩუქრებს შორის იყო
ვერცხლის ლარნაკი, ბრინჯაოს ქა-
ნდაკება, მარმარილოსაგან გამოკ-
ვეთილი ქალის თავი და ა. შ.

სცენაზე კვლავ ქართველთა
ჯგუფია. იუბილარს მოსკოვის ქა-
რთველთა საზოგადოების ადრესს
უკითხავს კ. მაყაშვილი.

დაბოლოს, ქართველ სტუდენტებს სცენაზე გამოაქვთ დიდი ილია ჭავჭავაძის სურათი. ილიამ 30 წლის წინათ ამოიციო ა. სუმბათაშვილის ნიჭი და სასახლო მომავალი. დარბაზში გაისმის ტაში. ა. სუმბათაშვილი უახლოვდება ქართველ სტუდენტთა ჯგუფს, მაგრად ართმევს მათ ხელს და შემდეგ მიემართება ავანსცენისაკენ.

დარბაზში სიჩუმე ისადგურებს. ა. სუმბათაშვილი საპასუხო, სამადლობლო სიტყვის სათქმელად ემზადება. ზედმეტი მღელვარებისაგან იგი რამდენჯერმე იმეორებს სიტყვებს „ოტელოს“ სცენიდან: „მე არ მეხერხება სიტყვა. მე არ მეხერხება...“

ა. სუმბათაშვილი მიმართავს საზოგადოებას. იგი ამბობს, რომ ეს დღე უბედნიერესია მის სიცოცხლეში, თუმცა მან კარგად იცის, რომ მიიღო ასჯერ უფრო მეტი, ვიდრე დაიმსახურა. იგი მოუბრუნდება სცენაზე მცირე თეატრის

მსახიობებს და განაგრძობს.  ყოველივე ამას იგი უმძღვრებო მცირე თეატრის სცენას, თეატრის მსახიობებს, მის საუკეთესო ამხანაგებს, რომელთა ხელმძღვანელობითა და დახმარებით განვლო მთელი სცენური გზა: „მე ვაკეთებდი, რაც შემეძლო, და სიტყვას ვიძლევი, კვლავ გავაკეთებ, რასაც შევძლებ“. იგი თავს ხრის დარბაზის, მოსკოვისა და მთელი რუსეთის წინაშე. დარბაზში გაისმის მხურვალე ტაში, ყველა ფეხზე დგება, გაისმის შეძახილები საყვარელი მსახიობის, დრამატურგისა და მოქალაქის პატივისცემად.

ფარდა ეშვება, მაგრამ ტაში არ ცხრება... მადლიერმა მაყურებელმა იუბილარი ოცჯერ მაინც გამოიძახა ფარდის წინ.

მეორე დღეს, 25 იანვარს, საიუბილო ზეიმი გაგრძელდა მოსკოვის ლიტერატურულ - მხატვრულ წრეში. სადაც მოეწყო დიდი ბანკეტი.

საგულისხმოა, რომ რამდენიმე დღით ადრე ამავე დარბაზში ლიტერატურულ - მხატვრულმა წრემ საზეიმო შეხვედრა გაუმართა რუსული თეატრის მშვენებასა და სიამაყეს მ. ერმოლოვას. ამ საღამოზე, სხვათა შორის, ცრემლმორეულმა ა. სუმბათაშვილმა აღნიშნა, რომ ხორცს ისხამს ოცნება მსახიობის აღიარებისა საზოგადო მოღვაწედ.

და აი ახლა ამ დარბაზში თავი მოიყარა „მთელმა მოსკოვმა“, რათა პატივი ეცა რუსული კულტურ-

რის დიდი მოღვაწისათვის — იუ-
ჟინისათვის. აქ იყვნენ წამყვანი
მსახიობები, მხატვრები, ჟურნა-
ლისტები, მწერლები, მუსიკოსები,
ცნობილი საზოგადო მოღვაწეები.
თერთმეტ საათზე მთავარი სადა-
რბაზოს კარებიდან შემოვიდნენ
ქართული კოლონიის წარმომად-
გენლები.

იუბილარსა და მის თანმხლებ
პირებს — მ. ერმოლოვას, იუბი-
ლარის მეუღლესა და დას მხურ-
ვალე ოვაციებით შეხვდნენ, ცოც-
ხალი ყვავილების თაიგულები მი-
ართვეს და ტაშის გრილით მი-
აცილეს სადარბაზო ოთახამდე, მე-
ორე სართულზე.

ბანკეტი გაიმართა ლიტერატუ-
რულ-მხატვრული წრის საკონცე-
რტო დარბაზში, რომელიც ამ
დღეს საგანგებოდ იყო მორთული,
დარბაზის ერთ-ერთ კედელს სე-
როვის მიერ შესრულებული მ.
ერმოლოვას უზარმაზარი პორტ-
რეტი ამშვენებდა. ამ პორტრეტის
ქვეშ ძირითად მაგიდასთან იხდ-
ნენ: იუბილარი, მისი მეუღლე და
და, მ. ერმოლოვა, კ. სტანისლავ-
სკი, ვლ. ნემიროვიჩ-დანჩენკო, მ.
იპოლიტოვ-ივანოვი, ნ. ნიკულინა,
ო. სადოვსკაია, ა. იაბლოჩინა, ო.
კნიპერ-ჩეხოვა, ა. ლენსკი და სხვ.
დანარჩენ მაგიდებთან თეატრის,
საზოგადოებისა და უწყებათა მი-
ხედვით იხდნენ სხვა სტუმრები.

მისაღმებათა რიგი შესავალი
სიტყვით გახსნა ლიტერატურულ-
მხატვრული წრის წარმომადგენე-
ლმა ნ. ა. ბაჟანოვმა, რომელმაც
დასასრულს იუბილარს — დრა-

მატურგს, მსახიობსა და საზოგადო
მოღვაწეს სამმავე ლაფის/
გვირგვინი მიართვა.

ამის შემდეგ მცირე თეატრის
სახელით სიტყვა აიღო ა. ა. ფე-
დოტოვმა. მისი პირველი სიტყვე-
ბისთანავე მცირე თეატრის მთე-
ლი დასი მ. ერმოლოვასა და ა.
ლენსკის მეთაურობით, ფეხზე წა-
მოდგა და ისე უსმენდა მას. სიტ-
ყვაში აღინიშნა იუბილარის უდ-
იდესი დამსახურება მცირე თეატ-
რის წინაშე, მისი სწრაფვა მსოფ-
ლიო კლასიკოსთა საუკეთესო ნი-
მუშებისადმი, მისი მაღალი კულ-
ტურა და განათლება, საკუთარი
თავისა და საქმისადმი მკაცრი
დამოკიდებულება და მომთხოვნე-
ლობა, მისი ვაჟკაცური სულის-
კვეთება და კეთილშობილება. ა.
ფედოტოვმა ხაზი გაუსვა ა. იუჟი-
ნის მსოფლმხედველობის პროგ-
რესულ ხასიათს.

დიდი ინტერესი გამოიწვია სამ-
ხატვრო თეატრის ერთ-ერთი ხე-
ლმძღვანელის ვლ. ნემიროვიჩ-და-
ნჩენკოს სიტყვამ. იგი იგონებდა
თბილისის გიმნაზიაში ერთად გა-
ტარებულ წლებს, გამოთქვამდა
თავყვანისცემას იუჟინის შემოქმე-
დებისადმი, სასცენო და ლიტერა-
ტურული მოღვაწეობისადმი. გა-
ნსაკუთრებით ეფექტური იყო სი-
ტყვის ის ნაწილი, სადაც აღინიშ-
ნა, თუ რა მოუტანა მცირე თე-
ატრს ა. სუმბათაშვილის შემოქ-
მედებითა თანამეგობრობამ რუ-
სული თეატრის ისეთ ვარსკვლა-
ვებთან, როგორცაა მ. ნ. ერმო-

ლოვა, ა. პ. ლენსკი, პ. ა. ნიკული-
ნა და ო. ო. სადოვსკაია.

ვლ. ი. ნემიროვიჩ-დანჩენკოს
სიტყვების შემდეგ წაიკითხეს რა-
მდენიმე მისასაღმებელი დეპეშა,
მათ შორის მოსკოვის უნივერსი-
ტეტის რექტორის, რუსეთის პი-
რველი და მეორე სახელმწიფო
სათათბიროს თავმჯდომარეების,
მინისტრების, დეპუტატების. აღ-
სანიშნავია, რომ მოსკოვის საზო-
გადოებრივი მმართველობის დე-
პეშას, რომელსაც ხელს აწერდა
ნ. ი. გუჩკოვი, დარბაზი პროტეს-
ტით შეხვდა.

დეპეშები კვლავ სიტყვებმა
შეცვალა. დიდი თეატრის მომლე-
რალთა ჯგუფმა საოცრად მალაღი
მხატვრული ოსტატობით შეას-
რულა კანტატა, რომლის ტექსტში
განდიდებული იყო ა. სუმბათაშ-
ვილი. კანტატამ საყოველთაო მო-
წონება დაიმსახურა. ყველაზე მე-
ტად მან იუბილარზე იმოქმედა.
ა. სუმბათაშვილი კანტატას დამა-
ბული უსმენდა, შემდეგ კი, როცა
დარბაზში ტანმა იგრილა, მას
ნერვებმა უმტყუნა, ემოციები
ვერ დამალა და ცრემლები წასკ-
და.

ამის შემდეგ იყო მისასაღმებე-
ლი სიტყვები, სიტყვები და
კვლავ სიტყვები. ქართველთა კო-
ლონიის სახელით ა. სუმბათაშ-
ვილს მიესალმა მოსკოვის ქარ-
თველთა საზოგადოების თავმჯდო-
მარის მოადგილე პოლკოვნიკი ივ.
თულაშვილი. შემდეგ სიტყვა აი-
ლო ქართული დრამატიული წრის
წარმომადგენელმა, რომელმაც

მოკლე მისაღმების შემდეგ
ბილარს გადასცა ოქროს ლამაზი
ქედურობაში ჩასმული ქართველთა
პოეტთა ტომი.

დიდი ყურადღებით მოისმინეს
დეპეშები თბილისის, ბაქოს, ბათ-
უმის, ქუთაისისა და სხვა ქალა-
ქების მმართველობებისაგან. რო-
დესაც გამოაქვეყნეს თბილისის
პირველი გიმნაზიის მასწავლებ-
ლებისა და მოწაფეების მისასაღ-
მებელი დეპეშა, იუბილართან მო-
ვიდა აღფლავებული ვლ. ნემირო-
ვიჩ-დანჩენკო და გადაეხვია მას.
ამას მოჰყვა დეპეშები რუსეთის
სხვადასხვა ქალაქებში არსებულ
ქართველ სტუდენტთა სათვისტო-
მოებისაგან.

რიანანის თეატრის რეჟისორი
ალექსეევ - მესხიშვილი დეპეშაში
იუბილარს თავის „დიდ მასწავ-
ლებელს“ უწოდებდა. პეტერბურ-
გიდან პროფესორი ცაგარელი ას-
ეთი დეპეშით ულოცავდა იუბი-
ლარს: „ვამაყოფთ თქვენით. თან-
მემამულეები“.

განსაკუთრებული წარმატება
ხვდა წილად ქართველ მსახიობ
კ. მესხს. წინაღობით მცირე თეატ-
რში მის მიერ წარმოთქმული
ბრწყინვალე სიტყვის შთაბეჭდი-
ლება იმდენად დიდი იყო, რომ
როცა მან სიტყვა მოითხოვა, და-
რბაზი გაინაბა. კ. მესხი ადგა, რა-
მდენიმე ნაბიჯი გადადგა წინ, მი-
უახლოვდა მთავარ მაგიდას, ღრმა
პატივისცემითა და მოკრძალებით
თავი დახარა მ. ერმოლოვას წინა-
შე და საოცარი მგზნებარებით წა-
რომოთქვა: „როდესაც მოვემგზავ-

რებოდი საქართველოდან ამ შესანიშნავი ქართველის იუბილეზე, ქართველმა ხალხმა მიბრძანა: „თუ მოსკოვში შენ შეხვდები დიდ მარიამ ნიკოლოზის ასულს (ერმოლოვას — დ. ჩ.), უთხარი, თუ მისდამი რა უდიდესი სიყვარულით ძგერს მთელი საქართველოს გული, რადგანაც მან პირველმა, უდიდესი შთაგონებული ტალანტით და საოცარი მომხიბვლელობით განასახიერა რუსულ სცენაზე ქართველი დედის მწუხარება. მან, სცენის დედოფალმა, დაიფერფლა თავისი გული საქართველოს დედოფლის ავბედობით“. კ. მესხის ეს სიტყვები, რომლებიც მომაჯადოებელი ძალით გაისმა, მქუხარე ოვაციამ დაფარა. აღელვებული მ. ერმოლოვა ფეხზე წამოდგა და მადლიერების ნიშნად თავი დახარა.

ეს იყო აუწერელი სიხარულის წუთები, ქართველი და რუსი ხალხის უსაზღვრო მეგობრობისა და სიყვარულის დემონსტრაცია, გამოხატულება ქართველი ხალხის უდიდესი მადლიერებისა დიდი რუსული კულტურის მიმართ.

ტაში არ ნელდებოდა... მაშინ ა. სუმბათაშვილი წამოდგა, ხელი ასწია, რითაც ყურადღება ითხოვა, და წუთიერი პაუზის შემდეგ, ბრძანების ტონით, თუმცა აღელვებულმა, ოდნავ გატეხილი ხმით, მაგრამ საოცარი გულწრფელობით მიმართა კოტე მესხს:

„ — გადაეცი საქართველოს, რომ თუ გუშინ, როდესაც შენ ჩამომიტანე მისი სალამი, მე მზად

ვიყავი დამეკოცნა ჩემი სამშობლის ძვირფასი მიწა, დღეს, როდესაც შენ აქ მოიტანე მისი მადლიერებისა და სიყვარულის სიტყვები ამ დიდი რუსი მსახიობი ქალის მიმართ, მე მზად ვარ ეს მიწა ჩემი საკუთარი სისხლით მოვრწყვა“.

კვლავ იქუხა ტაშმა, შემდეგ იმ მხრიდან, სადაც კ. მესხი და ქართული კოლონიის წარმომადგენლები ისხდნენ, გაისმა ქართული „მრავალყამიერი“.

საინტერესო იყო ცნობილი ანტრეპრენიორის ნიკულისის სიტყვა. იგი პროვინციული თეატრების სახელით მიესალმა იუბილარს და აღნიშნა, რა მძიმე პირობებში უხდებათ მუშაობა და ცხოვრება მსახიობებს პროვინციაში. „პროვინციაში შემოქმედებითი შრომის ამ მძიმე გზაზე, — თქვა ნიკულისმა, — ჩაუქრობელ ჩირაღდნად ანთია მცირე თეატრი, ხოლო თეატრში — სუმბათაშვილი იუჟინის ტალანტი“.

მღელვარე იყო ა. სუმბათაშვილის საპასუხო სიტყვა. მან სთხოვა ნიკულისს გადაეცა რუსეთის თეატრალური პროვინციისათვის თავისი უსაზღვრო მადლობა, უდიდესი პატივისცემა მსახიობის პატიოსანი შრომისათვის. „არ არის იმაზე დიდი ბედნიერება, — თქვა მან, — ვიდრე ბედნიერება სცენიდან ემსახურო ხალხს, იყო მსახიობი, რა რიგ მცირე და შეუმჩნეველიც არ უნდა იყოს შენი როლი. ამიტომაც, რომ მომეცა თუ არა შესაძლებლობა, მე უყოყმა-

ნოდ გავხდი მსახიობი. და ვერ წარმომიდგენია ამაზე უფრო ძვირფასი საქმე. მე მსახიობი ვარ და გადაეცით მათ, რომ მსახიობი დავრჩები“.

ლამის ოთხ საათზე საზეიმო ბანკეტი დასასრულს მიუახლოვდა. ჯერი იუბილარის საბოლოო სიტყვაზე მიდგა. ასეთი სიტყვის თქმა კი მეტად ძნელი იყო. რადგანაც ა. სუმბათაშვილი ამისათვის საგანგებოდ მომზადებული არ ყოფილა. ზეიმმა მრავალი მოგონება, მრავალი გრძნობა, ფიქრი და აზრი აღუძრა იუბილარს. ყოველივე ამის თავმოყრა, ერთბაშად გააზრება იოლი როდი იყო.

ა. სუმბათაშვილმა თქვა, რომ იგი ცდილობს საკუთარ თავს მინც აუხსნას, თუ რატომ მოუწყვეს მას ასეთი ბრწყინვალე ზეიმი. რატომ გახდა იგი ღირსი ასეთი დიდი ჯილდოსი და აქ, თქვა იუბილარმა, — მე ვნახე ახსნა: მოსკოვის საზოგადოებრიობა მიესალმა არა ა. სუმბათაშვილს, თავის სიყვარულს უცხედებს არა იუჟინს, არამედ საერთოდ მსახიობს, თეატრალურ ხელოვნებას, როგორც ცხოვრების უმაღლეს სინთეზს, როგორც ცხოვრების ანარეკლს, იმ ხელოვნებას, რომელსაც ცხოვრებაში შემოაქვს უმშვენიერესი გრძნობები, უკეთილშობილესი აზრები. ამის შემდეგ მან ილაპარაკა ადამიანის, როგორც საზოგადოების წევრის დანიშნულებაზე, მის უკეთილშობილეს ვალდებულებაზე ხალხის წინაშე. ყოველი ადამიანი, — თქვა

მან, — ჰიმნს უნდა უმღეროდეს სიცოცხლეს, იყოს მისი საბოლოო გეტი: „სიცოცხლის მოყვარული“
ბა არის წყარო ყველა წარმატებისა, ყოველივე იმისა, რაც მე გავაკეთე“. შემდეგ იუჟინმა აღნიშნა, რომ „მსახიობი არის არა „გამართობი“, არამედ საზოგადო მოღვაწე“. იგი ამაცობს იმით, რომ ხალხი მაღალ გვირგვინს ადგამს თეატრს — ხელოვნებისა და კულტურის ქვეყნობად ამ მაღალ კერას. „და უდიდესი სიამაყე ჩემი, — თქვა ა. სუმბათაშვილმა, — არის ის, რომ მე მსახიობი ვარ“.

სუმბათაშვილის სიტყვებმა, როგორც საბოლოო აკორდმა, ისე დაამშვენა ეს დიდი ზეიმი. ბანკეტის დასასრულს, ა. სუმბათაშვილის თხოვნით მისასალმებელი ღებებები გაეგზავნათ მცირე თეატრის ბრწყინვალე მსახიობ ქალებს — გ. ნ. ფედოტოვასა და ე. კ. ლეშკოვსკაიას, რომლებიც ავადმყოფობის გამო ვერ ღებულობდნენ მონაწილეობას მეგობრის ზეიმში.

იუბილეს დღეებში ა. სუმბათაშვილი განსაკუთრებით გაახარა ქართულ საზოგადოებრიობის მთელი ქართველი ხალხის ყურადღებამ. ეს კარგად ჩანს წერილში, რომელიც მან მოსკოვის ქართველთა საზოგადოების გამგეობის თავმჯდომარის მოადგილეს ივანე თულაშვილს გაუგზავნა: „თქვენ, — სწერდა ა. სუმბათაშვილი, — როგორც მოსკოვის ქართველთა საზოგადოების ორგანიზატორსა და თავმჯდომარის მოადგილეს,

მოგმართავთ მხურვალე, ნათესაური, ძმური სიყვარულით და მადლობით, მხურვალე საბასუხო სალმით იმის გამო, რაც „ჩვენებისაგან“ მე ამ ჩემთვის დიდ დღეებში მხვდა წილად. თბილისიდან ჩემთან გამოგზავნეს ძვირფასი კოტე მესხი, რომელიც 24 იანვარს მცირე თეატრში და 25-ში ლიტერატურულ - სამხატვრო წრეში იყო ჩვენსა და ჩვენს საყვარელ მამულ-დედულის შორის ცოცხალი კავშირის განმსახიერებლად, ცოცხალ კვანძად, ცოცხალ ხმად. ეს ხმა ჩვენი ძვირფასი კურთხეული საქართველოდან მოგვაწოდა არა მარტო მე, არამედ ყველა ჩვენგანს. მე ჩემს თავს თქვენგან არ ვაცალკავებ. მე ვიცი, თუ სამშობლოსადმი და ერთმანეთისადმი რა ღრმა სიყვარულით ვართ ჩვენ გაერთიანებული და რა ბედნიერება იყო ყველა ჩვენთვის ამ ცოცხალი სალმის გაგონება. ვიმეორებ იმას, რაც ვუთხარი ჩვენს კოტეს — „ვკოცნი ძვირფას სამშობლოს მიწას, სისხლით ვარ დაკავშირებული ყოველ მის სიხარულთან, ყოველ მის ტანჯვასთან“. და ყველა ჩვენთაგანისათვის, რომლებიც ამ სიყვარულით ვართ გაერთიანებულნი, ვფიქრობ, გასაგებია რა ბედნიერება და სიამაყე იყო, მეგრძნო ამ დღეებში, რომ ქართველი ვარ, რომ ჩემი დედა-საქართველოსაგან მივიღე დალოცვა, აჰ, სადაც ვმუშაობ და სადაც არც ერთი წუთით არ დამვიწყებია, თუ რომელმა ქვეყანამ გაათხოვა თავისი მზით თავისი შვილის

სიყრმის ოცნებანი. ყველაფერს ვერ ვიტყვი. ჩემი ყოველი ხეობა კანკალებს და ცრემლიც მერჩეული ცრემლს კი ჩვეული არა ვარ. დღე თქვენმა კეთილშობილმა გულებმა, ძვირფასო ძმებო, დაამთავრონ სიტყვით ის, რის თქმაც მე უკვე არ შემწევს. თქვენი მოყვარული და მადლობელი ა. სუმბათაშვილი“.⁸

დასასრულ, რამდენიმე სიტყვა როდენის მიერ შექმნილ ვ. ჰიუგოს ბრინჯაოს პორტრეტზე, რომელიც იუბილარს მიაართვეს.

როგორც ცნობილია, როდენი დიდი ხნის განმავლობაში ოცნებობდა ვ. ჰიუგოს პორტრეტის შექმნაზე. დიდ რომანისტსა და ახალგაზრდა მოქანდაკეს შორის მეგობრული ურთიერთობა დამყარდა. მაგრამ, მიუხედავად ამისა, ვ. ჰიუგომ კატეგორიულად უარყო როდენის წინადადება ნატურიდან პორტრეტის შექმნის შესახებ, მაშინ როდენმა სხვა ხერხს მიმართა — მასთან ყოველი შეხვედრის დროს აკეთებდა მწერლის პორტრეტულ ჩანახატებს. და როდესაც ასეთი ჩანახატები საკმაო რაოდენობით დააგროვა, შეუდგა მის მოდელირებას.

ერთ მშვენიერ დღეს, როდესაც ვ. ჰიუგო მეგობრებთან საუბრობდა, როდენი მოულოდნელად შეიჭრა მასთან ოთახში შტატივითა და თიხით სავსე ვედროთი. როდენი შევარდებოდა ხოლმე სას-

⁸ საქართველოს სსრ სათეატრო მუზეუმი, ფონდი 1, № 2158.

ტუმრო ოთახში, ყურადღებით აკვირდებოდა ვ. ჰიუგოს, იმასხოვრებდა მისი სახის ნაკეთებს, შემდგომ გამორბოდა აივანზე და მოდელში შესწორებები შეჰქონდა.

„მაგრამ, — წერდა შემდგომ როდენი. — ხშირად, სანამ დაზვასთან მივირბენდი, ჩემი შთაბეჭდილებები იმდენად სუსტდებოდა, რომ ვერც კი ვახერხებდი რაიმე გამეკეთებინა და იძულებული ვხდებოდი ხელმეორედ მოვბრუნებულიყავი სასტუმრო ოთახში“. მიუხედავად ამ სიძნელეებისა, როდენი იმდენად გატაცებული იყო თავისი იდეით, რომ სულ მალე შექმნა დიდი რომანისტი სთამაგონებელი პორტრეტი, რომელმაც საყოველთაო აღიარება დაიმსახურა. ცნობილია, რომ ავტორმა 1897 წელს ბრინჯაოში ჩამოსახა ჰიუგოს პორტრეტის რამდენიმე ორიგინალი. მანამდე, 1883 წელს როდენმა მარმარილოში შესრულა ვ. ჰიუგოს პორტრეტი.

ცნობილი ქართველი მოქანდაკე იაკობ ნიკოლაძე, რომელიც 1906-1907 წლებში როდენის სახელოსნოში მუშაობდა და სწავლობდა, თავის მოგონებებში წერდა, რომ ამ პერიოდში როდენი ბევრ დაკვეთას ღებულობდა მსოფლიოს სხვადასხვა ქვეყნიდან. ერთ-ერთი ასეთი დაკვეთა რუსეთიდანაც მოვიდა. ეს იყო ა. სუმბათაშვილი-იუჟინის საიუბილეო კომიტეტის დაკვეთა ვ. ჰიუგოს ცნობილ ბრინჯაოს პორტრეტზე. ამ დღეებში

რუსული გაზეთი „თეატრი“ წერდა: „როცა როდენმა გაიგო, რომ ბიუსტი განკუთვნილია დიდმოღვაწე ლი რუსი მსახიობის ა. იუჟინისათვის, რომელიც საფრანგეთში ცნობილი იყო, როგორც ჰიუგოს პროპაგანდისტი და ინტერპრეტატორი, დიდი მონდომებით შეუდგა ასეთი საპატიო შეკვეთის შესრულებას. ბიუსტი საუცხოოზე საუცხოოა, ვაკეთებულია მთელი ნიჭიერებითა და ოსტატობით.“⁹

აღსანიშნავია, რომ როდენს ჰიუგოს პორტრეტი შესრულებული ჰქონდა ჯერ კიდევ 1897 წელს. მას შეეძლო რუსეთში გაეგზავნა მისი ასლი, მაგრამ ასეთი ნაწარმოები მან არ შეჰკადრა დიდ მსახიობს. როდენმა შექმნა ჰიუგოს ახალი ბიუსტი, რომელიც თავისი მხატვრული ღირსებებით პირველ ვარიანტზე ბევრად მაღლა იდგა. სწორედ ეს ნაწარმოები გადაეცა აღ. სუმბათაშვილს საჩუქრად საიუბილეო საღამოზე.

აღ. სუმბათაშვილი დიდად აღასებდა ფრანგი მოქანდაკის ამ შედეგს; იგი მის სასტუმრო ოთახში იდგა. სამწუხაროდ, დიდი მსახიობის გარდაცვალების შემდეგ ბიუსტი დაიკარგა. 40 წლის განმავლობაში უშედეგოდ ეძებდნენ მას. და აი, 1973 წლის დასაწყისში მას შემთხვევით მიაგნო პუშკინის სახელობის სახვითი ხელოვნების მუზეუმის თანამშრო-

⁹ „ლიტერატურული საქართველო“, 1970 წლის 17 ივნისი.

მელმა სოფიო ღიმიტრის ასულმა რომანოვიჩმა მცირე თეატრის მუზეუმის დაუმუშავებელ ფონდებში.¹⁰ როგორც გამოირკვა, ალ. სუმბათაშვილის სიკვდილის შემდეგ ეს ბიუსტი მუზეუმს საჩუქრად გადასცა დიდი მსახიობის დისშვილმა მ. ა. ბოგულსლავსკა-

იამ. ბიუსტს, რომელზეც  თილია როდენის სახელი, ედუარდო ლი აქვს თითბერის ფურცელი იუბილეო კომიტეტის სამახსოვრო წარწერით. ამჟამად იგი დაცულია მოსკოვის პუშკინის სახელობის სახვითი ხელოვნების მუზეუმის მუდმივ ექსპოზიციაში.

10 „პრაქტა“, 26 აპრილი, 1973 წ.

ქართული სოფლები აფრიკაში?

გაზეთ „სოფლის ცხოვრების“ 1972 წლის 21 ივნისის ნომერში (143) გამოქვეყნდა დ. ფაშტიანის წერილი „საიდან მოხედნენ აფრიკაში?“ ავტორი ეხება გაზეთ „სამშობლოს“ 1971 წლის 10 სექტემბრის ნომერში (17) დაბეჭდილ მიხეილ მამულაშვილის სტატიას „აფრიკელი ქანუყვარ-გუგუნარები“, რომელიც ემყარება სხვადასხვა პირთა ზეპირ გადმოცემებს. ალბათ, სათანადო მასალების უქონლობის გამო მ. მამულაშვილს არ უცდია აეხსნა, როგორ გაჩნდა ქართული დასახლებანი აფრიკაში. სწორედ ამიტომ სავსებით ლოგიკურია დ. ფაშტიანის კითხვა და შევეცდებით მოკლედ გავცეთ მას პასუხი.

ერთ-ერთი სამეცნიერო მივლინების დროს მოვიძიეთ საინტერესო ცნობები თურქი დამპყრობლების მიერ მე-18 და მე-19 საუკუნეებში, მესხეთიდან და აჭარაიდან თურქეთის იმპერიის სხვადასხვა პროვინციებში ქართველთა მასიური გასახლების შესახებ.

სანამ უშუალოდ ქართველების გასახლებას შევხებოდეთ, აუცილებელია ზოგი რამ ვაეჩხსნოთ. მე-16 საუკუნის დასაწყისიდან თურქებმა დაიმორჩილეს თითქმის მთელი არაბული სამყარო და შექმნეს ძლიერი სამხედრო იმპერია,

რომელიც ვადაჭიმული იყო სპარსეთის ყურედან დასავლეთით მაროკომდე. ჩრდილო აფრიკა თითქმის მთლიანად თურქეთის სახელმწიფოს ფარგლებში მოექცა. დაახლოებით იმავე პერიოდში თურქების გავლენა გავრცელდა დასავლეთ საქართველოზე. უფრო მტკიცედ მათ ფეხი მოკიდეს სამხრეთ-დასავლეთ საქართველოში, კერძოდ, აჭარასა და მესხეთში. მე-16 საუკუნიდან თურქეთის იმპერიის ფარგლებში შევიდა ბალკანეთი. იმავე პერიოდში თურქი იანიჩრები გამოჩნდნენ შავი ზღვის ჩრდილო სანაპიროზე და ყუბანის ველებში. მე-17 საუკუნისათვის თურქეთის იმპერიის ფარგლებში მოექცა უზარმაზარი ტერიტორია, დასახლებული სხვადასხვა რწმენისა და ეროვნების მოსახლეობით.

თურქეთის მმართველი წრეები ყოველმხრივ ცდილობდნენ შეენარჩუნებინათ მე-17 საუკუნიდან რღვევის გზაზე მღვარი სახელმწიფოს მთლიანობა. განსაკუთრებით საშიში იყო „დაუმორჩილებელი გურჯების“ ხშირი, ხანგრძლივი სახალხო აჯანყებები, რომლებიც, კერძოდ აჭარაში, თურქების მმართველობის დასასრულამდე არ წყდებოდა. ამიტომ დამპყრობლები პირველი ხელსაყრელი შემთხვევისთანავე ცდილობდნენ, ქართ-

ველები სამშობლოდან გაესახლებინათ იმპერიის შორეულ პროვინციებში.

აქარიდან და მესხეთიდან ქართველების პირველი მასობრივი გასახლება მოხდა 1740 წელს, მეორე — 1752 წელს. 1 თურქებს ქართველები დაუსახლებიათ ლიბანში, ქ. ბეირუთთან ახლოს, სადაწინაც უმრავლესობა შემდეგ სხვადასხვა მიზეზის გამო ჩრდილო აფრიკაში, კერძოდ, ეგვიპტეში, ტუნისში და ალჟირში გადასახლებულა. 1900 წელს „ქობულეთელი კაიკაციშვილი“² ქ. ბეირუთში შეხვედრია ლიბანში მცხოვრებ ქართველებს, რომლებსაც მისთვის უთქვამთ, ქ. ბეირუთში და მის გარეუბნებში 100 ქართული ოჯახი სახლობსო, ხოლო აფრიკაში აქედან და თურქეთიდან ძალიან ბევრი ქართველი წავიდა საცხოვრებლად.³

დამპყრობლები გასახლებული ქართველების ადგილ-მამულზე თურქული წარმოშობის ხალხს ასახლებდნენ. ასეთი ხერხით ისინი ცდილობდნენ გაეტეხათ ქართველობა და საბოლოოდ მოემზადებინათ ნიადაგი მისი ასიმილაციისათვის.

1813 წელს ამ მიზნით თურქებმა, უკვე მერამდენეჯერ, დაიწყეს მესხეთის სოფლებიდან მოსახლეობის მორიგი, ძალდატანებითი, მასობრივი გასახლება. გასახლებული ქართველების აყვავებულ ადგილ-მამულზე მათ ქურთები დაასახლეს. მაგალითად: სოფელ რუსთავიდან გასახლეს ქართველების 60 კომლი და ამდენივე ქურთის ოჯახი ჩაასახლეს მზა-

1 ქართველების გასახლება აფრიკაში. გაზ. „საქართველოს რესპუბლიკა“, № 198, 1919 წ.

2 წყაროში სამწუხაროდ სახელი არ არის მოხსენებული. ჩვენი აზრით, გულო კაიკაციშვილი უნდა იყოს. ცნობილია, რომ ჯერ კიდევ მანამდე, 1868 წელს, 28 წლის გულომ სტამბოლს იმოგზაურა. იხ. აბ. სურგულაძე, გულო კაიკაციშვილი, თბ., 1973, გვ. 7.

3. იხ. გაზ. „საქართველოს რესპუბლიკა“, № 198, 1919 წ.

მზარეულ ადგილ-მამულში; აქედან — 100 ოჯახი, უდედან — 50, ეგრეთვე — 30, ზოგილიდან — 20, სხვაგვარი — 35, ორჭოლოდან — 20, ინდურიდან — 10 და ა. შ.

მესხეთიდან და აქარიდან თურქეთში გასახლებულ ქართველებს იმ პერიოდში ორბითის ხეობაში 43 ქართული სოფელი შეუქმნიათ, სადაც სახლობდა 2.524 კომლი 20.192 სულით.⁴

თურქებმა ქართველების გასახლების ნაცადი ძალმომრეობითი მეთოდი 1877-1878 წლების რუსეთ-თურქეთის ომის შემდეგაც გამოიყენეს. გაზეთი „დროება“ წერდა: დერვიშ-ფაშას ძალით მიყავდა ქობულეთლები ცოლშვილით თურქეთში. ზემო ქობულეთში და აქყვისთავში მან 160 ცხენოსანი ჯარისკაცი გაგზავნა, რათა ძალით გამოერეკათ მცხოვრებლები და თურქეთში გაეგზავნათ. ეს ცნობილი გახდა იმ დროს ქობულეთში დაბანაკებული გრიგოლ გურიელისათვის, რომელმაც გაგზავნა ერთი ბატალიონი ჯარი და აიძულა თურქები უკან დაეხიათ. აწიოკებული ხალხი დაუბრუნდა თავის ოჯახებს.⁵ იმავე დროს „ციხისძირში თურქებს გამოუყრიათ ხალხი სახლებიდან და ძალით ჩაუყრიათ თურქეთში მიმავალ გემში“⁶ უურნალ „ივერიის“ ცნობით, 1878 წლის 28 აგვისტოს სოფელ ქახათში, ქობულეთის ახლოს, 24 თურქი ჯარისკაცი ცდილობდა იარაღის მუქარით, ძალით გამოერეკა მოსახლეობა სოფლიდან და თურქეთში მიმავალ გემში ჩაესხა, მაგრამ ჯარისკაცები სასტიკ წინააღმდეგობას წააწყდნენ და იძულებული იყვნენ ხელცარიელი დაბრუნებულიყვნენ უკან.⁷

ამგვარად, ადგილობრივი სოფლის ღარიბი მოსახლეობა სასტიკად ეწინააღმდეგებოდა მუჰაჯირობას და ყოველმხრივ

4 იქვე; იხ. აგრეთვე ზ. ქვიციანიძე, ქართველ მაჰმადიანთა გადასახლება ოსმალეთში, თბ., 1912, გვ. 107.

5 გაზ. „დროება“, № 190, 1878 წ.

6. გაზ. „დროება“, № 192, 1878 წ.

7 უურნალი „ივერია“, № 4, 1879 წ.

ცდილობდა გამოეცხებნა სამშობლოში დარჩენის საშუალება. ეს კარგად ჩანს ერთ-ერთი იმდროინდელი მაქაბლელი გლეხის სიტყვებიდან: „ჩვენ ვატყუებდით ბეგებს და ხოჯა-მოლებს, რომ წაეყვებოდით ოსმალეთში, მაგრამ ამასთანავე ერთად ჩვენ ვიცოდით, რომ რუსების ხელში ისინი ძველებურად ვეღარ შეგვაწუხებდნენ და ვცდილობდით რამენაირად დაერჩენილიყავით სამშობლოში“ 8

მიუხედავად ამისა, ხოჯა-მოლების და ბეგების აგიტაციის და ძალდატანების შედეგად, რასაც თან დაერთო ომით გამოწვეული ეკონომიური სიძნელენი, მოსახლეობის გარკვეულ ნაწილს მუჰაჯირობა მაინც არ აცდა. სავარაუდოა, რომ 1878 წელს, ისე როგორც 1740, 1752 და 1813 წლებში, თურქებმა გასახლებულთა ნაწილი გადაისროლეს სახელმწიფოს სამხრეთ პროვინციებში, საიდანაც უკვე გზა ხსნილი იყო ჩრდილოეთ აფრიკის არაბული ქვეყნებისაკენ.

რაც შეეხება დ. ფაშტიანის მინიშნებას „მამლუქების პერიოდის“ შესახებ, სადაც სიტყვა „მუჰაჯირობა“ ქართველ ტყვეთა უტყობეთში გაყიდვით აქვს ახსნილი, არაზუსტია. მუჰაჯირობა ხალხთა გადასახლებას, მიგრაციას იწინაუწინებს და არა ცალკეულ, თუ ვინც ტყვეთა ჯგუფურ გაყიდვას უტყობეთში.

გარდა ამისა, მამლუქთა შთამომავლობა ვერ შექმნიდა ქართულ დასახლებებს, მითუმეტეს სოფლებს ჩრდილო აფრიკაში, ვინაიდან ქართველი მამლუქები ვზიარნენ მაჰმადიანურ სარწმუნოებას, შექ-

მნეს გაბატონებული სამხედრო-არისტოკრატიის ფენა და სამშობლოდან დასაერთოდ ქართულ სამყაროდან სრულად მოწყვეტილებმა მერტყვედ მუჰაჯირებს მშობლიური ენა და კულტურა. სხვაგვარად არც შეიძლებოდა. მამლუქი საერთოდ იცავდა გაბატონებული ფენის ინტერესებს სახელმწიფოში.

აღსანიშნავია აგრეთვე, რომ მამლუქები იყვნენ არა მარტო საქართველოს, არამედ იმიერ და ამიერკავკასიის, აგრეთვე თურქულ, სლავურ და ბერძნულ ენოვან ხალხთა შვილები. რაც აბათილებს ვარაუდს ჩრდილო აფრიკაში ქართული სოფლების მამლუქთა შთამომავლობიდან წარმოშობაზე. ჩვენი აზრით, თუ ჩრდილოეთ აფრიკაში ასეთი სოფლები არსებობს, სავარაუდოა, რომ ისინი ქართველი მუჰაჯირების, კერძოდ, მე-18 და მე-19 საუკუნეებში საქართველოდან გასახლებულ და ემიგრირებულ მესხების, აჭარლების და შესაძლოა ლაზების შთამომავლები არიან, რომლებიც ისტორიულმა ბედისუკულმართობამ, საქართველოდან გადახვეწილები არაბულ ქვეყნებში და მათ შორის ჩრდილოეთ აფრიკაშიც მიმოფანტა.

ბოლოს უნდა აღვნიშნოთ, რომ წამოჭრილი საკითხი უაღრესად საინტერესოა. თუ ამჟამადაც დამტკიცდება ქართული დასახლებების არსებობა ჩრდილო აფრიკაში, საქიროთა მათი ღრმა, ყოველმხრივი მეცნიერული შესწავლა მანამ, სანამ ქართული ენა, ყოფა და კულტურა ჯერ კიდევ ცოცხლობს ჩვენს აფრიკელ თანამემამულეებში.

8 დ. წერეთელი, მაჭახელა, გაზ. „დროება“, № 198, 1878 წ.

პაპია ჯორჯენაძე

ზოგიერთი საქითხის ბარკვევისათვის

ქურნალ „ჟორჯის“ 1974 წლის მეხუთე ნომერში დაიბეჭდა ჩემი წერილი „ეპოქა, თეატრი, მაყურებელი“. ავტორს განზრახული ქონდა საერთოდ მიმოეხილა თანამედროვე თეატრის განვითარების ზოგიერთი მთავარი ტენდენცია და გამოეთქვა თავისი მოსაზრება თანამედროვე დრამის განვითარების ზოგიერთ მხარეზე. ამ წერილის საპასუხოდ გამოქვეყნდა ალ. სამსონიას რეცენზია „ერთი წერილის გამო“ („ჟორჯი“, 1974, № 6). რეცენზიის დასაწყისშივე ასეთი უაპელაციო განცხადება გაკეთებული: „წერილში ბევრი მცდარი, ზოგჯერ აურთიერთსაწინააღმდეგო დებულებაცაა გამოთქმული“ (ხაზგასმა ჩემია — პ. ჯ.). რეცენზია საქმოდ გაბრაზებული ტონითაა დაწერილი, რასაც, ალბათ, თავისი მიზეზი აქვს.

საქმე იმაშია, რომ წერილის ავტორი გამოდის ეგრეთწოდებული „ვისტუპლენეცების“ წინააღმდეგ, რომლებმაც „კველაფერი იციან“, მზად არიან ხელოვნების მუშაებს მიაწოდონ „უებარი“

რეცეპტები მალალმხატვრული ნაწარმოების შესაქმნელად და კანონმდებლების როლშიც გამოდიან, ცდილობენ მათ მოახვიონ თავისი მოსაზრებები, რაც გარკვეულ ზიანს აყენებს ხელოვნების, კერძოდ კი თეატრალური ხელოვნების განვითარებას. თეატრის მუშაებზეც ერთობ უნდობლად ეკიდებიან მათ და სწორადაც იქცევიან.

„ვისტუპლენეცობა“ გავრცელებული მოვლენაა. ავტორიც ცდილობს გაემიჯნოს მას და არ ჰყავს მხედველობაში არავითარი ადრესატი „თუნდაც გვარის დაუსახელებლად“, როგორც ეს რეცენზენტს ჰგონია.

თუ კი წერილში ავტორი ცდილობს გაემიჯნოს „ვისტუპლენეცებს“, ამას იმიტომ აკეთებს, რომ მას განზრახული ქონდა დღევანდელი თეატრალური ცხოვრების ზოგადი მიმოხილვისას წამოეყენებია თავისი მოსაზრებები, წინადადებებიც კი, რაც მას „ვისტუპლენეცის“ როლში გამოსვლის საფრთხეს უქმნიდა და ამით თითქოს წინასწარ აფრ-

თხილდება მკითხველებს, განსაკუთრებით კი თეატრის მუშაკებს, რომ იგი გამოდის არა „ვისტუპლენეცის“ პოზიციიდან, არამედ თეატრის ბედით დაინტერესებული მაყურებლის როლში. რამდენადაც ავტორისათვის ცნობილია, მას სწორად გაუგეს.

მგრამ მოხდა უცნაური რამ: „ვისტუპლენეცის“ ზოგიერთმა სრულიად უმართებულად გამოუნახა ადრესატი, ხოლო ალ. სამსონია შეეცადა წერილში დაეძინა „ბევრი მდღარი“, „უერთიერთსაწინააღმდეგო დებულება“.

კინემატოგრაფია, ტელევიზია, თეატრალური დადგენები, პოოფესიული სტატიები და რეცენზიები დიდ სისარგებლო საქმეს აკეთებენ მაყურებელთა ესთეტიკური გემოვნების ჩამოყალიბებაში, კინოფილმებისა და სატელეკულების სწორ გაგებაში, შეფასებაში, მაგრამ ყოველგვარს რომ პოოფესიულ ცოდნას ვერ მისცემს „კოვლისმცოდნე“ „ვისტუპლენეცის“, ვგეტ თავისთავად ცხადია. როგორც ცნობილია, ხელოვნების (მათ შორის დრამატურგიული ხელოვნების) ისტორიისა და თეორიის შესწავლა ათეული წლების დაძაბულ შრომას მოითხოვს, რაც იძლევა ხელოვნების ამა თუ იმ დარგის კანონზომიერებათა, მისი სპეციფიკის სწორი გაგების საშუალებას. სწორედ ამისთვის არსებობს სპეციალური საშუალო და უმაღლესი სასწავლებლები, სპეციალური დაწესებულებანი, მონოგრაფიები, მრავალტომიანი შრომები, რომელთაც ისევე უნდა დასწავლა, როგორც სხვა ნებისმიერ მეცნიერებას. მიუხედავად, პროფესიული სტატიები და რეცენზიები მაყურებლებს, მათ შორის „ვისტუპლენეცისა“ აძლევს მხოლოდ დილეტანტურ ცოდნას. ამ თვალსაზრისით დილეტანტში საკმაოდ დადებითი ცნებაა და არც ისეთი საკინებელი, როგორც ეს რეცენზენტს აქვს ვაგებული. კერძოდ. გერმანელებს დილეტანტის ცნების კარგი, შესაბამისი სიტყვა აქვთ: *der Halbkenner* „ნახევარმცოდნე“ (ყოველ შემთხვევაში, „ნახევარმცოდნე-

ობა“ მაინც სჯობს სრულ უცოდნობას). ე. ი. მაყურებლისათვის მის გარკვეულ ესთეტიკურ დონესთან ერთად ეს დილეტანტიზმი საკმარისია, მაგრამ სახსენებო არასაკმარისი „ვისტუპლენეცისათვის“ ვგეტ ვიღაც „ყოვლის მცოდნე“ უცნობისაა. უნდა აღვნიშნავთ, რომ დილეტანტიზმში, ხოლო რეცენზენტს ავტორის სწორი მსჯელობა დაუმახინჯვია და თანაც ეს ალოგიკურობა მისთვის მიუწერია. თუ კი თვით „ვისტუპლენეცი“ თავის გამოსვლებაში ავლენს დილეტანტიზმს, რეცენზენტის გამოთქმა რომ ვიხმაროთ, წერს „დილეტანტურ სტატიებსა და უნიჭო რეცენზიებს“, მაშინ როგორ შეიძლება ისეთი დასკვნა ვაკეთებოთ ვტორს, როგორც ეს რეცენზენტს შეუთხზავს: „თურმე საკმარისია პროფესიული სტატიებისა და რეცენზიების ნაცვლად არაპროფესიული, დილეტანტური, უნიჭო სტატიები და რეცენზიები დაიბეჭდოს და „ვისტუპლენეცი“ უმაღლე გაქრება“.

თავის წერილში ავტორს აქვს ასეთი გამოთქმა: „ხელოვნების ისეთი პოპულარული დარგები, როგორცაა კინემატოგრაფია, ტელედადგმები და ტელეფილმები“. რეცენზენტი ჩასკიდებია ამ გამოთქმას და ვაოცებული კითხულობს: „როდის გამოეყო კინემატოგრაფიას ხელოვნების ცალკე დარგად ტელეფილმები ან როდის ვახდა ტელედადგმები ასევე ხელოვნების ცალკე დარგი“.

ვერ ერთი რეცენზენტს აქ აურევია ერთმანეთში ორი სხვადასხვა ცნება. ტელეფილმები და ტელედადგმები თითოეული ცალ-ცალკე ხელოვნების სხვადასხვა დარგად გაუგია და „ვერ ამჩნევს“, რომ აქ მოცემულია ორი ცნება: კინემატოგრაფია და ტელედადგმები და ტელეფილმები, ე. ი. ლაბარაკია ხელოვნების ორ დარგზე — კინემატოგრაფიისა და ტელეხელოვნებაზე, და თუ თავის წერილში ავტორს არ გამოუყენებია ტერმინი „ტელეხელოვნება“, მხოლოდ იმიტომ, რომ ქართულ ხელოვნებათ-

მცოდნეობაში მას იგი ჯერ-ჯერობით არ შეხვედრია და ამიტომაც თავის თავზე ვერ აიღო შემოეტანა ეს ტერმინი. თანაც ავტორს არ დაუსვამს ასეთი საკითხი: შეადგენს თუ არა ტელეფილმები და ტელედადგმები ხელოვნების ცალკე დარგს.

ტელეფილმებმა და ტელედადგმებმა, ე. ი. ტელეხელოვნებამ დიდი ხანია მოიპოვა მოქალაქეობრივი უფლება და გახდა თანამედროვე ხელოვნების ერთ-ერთი დარგი, იქცა ესთეტიკურ მოთხოვნილებათა დაკმაყოფილების ყოველდღიურ „მექანიკურ სამომხმარებლო საშუალებად“. ეს დადგენილი და შეგნებული აქვთ არა მარტო ხელოვნების თეორეტიკოსებს, არამედ ხელოვნების პრაქტიკოსებსაც — რეჟისორებს, რეცენზენტებს, მიმოხილველებს და სხვა.

ამავე საკითხს მიეძღვნა არა ერთი საკმაოდ ვრცელი მონოგრაფია თუ სტატია. პირველ რიგში უნდა დავასახელოთ წიგნი: Edward Fischer. The screen arts. A guide to film and television appreciation. New York, 1960.

როგორც ვხედავთ, აქ ცალ-ცალკეა განხილული ეკრანთან დაკავშირებული დარგები ხელოვნებისა: კინემატოგრაფია და ტელეხელოვნება (the screen arts). თანაც ეს წიგნი გამოქვეყნებულია 1960 წელს, ე. ი. 15 წლის წინათ.

საერთოდ ცნობილია, რომ, როცა რაიმე მეცნიერული დებულება საყოველთაოდ აღიარებული და მიღებული ხდება, ამის შემდეგ იგი შედის სახელმძღვანელოში, და რომ ტელეხელოვნება ხელოვნების ცალკე დარგია, ეს კარგადაა ნაჩვენები ისეთი ცნობილი საბჭოთა მეცნიერის წიგნში, როგორცაა მ. ს. კაგანი (იხ. М. С. Каган, Лекции по марксистско - ленинской эстетике, Ленинград, 1971).

თუ რატომაც ტელეფილმები და ტელედადგმები (ტელესპექტაკლები) ხელოვნების ცალკე დარგი — ტელეფილმება, ეს საკმაოდ გასაგებად მოგვიჩვენებს ული ამ სახელმძღვანელოს 392-ე გვერდზე, საიდანაც მოვიყვანთ ვრცელ ამონაწერს:

«Художественная фотография нередко подражает живописи, а художественное телевидение — театру и киноискусству. Показательна в этом смысле даже терминология: произведения юного телеискусства мы называем то «телефильмом», то «телеспектаклем» (ხაზგასმა ჩვენია) и действительно видим обычно на голубом экране приспособленные для него спектакли и фильмы... И практики, и теоретики все более ясно ощущают, что полноценная телевизионная постановка — это не спектакль и не фильм, а нечто третье». შემდეგ კი საკმაოდ დამაჯერებლადაა ნაჩვენები, თუ რატომ განსხვავდება ტელეფილმები კინოფილმებისაგან, ხოლო ტელესპექტაკლი თეატრალური დადგმისაგან.

მამასადამე, ლაბარაკია არა ხელოვნების ახალი დარგების რომელიმე დარგიდან გამოყოფაზე, არამედ „მიბაძეაზე“, სხვა დარგის მხატვრულ-გამომსახველობითი რესურსების გამოყენებაზე. რეცენზენტის გამოთქმა კი „როდის გამოეყო კინემატოგრაფიას ხელოვნების ცალკე დარგად ტელეფილმები“, ისევე მცდარია, რომ დასვა კითხვა „როდის გამოეყო კინემატოგრაფია ფოტოგრაფიას?“ აქი ერთი უძრავი კადრი ფოტოა, მრავალი მოძრავი კადრი კი ფილმი, თანაც ორივე ძირითადად ერთსა და იმავე ტექნიკურ აღჭურვილობას იყენებს. საქმე იმაშია, რომ კინემატოგრაფია „თვისობრივად“ განსხვავდება ფოტოგრაფიისაგან და ხელოვნების ცალკე დარგს წარმოადგენს.

რეცენზენტს არ მოსწონს ხელოვნების თეორიაში, კრიტიკულ სტატიებში კინემატოგრაფიისა და ტელეხელოვნებ-

ის მიმართ გამოყენებული გამოთქმა „მეჭანაყური სამომხმარებლო საშუალება“, რაც, ალბათ, ხელოვნების ამ დარგებისადმი დამამცირებლად მიუჩნევა. ზერ ერთი, ეს გამოთქმა ავტორს არ ეკუთვნის. ამ შემთხვევაში იგი დაეზიარა გამორჩენილ პოლონელ რეჟისორსა და მსახიობს თავდუშ ლომინაის (იხ. „Литературная газета“, 8 აგვისტო, 1973 წ.) ამ გამოთქმაში ნაგულისხმევი ის ხერხი, „საშუალება“ (კინოკრანი, ასევე ცისფერი ეკრანი, კინოფირის ამამოძრავებელი და გამხმოვანებელი კონსაბროექციო აპარატი, ე. ი. მხატვრული ნაწარმოების გამაცოცხლებელი მეჭანაზმი), რომლის შეშვეობით მაყურებელამდე დაკავთ ფირზე აღბეჭდილი ხელოვნების ესა თუ ის ქმნილება და მისი მხატვრულ-ესთეტიკური ღირებულება, რა თქმა უნდა, განზოგადდება არა ამ „მეჭანაყური საშუალებით“, არამედ თვით ნაწარმოების იდეურ-მხატვრული დონით.

თავის სტატიაში ავტორი არ ეხება მსოფლიოს ყველა კი არა, თუნდაც რამდენიმე თეატრს, არამედ მოკლედ მიმოიხილავს თანამედროვე დრამის განვითარების ზოგიერთ ტენდენციას, თანამედროვე თეატრის და მაყურებლის ურთიერთმიმართების ზოგიერთ საკითხს და საერთო მსჯელობისას გამოყენებული აქვს ასეთი წინადადებაც — „მსოფლიოს ყველა თეატრში ამჟამად მიმდინარეობს ახალი მხატვრულ-გამომსახველობითი საშუალებების ძიება და მათი დამკვიდრება სცენაზე“, ხოლო რეცენზენტს განუზრახავს მკითხველს წარმოუქმნას წარმოდგენა, თითქოს წერილის ავტორი მსოფლიოს ყველა თეატრის ცოდნის უსაფუძვლო პრეტენზიას აცხადებს (მსოფლიოს ყველა თეატრის ცოდნა თავისთავად აბსურდია, რაზეც უჭრადლება უნდა მიექცია რეცენზენტს). მაშასადამე, მხოლოდ ერთ ფრაზაშია გამოყენებული „ყველა თეატრი“ და ისიც ასეთ კონტექსტში: „მსოფლიოს ყველა თეატრში ამჟამად მიმდინარეობს ახალი მხატვრულ-გამომსახველობითი

საშუალებების ძიება და მათი დამკვიდრება სცენაზე“, რაზეც რეცენზენტი რაონიულად შენიშნავს: „ძნელეა ამის თქმა, რა ხდება დღეს მსოფლიოში“ (ხაზგასმა რეცენზენტისაა) თეატრში...“

აქ ავტორი მხოლოდ და მხოლოდ აღნიშნავს ფაქტს, რომ თანამედროვე თეატრში, მსოფლიოს რომელ ქვეყანაშიც არ უნდა იყოს იგი, ხდება ახალი მხატვრულ-გამომსახველობითი საშუალებების ძიება და მათი დამკვიდრება სცენაზე, რაც თანამედროვე თეატრის განვითარების ძირითადი ტენდენციაა, რომლის გარეშეც მას არ შეუძლია არსებობა და რა საჭიროა იცნობდეს მსოფლიოს ყველა თეატრის საქმიანობას იმისათვის, რომ ხაზი გაუსვა ზემოთ აღნიშნულ ფაქტს. სომერსეტ მოემისა არ იყოს, რა საჭიროა მთელი ცხვარი შექაში იმის გასაგებად, რომ ცხვარის ხორცი გემრიელია.

დავუბრუნდეთ რეცენზენტის შენიშვნას: „ძნელია იმის თქმა, რა ხდება დღეს მსოფლიოს ყველა თეატრში, მაგრამ ჩვენ ამჟამად სხვა სტილისტურ უხერხულობაზე მივაქცევთ მკითხველის ყურადღებას — მსოფლიოს თეატრებიდან პირდაპირ ბათუმის თეატრზე უაზრადობდ არ უნდა გადავსულიყავით“.

როგორც აღვნიშნეთ, წერილში არ არის ლაპარაკი მსოფლიოს თეატრებზე, არამედ მიმოხილულია თანამედროვე თეატრის, თანამედროვე დრამის განვითარების ზოგიერთი ძირითადი ტენდენცია და საერთო მსჯელობაში ჩართულია ბათუმის თეატრიც, რამდენადაც წერილში, ფაქტიურად, ლაპარაკია ამ თეატრის ავ-კარგზე, და აქ არავითარი „სტილისტური უხერხულობა“ არ გვაქვს. მაგრამ საქმე იმაშია, რომ რეცენზენტს თითქოს ეშინია, ბათუმის თეატრიც არ ჩადგეს მსოფლიოს თეატრების რიგში. მაგრამ, რაც არ უნდა ითქვას ბათუმის თეატრზე, იგი მაინც მსოფლიოს თეატრების ერთ-ერთი მცირე, მაგრამ მაინც შემადგენელი ნაწილია, ხოლო თანამე-

დროვე თეატრალური ცხოვრების ზო-
გიერთი ტენდენციის მიმოხილვისას იგი
ღირსია ხსენებისა, თუნდაც უაპაჩოდ.

რეცენზენტს ჰგონია, რომ წერილის ავ-
ტორი გამოდის ბათუმის თეატრის ხელ-
მძღვანელობის სახელითაც, როცა იგი
ეხება თეატრის პრეტენზიებს მყუერბ-
ელთა მიმართ. მაგრამ წერილის ავტორი
ეხება არა თეატრის ხელმძღვანელობის
პრეტენზიებს, არამედ საერთოდ თეატრ-
ის, სადაც არ უნდა იყოს იგი, კერძოდ
ბათუმის თეატრის პრეტენზიებს თეატ-
რის ბედისადმი მყუერბლის გულგრი-
ლობის გამო.

თავის წერილში ავტორი აღნიშნავს,
რომ ახალგაზრდობას დიდი წვლილი
შეაქვს თანამედროვე დრამის განვითარ-
ებაში და ასახელებს ინგლისის, გერ-
მანიის დემოკრატიული რესპუბლიკის
და განსაკუთრებით პოლონეთის თე-
ატრს. რეცენზენტს ხაზგასმით გამოუყ-
ვია „განსაკუთრებით პოლონეთში“ და
გაოცებული კითხულობს: „სად, მსოფ-
ლიოს რომელ ქვეყანაში არ შეაქვს ახ-
ალგაზრდობას „საკმაოდ დიდი წვლი-
ლი თანამედროვე დრამის განვითარება-
ში“ (ხაზგასმა რეცენზენტისა). თქვენ
წარმოიდგინეთ, კომედიის განვითარ-
ებაშიც შეაქვს“.

„განსაკუთრებით პოლონეთში“ ხაზ-
გასმული აქვს რეცენზენტს იმიტომ,
რომ მას მხედველობაში აქვს ის, რომ
წერილის ავტორი პოლონეთში არ ყო-
ფილა და საიდან იცის პოლონეთის თე-
ატრის ამბავი (საკმაოდ პრიმიტიული
ბრალდება!). თუ კი ავტორმა ასენა
ინგლისის, გდრისა და განსაკუთრებით
პოლონეთის თეატრი, ეს იმიტომ, რომ
მას მოეპოვება გარკვეული მასალა ამ
თეატრების შესახებ, რაც უფლებას აძ-
ლევს აღნიშნოს (მხოლოდ აღნიშნოს)
ახალგაზრდობის როლი ამ ქვეყნების
თეატრალურ ცხოვრებაში, თანაც ერთობ
საქვეოა რეცენზენტის უაპელაციო გან-
ცხადება იმის თაობაზე, რომ მსოფლი-

ოს ნებისმიერ ქვეყანაში ახალგაზრდო-
ბას შეაქვს „საკმაოდ დიდი წვლილი თ-
ანამედროვე დრამის განვითარებაში“.
რამდენიც ენებათ არის ქვეყნებისა,
თანამედროვე დრამა ვერ ვითარდება
ინტენსიურად და ახალგაზრდობასაც
ვერ შეაქვს მცირე წვლილიც კი მის გა-
ნვითარებაში (თუნდაც ახალგაზრდა გა-
ნვითარებადი ქვეყნები) ან ახალგაზრდ-
ობას საერთოდ არ სცალია თანამედრო-
ვე დრამის განვითარებისათვის, რადგან
მის წინაშე სულ სხვა ამოცანები დგას.

მეტად საგულისხმოა რეცენზენტისეუ-
ლი „შესწორებაც“ ავტორისეული აზ-
რისა: „თქვენ წარმოიდგინეთ, კომედიის
განვითარებაშიც შეაქვს“. ვინც ხელოვ-
ნების, კერძოდ ლიტერატურის თეორია-
ში ოდნავ ჩახედულია, იცის, რომ არ-
სებობს სამი ლიტერატურული გვარი:
ეპოსი, ლირიკა და დრამა, და რომ ლი-
ტერატურული გვარის „დრამის“ ცნება-
ში შედის საკუთრივ დრამაც, როგორც
ლიტერატურული სახე (ჟანრი) სხვა ქა-
ნრებთან— ტრაგედიასთან, კომედიას-
თან, ფარსთან, ვოდევილთან და სხვას-
თან ერთად. ე. ი. როცა ლაპარაკია „თა-
ნამედროვე დრამაზე“, მასში ნაგულის-
ხმევია კომედია, ტრაგედია, ვოდე-
ვილიც და სხვა დრამატული ქანრები,
რომლებიც თანამედროვე ეტაპზე სულ
სხვა ხასიათს იღებენ, ვიდრე ეს იყო გა-
სულ საუკუნეებში. მაშასადამე, ავტორ-
ისათვის და საერთოდ თეატრალური
კრიტიკისათვის „თანამედროვე დრამა“
იგივეა, რაც „თანამედროვე დრამატურ-
გია“ ყველა მისი ქანრით (მათ შორის
კომედიითაც). ასე რომ, ზემოთ აღნიშ-
ნული „შესწორება“ ცოტა არ იყოს უა-
დგილოა.

რეცენზენტი კვლავ „გაკვირვებუ-
ლია“, რომ წერილის ავტორი ისევ პო-
ლონეთის თეატრს ასახელებს და ერთ-
გან ირონიულად შენიშნავს: „არ გა-
მოვედევნებთ სტატიის ავტორის კომ-

რალურ ინსტიტუტს საუკეთესო კადრების შერჩევაში.

განსაკუთრებით აღშფოთებულია რეცენზენტი, როცა ლაპარაკია თეატრალურ ინსტიტუტზე. მას საგანგებოდ ამოუწერია და ხაზი გაუსვამს ავტორის გამოთქმისათვის „საჭიროა კი საერთოდ თეატრალური ინსტიტუტი?“ (შეხედეთ, წერილის ავტორი ამას რას ამბობსო!) და ირონიულად შენიშნავს: „ავტორი უფრო შორს მიდის და ასეთ „გაბედულ“ კითხვასაც სვამს“. აქაც იგივე მეთოდია: კონტექსტიდან ფრაზის ამოგლეჯის მეთოდი.

წერილის ავტორი გულნატყენია იმის განთ, რომ სამსახიობო ოსტატობის დონე არ შეესაბამება თანამედროვე დრამის განვითარების დონეს (მაშინ როდესაც თანამედროვე პირობებში იგი განუხრელად უნდა იზრდებოდეს), რომ ქართული თეატრის სცენა თანდათანობით იცლება, ხოლო საიმედო შევსება აღარ ჩახსნ. რა თქმა უნდა, ეს საგანგაშო და დამაფიქრებელია (ყოველ შემთხვევაში ავტორის ასე მიაჩნია და არც ამ მოსაზრებას და არც სხვა მოსაზრებებს არავის თავს არ ახვევს). მაშასადამე, ავტორი სკეპტიკურად უყურებს თეატრალური ინსტიტუტის საქმიანობას (და არა მისი ყოფნა-არყოფნის საკითხს, რაც მას ფიქრადაც არ მოსვლია და რისი უფლებაც არ აქვს) და რესპუბლიკის წამყვან თეატრებთან სტუდიების შექმნას, ე. ი. სტუდიებისაკენ დაბრუნებას გვეთავაზობს, რამდენადაც სწორედ სტუდიების სახელთანაა დაკავშირებული ქართული თეატრის აღმავლობა. თანაც, როგორც ცნობილია, დაბრუნება უკვე ნაცადი, შემოწმებული მოგონებისაკენ ძველი ფორმით არ ხდება, ე. ი. ამ შემთხვევაში, სტუდიებისაკენ დაბრუნება თეატრალური ინსტიტუტის გაუქმებას როდი ნიშნავს.

ავტორი ერთ ადგილას აღნიშნავს, რომ „...თვით თეატრის ხელმძღვანელობა იძულებულია აღიაროს, რომ თეატრის რეპერტუარი გავსებულია გარეშე და

ადგილობრივი დრამატურგების იდეურად და მხატვრულად არასრულყოფილი პიესებით“. თუმცა ავტორი იყენებს თეატრალური ინსტიტუტის ხელმძღვანელობის განცხადებას „ადგილობრივი“ და „გარეშე“, მაგრამ რეცენზენტს არ მოსწონს ასეთი დაყოფა ავტორებისა და აცხადებს: „განა შეიძლება დრამატურგების დაყოფა გარეშე და ადგილობრივ ავტორებად? ჩვენი აზრით, არიან მხოლოდ კარგი და ცუდი დრამატურგები, ისევე როგორც არიან კარგი და ცუდი რეჟისორები, კარგი და ცუდი რეცენზენტებიც“ (ხაზგასმით რეცენზენტისა). ეს მხოლოდ თეორიულად. სინამდვილეში კი არიან როგორც „ადგილობრივი“, ისე „გარეშე“ ავტორებიც და პერიფერიულ თეატრებში, ეს არცაა გასაკვირი, უპირველეს ყოვლისა, იდგმება „ადგილობრივი“ ავტორის პიესა. ასეა ჩვენთან, ასეა სხვა რესპუბლიკებშიც. ეს არის გზა „ადგილობრივი“ ავტორის რესპუბლიკურ, საკავშირო და საერთაშორისო ასპარეზზე გამოსვლისა. რამდენ ამჟამად ცნობილ დრამატურგს გაუვლია ეს გზა.

თუ რეცენზენტის ლოგიკას გავყვებით, მაშინ თეატრებს ძალზე ვაუაღვიდებდათ თავიანთი რეპერტუარების შედგენა: იმ ავტორებისაგან რომლებიც „ეუღლის“ კატეგორიაში გადიან, საერთოდ არ მიიღებენ პიესებს და „გამადიდებენ“ რეპერტუარს „კარგი“ ავტორების ნაწარმოებებით.

ავტორის წერილში გვხვდება ასეთი გამოთქმა: თეატრი „მეყურებელს განმუხტავს ემოციური სტრესისაგან“, რაც რეცენზენტს სადაოდ გაუხდია.

ტერმინ „სტრესს“ არც ისე დიდი ხნის ისტორია აქვს: ქართულ ენაზე შედგენილ „უცხო სიტყვათა ლექსიკონის“ მხოლოდ უკანასკნელ გამოცემაში გამოჩნდა სიტყვა „სტრესი“.

მაშასადამე, „სტრესი“ სულ ახლახან გამოჩნდა ქართულ ენაზე და საჭიროა ამ ცნების სწორი გავება, თავიდან რომ ავიცილოთ რეცენზენტისეული „შესწორება“.

ჯერ ერთი, ინგლისური სიტყვა stress უშუალოდ არ ნიშნავს „დაძვას“, „დაძაბვას“, როგორც ეს „უცხო სიტყვათა ლექსიკონში“ მითითებული. მისი პირველადი მნიშვნელობაა „ხაზის გასმა“, „მახვილის დასმა“. „გამოყოფა“ და სასაუბრო ინგლისურში იგი არ აღნიშნავს „დაძაბულობას“. მხოლოდ მეორადი მნიშვნელობით, „დაძაბულობის“ მნიშვნელობით იგი გამოიყენება საერთოდ ტექნიკაში, კერძოდ კი ელექტროტექნიკაში. სწორედ ამ მნიშვნელობით იხმარა ეს სიტყვა ცნობილმა კანადელმა პათოფიზიოლოგმა და ენდოკრინოლოგმა მონრეალის უნივერსიტეტის პროფესორმა ჰანს ჰუგო ბრუნო სელიემ, რომელმაც შემოიღო ადაპტაციური სინდრომის — ე. წ. სტრეს-რეაქციის ცნება და გულისხმობს ფიზიოლოგიურ მოვლენებს, ე. ი. ლაბარკია სტრესორებზე (ვაშლიზიანებლებზე, როგორცაა შიმშილი, სიცივე, ტრავმა და სხვა), რომლებიც იწვევენ სტრესის რეაქციას, ორგანიზმის დაძაბულობას. ჩვენ არ გამოვდევნებით სელიეს მოძღვრების მნიშვნელობას ფიზიოლოგიის დარგში, და ეს საჭიროც არ არის. მხოლოდ აღვნიშნავთ, რომ სელიემ მედიცინაში პირველმა შემოიღო ტერმინი „სტრესი“, მაგრამ ამ ბოლო ხანებში ტერმინმა ფიზიოლოგიიდან გადაინაცვლა ფსიქოლოგიის დარგში და მიიღო სხვა მნიშვნელობა: თუ კი სელიე საერთოდ გამოიყენებდა თავისი მოძღვრებიდან ყოველგვარ ემოციას და ყველაფერი წმინდა ფიზიოლოგიურ პროცესებად დაქაავს, „სტრესი“ ფსიქოლოგიაში უკვე გამოხატავს ემოციური პროცესების ერთ-ერთ სახეს — ემოციურ დაძაბულობას. ამის დასადასტურებლად მოვიყვანთ ორ აონანწერს.

«Особое место среди эмоциональных процессов занимают состояния стресса, т. е. эмоциональной напряженности (ხაზგასმა ჩვენია) создаваемой такими факторами, как опасность, связанная с выполняемой деятельностью, аварийные ситуации, повышенная опасность, острая пере-

грузка, возникающая в условиях дефицита времени и т. п.» (იხ. «Философская энциклопедия», Москва 1970, ст. 555.)

«Стресс—это такое эмоциональное состояние (ხაზგასმა ჩვენია) которое вызывается неожиданной обстановкой, стрессовыми состояниями будут действия в условиях риска, необходимость самостоятельно принимать быстрое решение, мгновенные реакции при опасности, поведение в условиях неожиданно меняющейся обстановки». (იხ. Общая психология, 2-е издание, Москва, 1973, ст. 282).

ამ ბოლო დროს კი სტრესის, როგორც ემოციური მდგომარეობის, ემოციური დაძაბულობის ცნება კიდევ უფრო განიცდო. მასში გულისხმობენ აგრეთვე ოჯახურ, სამსახურებრივ კონფლიქტებსაც, თანამედროვე ქალაქების აჩქარებული რიტმის დამთრგუნველ ზემოქმედებასაც, ე. ი. ყოველივე იმას, რაც იწვევს ადამიანის ფსიქიკურ გადაღლას, გადატვირთვას, ემოციურ დაძაბულობას. მაშასადამე, არა მარტო ფსიქოლოგები, არამედ სოციოლოგებიც, ესთეტიკის დარგის მუშაკებიც სიტყვა „სტრესი“ იყენებენ მხოლოდ და მხოლოდ ემოციური დაძაბულობის მნიშვნელობით.

თავისი შენიშვნის მეორე ნაწილში რეცენზენტი ამბობს: „ჩვენ გვჭერა, კონტექსტში ავტორი მხოლოდ და მხოლოდ ემოციურ დაძაბულობას გულისხმობს... თუკი ავტორი თვითონ წერს და რეცენზენტსაც მისგან ამოუწერია გამოთქმა „ემოციური სტრესი“, რაღა ხაზგასამეღია, რომ ავტორი მხოლოდ და მხოლოდ ემოციურ დაძაბვას გულისხმობს.“

შემდეგ კი რეცენზენტს ასე „შუესწორებია“ ავტორის აზრი: „მაგრამ მაშინ საკითხავია, თეატრმა ემოციური დაძაბვისაგან მაყურებელი უნდა განუშტოს თუ პირიქით, დამუშტოს?“

უცნაურად დასმული კითხვაა; თუ ემოციური დაძაბულობა ადამიანის ფსიქიკის პათოლოგიური (ე. ი. ავადმყოფური)

მოვლენა, თეატრმა იგი უნდა გამოიყვანოს ამ დაძაბულობიდან, ამ ფსიქიურ გონებრივობისაგან თუ კიდევ უფრო დაძაბოს, „დააყვადოს“?

საქმე იმაშია, რომ ხელოვნების ნაწარმოები, კერძოდ კი სპექტაკლი, ამოღებულად ადამიანის გრძნობებს, აკეთილშობილებს მას, შეჰყავს ემოციების სამყაროში. სწორედ კეთილშობილური გრძნობები, სასიამოვნო, კეთილმოყვებელი ემოციები „ავიწროებენ“, „გამოდევნიან“ არასასიამოვნო, უარყოფით ემოციებს, გამაკეთილშობილებელი „აღზნება“ მკითხველისა თუ მსყურებლისა გამოთავისუფლებს მას დამთრგუნველი ფსიქიური ძალებისაგან, ემოციური დაძაბულობისაგან. ჭერ კიდევ არისტოტელე თვის „პოეტიკაში“ ლაპარაკობდა იმის შესახებ, რომ ტრაგედია „განწყმენდს“, ე. ი. აკეთილშობილებს გრძნობებს, რასაც იგი აღნიშნავდა ტერმინით „კათარზისი“. არისტოტელე ხაზს უსვამდა იმ კმაყოფილებას, რომელიც წარმოიშეება კათარზისის დროს. ეს მოვლენა იმდენად დაკავშირებული იყო ადამიანის გრძნობათა, ემოციათა სფეროსთან, რომ არისტოტელეს ბევრი კომენტატორი, მათ შორის იაკობ ბერნაისი, კათარზისის მოძღვრების წარმოშობას ეძებს მედიცინის სფეროში, კერძოდ მხედველობაში აქვს რელიგიური მკურნალობა. ჩვენ დაწვრილებით არ შეგვხვებით ბერნაისის თეორიას, მაგრამ აქ ჩვენთვის საინტერესოა ის, რომ ჭერ კიდევ არისტოტელეს მიახნდა, რომ მხატვრული ნაწარმოები (ტრაგედია) კეთილმოყვებულ ზეგავლენას ახდენს ადამიანის ფსიქიკაზე. ანალოგიური მოვლენასთან გვაქვს საქმე, როცა ვლაპარაკობთ ემოციური სტრესისაგან გამოთავისუფლებაზე, „განმუხტვაზე“. ყოველგვარ თეორიას თავი რომ დავანებოთ, ნებისმიერ მსყურებელს შეუძლია ეს მოვლენა გამოცადოს თავის თავზე: როცა „ცუდი“ განწყობილებით, ემოციური სტრესის ზეგავლენის ქვეშ მყოფი მიდინარე კარგ სპექტაკლზე, როგორ „მსუბუქად“, ლაღად, თავისუფლად

გრძნობ თავს იმ კეთილმოყვებელი ემოციების შედეგად, რაც მიიღე მალევე. სწორედ ემოციური სტრესისაგან, ემოციური დაძაბულობისაგან „განმუხტვაზე“ აქვს საუბარი ავტორს და აქ არაფერია შუაშემა ის ფიზიოლოგიური სტრესი, რომელიც რეცენზენტს „უცხო სიტყვათა ლექსიკონიდან“ ამოუწერია.

სპექტაკლ „ჭრილობასთან“ დაკავშირებით რეცენზენტს წერილიდან ამოუღია ერთი ამონაწერი, სადაც ავტორი აღნიშნავს, რომ „გულწრფელად, ახალგაზრდული უშუალობითა და გატაცებითა დაწერილი პიესა „ჭრილობა“, „მაგრამ ახალბედა დრამატურგი გამოდევნება იაფფასიან ეფექტებს, უცდია გარკვეულიყო ისეთ საკითხებში, როგორცაა მკვლელობის მიზეზი და მკვლელის ფსიქოლოგია, რისთვისაც, სამწუხაროდ, თავი ვერ გაურთმევია. ამიტომაც სპექტაკლში საკმაოდ ბევრი მოგონილი, ფსიქოლოგიურად შეუმზადებელი ადგილია“. რეცენზენტის აზრით, თურმე, თუ პიესა „გულწრფელად, ახალგაზრდული უშუალობით და გატაცებითა დაწერილი, არ შეიძლება მას ხარვეზი ქონდეს: „თუ კი პიესას, წერილის ავტორის მტკიცებით, ამდენი ხარვეზი აქვს, განა შეიძლება იგი „გულწრფელად, ახალგაზრდული უშუალობით და გატაცებით“ დაწერილი იყოს და „მეტად საგულსხმო მოვლენად“ მივიჩნიოთ? (ხაზგასმა რეცენზენტისა). რეცენზენტი რატომ არ უყვირდება, რომ „გულწრფელად“ (ე. ი. როგორც ეს წამს და სჯერა ახალბედა დრამატურგს), „ახალგაზრდული უშუალობით და გატაცებით“ (ე. ი. ახალგაზრდული მიაშიტობით, გამოცდილების უქონლად) დაწერილ პიესაში იქნება ხარვეზები, მით უმეტეს, რომ მათ თანამედროვე გამოცდილი დრამატურგებიც კი ვერ აღწევენ თავს, და თეატრალურ რეცენზიებში შაბლონადაც კია ქცეული სპექტაკლის წარმატებასთან ერთად აღინიშნოს მისი სუსტი

მხარეებიც, რაც არც თუ ისე იშვიათია ახლანდელ სპექტაკლებში.

რაც შეეხება გამოთქმას „მეტად საგულისხმო მოვლენაა“, ეს ფრაზა კონტექსტიდან ხელოვნურად ამოგლეჯილია, რათა დამახინჯებულად წარმოუდგინოს მკითხველს იმ აზრით, თითქოს ავტორს ხშირ ვაგვისას სპექტაკლის დიდი წარმატებისათვის, რაც ავტორს არსად არ აღუნიშნავს (ამაში თვით რეცენზენტი დემოწმება მის მიერ კეთილსინდისიერად ამოწერილი ნაწყვეტით, სადაც ლაპარაკია პიესისა და სპექტაკლის მეტად სერიოზულ ნაყოფიანებაზე). მაინც რა „საგულისხმო მოვლენაზე“ ლაპარაკი? მოვიყვანოთ ამონაწერს წერილიდან, რომელიც რეცენზენტს ვერ გაუგია ისე, როგორც იქ წერია: „მათუშის თეატრში ამ ბოლო დროს კარგი ტენდენცია დაიხატა. თეატრის ხელმძღვანელობა გაბედულად ანდობს თეატრალურ ახალგაზრდობას ახალი სპექტაკლების შექმნას. ამ მხრივ მეტად საგულისხმო მოვლენა იყო (ხაზგასმა ჩემია—პ. ჯ.) დებიუტანტ დრამატურგის ლ. თაბუკაშვილის პიესის „ქრილობა“ განხორციელება თეატრის სცენაზე“. რა არის აქ გაუგებარი? თეატრის ხელმძღვანელობა „გაბედულად ანდობს“, ე. ი. „აბედებს“ ახალგაზრდობას, რომელსაც არ გააჩნია გამოცდილება, მიანდოს სპექტაკლის შექმნა. მაშასადამე, საგულისხმო მოვლენა იყო თვით ფაქტი ახალგაზრობის მიერ ამ სპექტაკლის შექმნისა.

შემდეგ რეცენზენტს უკვირს, როგორ გააყვთა წერილის ავტორმა ასეთი დასკვნა „...ახალგაზრდებმა იგრძნეს, რომ მათ შეუძლიათ თავიანთი მხარებით აიტანონ მაღალიდებური და მაღალმხატვრული სპექტაკლი, თუ ამის საშუალებას მისცემს კარგად დაწერილი პიესა“. ეს გამოთქმაც რეცენზენტს ისე გაუგია, როგორც მას სურდა და კონტექსტს მოწყვეტილი მართლაც ასე ედგინა. მაგრამ, როგორც დაინახეთ, წერილის ავტორი ვერ მიიჩნევდა ამ პიესას „კარგ“ პიესად და თუ სპექტაკლში მიიხსნა რაიმე

დადებითი ძეგლები, ეს არის ახალგაზრდა რეჟისორის ჩანაფიქრი და ახალგაზრდა მსახიობების თამაში, რაც, რა თქმა უნდა, ვერ მოახდენდა პიესის ნაყოფიანებათა სრულ კონტექსტში მათსადამე, თუ კი ახალგაზრდობამ ასე თუ ისე სული შთაბერა არასრულყოფილ პიესასაც კი, მით უმეტეს ის შეძლებს შექმნას უფრო სრულფასოვანი სპექტაკლი „კარგი“, მაღალმხატვრული პიესის განხორციელებისას („თუ ამის საშუალებას მისცემს კარგად დაწერილი პიესა“).

კიდევ ერთი მაგალითი ნათელი აზრის უმართებულო გაგებისა.

ავტორი წერს: „რაც შეეხება ა. გეფაძის პიესას „გზა, ყარამანს ცოლი მოჰყავს!“ უფრო ვასართობი კომედიაა, ვიდრე პიესა, სადაც დასმული იქნებოდა სოციალური ფლერალობის სერიოზული თემა. მაგრამ მხიარული მიუხიციის ფორმით გადაწყვეტილი ეს სპექტაკლი რეჟისორული ჩანაფიქრით, მხატვრული და მუსიკალური გაფორმებით, მსახიობთა ოსტატური თამაშით (აქ ხაზგასმული სიტყვები რეცენზენტს განზრახ გამოუტოვებია) კარგ შთაბეჭდილებას ტოვებს, მაყურებელმაც გულთბილად მიიღო იგი“. მაშასადამე, კარგ შთაბეჭდილებას ტოვებს „რეჟისორული ჩანაფიქრით, მხატვრული და მუსიკალური გაფორმებით, მსახიობთა ოსტატური თამაშით“, ე. ი. იმით, რაც რეცენზენტს განზრახ გამოუტოვებია სავრთო კონტექსტში, და არა პიესის შინაარსით.

რეცენზენტს უკვირს, ასეთი სპექტაკლი მაყურებელს გულთბილად როგორ უნდა მიეღო. იგი წერს: „არა, ყველაფერი, რასაკვირველია, რიგზე ვერაა ამ ციტატაში, მაგრამ თქვენ აწი ნახეთ რა მოხდება. იქვე ორიოდ სტრიქონის შემდეგ პ. ჯორბენაძე აცხადებს: „...მაგრამ ასეთი სპექტაკლით მაყურებელთა ესთეტიკურ დონეს ვერ აუმაღლებთ“. „განა შეიძლება იმის შემდეგ, როდესაც იტყვი: „სპექტაკლი კარგ შთაბეჭდილებ-

ბას ტოვებს, მაყურებელმა გულთბილად მიიღო იგი, ესეც დაუმართო „მაგრამ ასეთი სპექტაკლით მაყურებელთა ესთეტიკურ დონეს ვერ ავამაღლებთ“ (ხაზგასმარეცენუნეტისა).

რეცენუნეტს ვერ წარმოუდგენია, რომ შეიძლება სპექტაკლი კარგ შთაბეჭდილებას ახდენდეს (და ამ შემთხვევაში რატომ, ეს უკვე აღვნიშნეთ) და ესთეტიკურ დონეს ვერ ამაღლებდეს. ვინც კი ოდნავ მაინც იცნობს თეატრის ისტორიას, კარგად იცის, რომ თეატრის არსებობა დამოკიდებული იყო ავრეთვე ე. წ. „სამემოსავლო“ სპექტაკლებზე, რომლებიც გათვალისწინებული იყო „მასობრივ მაყურებელზე“. ხშირად თეატრი (მათ შორის კარგი თეატრებიც) ფინანსური სიძნელეებისა თუ სხვა მიზეზების გამო იძულებული იყო რეპერტუარში შეეტანა შედარებით მდარე მხატვრული ღირსების პიესაც, ხოლო გამოჩენილი რეჟისორი მასში აქსოვდა მთელ ნიჭსა და უნარს, ნიჭიერი მსახიობები თამაშობდნენ ჩვეული ოსტატობით, რის გამოც სპექტაკლიც „კარგ შთაბეჭდილებას“ ტოვებდა, მაგრამ ესთეტიკურ დონეს ვერ ამაღლებდა. სამწუხაროდ, მთელი რიგი შემთხვევაში, ახლაც თეატრებს უხდებათ „გასართობი“ პიესების დადგმა მაყურებელთა დიდი რაოდენობის მოსახლად (როგორც მოგეხსენებათ, ყოველ თეატრს აქვს თავისი სამეურნეო ანგარიში, თუმცა მას როდი უნდა ანაცვალოს ხელოვნების, კერძოდ კი თეატრის ბედი და რაც უფრო ნაკლებ იქნება ასეთი სპექტაკლები, მით უფრო მოიგებს თეატრალური ხელოვნება). ასე რომ, ე. წ. „სამემოსავლო სპექტაკლები“ არც თუ იშვიათი მოვლენაა. თუნდაც ავიღოთ რუსთაველის თეატრის სპექტაკლი „ხანუმა“. არა გვეგონია ამ სპექტაკლში დასმული იყოს რაიმე სერიოზული სოციალური საკითხი, მით უმეტეს თანამედროვეობისათვის. მაგრამ არა გვეგონია, რომ ისეთ შესანიშნავ თანამედროვე ინტელექტუალურ, სერიოზულ დრამას, როგორცაა ჟან ანუის „ანტიგონე“, ჰყა-

ედეს უფრო მეტი მაყურებელი, ვიდრე „ხანუმას“. ასეთია მასობრივი მაყურებლის ფსიქოლოგია. თანაც მასობრივი მაყურებლის მარტო საერთო უკეთესი ური დონით როდი განისაზღვრება „ხანუმას“ მიმზიდველობა“. ეს სპექტაკლი საერთოდ კარგ შთაბეჭდილებას ტოვებს რეესიორული ჩანაფიქრით, მხატვრული და მუსიკალური გაფორმებით, მსახიობების შესანიშნავი თამაშით (მარტო ეროსი მანჯგალაძისა და რამაზ ჩხიკვაძის თამაში რად ღირს, რომელთა გარეშე „ხანუმა“ წარმოუდგენელიცაა!) ასე რომ, სპექტაკლი უთუოდ საკმაოდ „მაღალ-განვითარებულ“ მაყურებლებზეც კარგ შთაბეჭდილებას ტოვებს, მაგრამ ზრდის კი ესთეტიკურ დონეს? იგი კარგ განწყობილებას უფრო მეტს აძლევს, ვიდრე სულსა და გონებას. სწორედ ასეთი ხასიათის (თუმცა უფრო დაბალი რანგის) სპექტაკლად უნდა მივიჩნიოთ „გზა, ყარამანს ცოლი მოჰყავს!“, მაგრამ მასობრივი მაყურებელი რომ ანგარიშგასაწევი, ეს უცილობელ ფაქტად მიგვაჩნია. და როცა ვლადარაკობთ მაყურებელთა ესთეტიკური დონის ამაღლებაზე, ეს ერთი ხელის დაკვრით, კამპანიური წესით როდი შეიძლება. მაყურებელს ფრთხილად უნდა მოჰყარება, მისი აღზრდა ზეშეზომადნევე უნდა იწყებოდეს, თუმცა, სამწუხაროდ, ჩვენთან ამ მხრივ ცოტა რამ კეთდება.

საკმაოდ უცნაურად ეღერს რეცენუნეტის მიერ წამოყენებული მოსაზრება: „შეიძლება შემოგვედაონ. ის, ვინც ეს სპექტაკლი გულთბილად მიიღო, ავტორის სიტყვები რომ ვიზმაროთ, „დაბალი ესთეტიკური დონის მაყურებელია“ და მას ანგარიში კი არ უნდა გავუწიოთ, არამედ გავაკრიტიკოთ“.

ჯერ ერთი, ავტორს არ მიაჩნია, რომ ვინც „ხანუმას“ ტიპის სპექტაკლებს გულთბილად იღებს, მხოლოდ „დაბალი ესთეტიკური დონის“ მაყურებელია, რაც უკვე ითქვა. თანაც საკითხავია, როგორ წარმოუდგენია რეცენუნეტს დაბალი ესთეტიკური დონის „აკრიტიკება“? როგორც ცნობილია (და ამის შეს-



ახებ ავტორის ნათქვამი აქვს თავის წე-
რილში), მაყურებლის ესთეტიკური დო-
ნე დამოკიდებულია მის ინტელექტუალ-
ურ დონეზე, ესთეტიკურ სამყაროზე,
მის გემოვნებასა და მისწრაფებებზე და
რთულ კომპლექსურ მოვლენას წარმოა-
დგენს. ასე რომ, მაყურებლის „თავის
კუთაზე წაყვანა“ არც ისე ადვილია. რა-
მდენიც გინდა აკრიტიკე (საერთოდ არ
წიკითხავს თავისი მისამართით დაწე-
რილ კრიტიკას და, ჩვეულებრივ, მასობ-
რივი მაყურებელი ნაკლებად ეტანება
კრიტიკულ წყაროებს), თუ აგინებ, საე-
რთოდ არ მოვა თეატრში. ერთადერთი
ვზაა მაყურებლისადმი დიდი ტაქტით
მიდგომა, მისი ფრთხილად აღზრდა არა
„ძიძური“ მეთოდით, არამედ „შეუმჩნე-
ვლად“, ძალდაუტანებლად, რაც უნდა
ხდებოდეს ჭერ კიდეც მოზარდი ასაკი-
დან, რასაც ხელს უწყობს შესანიშნავი
სოციალური პირობები, საზოგადოების
დიდი ინტელექტუალური და კულტურ-
ული დონე, ინფორმაციის (მათ შორის
„მხატვრული ინფორმაციის“) გაშლილი
ქსელი.

ყოველივე ამის შემდეგ, სადღა ის
„ბევრი მცდარი“, „ურთიერთსაწინააღ-
მდეგო დებულება“, რომელთა „აღმოჩე-
ნას“ პირდებოდა რეცენზენტი მკითხ-
ველს?

რა თქმა უნდა, ყოველ სტატიამ, ყო-
ველ რეზენციამ, როგორც არ უნდა
იყოს იგი, არის რაღაც სასარგებლო
ჭკუის სასწავლი. ასეთია აღ-
სონიას რეცენზიაც, ყოველ შემთხვევაში,
არ შეიძლება არ დავეთანხმოთ რეცენ-
ზენტს, რომ „ისეთი აკრძალული იდე-
თები არ უნდა ვიხმაროთ, შემდეგ რომ
უხერხულობაში ჩავგადოს“ (ხაზგასმა
რეცენზენტისაა) და რომ არ უნდა იბეჭ-
დებოდეს (დავამატებდით, საერთოდ არ
უნდა იწერებოდეს) „არაპროფესიული,
დილუტანტური, უნიჭო სტატიები და
რეცენზიები“.

დასასრულს კიდევ ერთხელ უნდა გა-
ვიხსენოთ, რომ სიტყვას (მით უმეტეს
დაბეჭდილს) გაფრთხილება, თვალის ჩი-
ნივით მოვლა უნდა, ბეჭდვითი სიტყვით
სარგებლობის უფლება საქმის ინტერე-
სისათვის უნდა იყოს გამოყენებული და
არა სხვა მიზნით. გოგოლი ასე აფრთხი-
ლებდა მწერლებს (და ეს ეხება ყველას,
ვისაც საქმე აქვს ხელოვნებასთან):

„სიტყვას პატიოსნად მოპყრობა უნ-
და, იგი ღვთისაგან მონიჭებული უმაღ-
ლესი მადლია. ვაი თუ მწერალმა წარმო-
თქვა იგი იმ დროს, როცა იმყოფება
მძაფრი ვატაცების, წყენის, ან ვინმესა-
დმი რაიმე პირადი უნდობლობის ზეცე-
ლენის ქვეშ“.

მუკან თავეზილი

არჩილავი სუოკაბაში აკოვიან

აღმოსავლეთისა და დასავლეთის საზღვარზე მდებარეობა საქართველოს ორმხრივ სამსახურს უწევდა — კარგსა და ცუდსაც. პოლიტიკურად აღმოსავლეთიდანაც და დასავლეთიდანაც ებრძოდნენ და ცდილობდნენ მის დაკაბალებას, სამაგიეროდ აღმოსავლურიცა და დასავლური კულტურაც ცალკეული არხებით ჩაერთვოდა ქვეყნის განათლებისა და კულტურის ზღვას. პოლიტიკური უბედობის გამო მიტაცებული ადამიანები სხვის მიწა-წყალზე ქმნიდნენ კულტურულ ფასეულობებს და ბევრი მათგანის ნაღვაწი მხოლოდ ლეგენდებად შემოდიოდა ბედკრულ ქვეყანაში, ზოგიერთის შესახებ მოგვიანებით გავიგებდით ხოლმე. სპარსეთში მოღვაწე ქართველი მხატვრის

სიაუმის მაგალითიც კმარა დასასახელებლად. ბევრი ქართველი, რომელიც ისტორიულმა უკუღმართობამ დედასამშობლოს მოწყვიტა, ბედის ბრუნვით ხან დასავლეთში დიპლომატობდა, ხან კი აღმოსავლეთში იქნევიდა გასისხლულ ხმალს სპარსეთის შაჰისათუ თურქეთის სულთნების სამსახურში და ბოლოს კი სამშობლოს მოშორებული ნამის წვეთებივით ადნებოდა ცხენის ძეაზე გამობული მძვინვარე აღმოსავლეთის სიცხისაგან დაშაშრულ მიწას. და მაინც, ისინი სამშობლოს უკვებოდნენ. ვინ მოსთვლის რამდენი განთქმული სამხედრო მოღვაწე დაეცა უცხოეთში ისე, რომ სამშობლოსათვის ერთი ხმლის მოქნევაც არ დასცალდა. მაგრამ თუ ჩვენს ქვეყანას უკვებოდა სხვა ქვეყნის სამხედრო სარბიელზე თავგამოჩენილი შვილები. ეს უკ-

იუსუფ ფაღავა „წინაპართა არჩილავი“, რომანი, წიგნი I, ბათუმი, 1975.

ვე აღარ ითქმის კულტურის მო-
ღვაწეებზე, რადგან მათ მიერ შე-
ქმნილი სულიერი საუნჯე და დი-
დფასეულობანი მაინც ანათებენ
ქართული მადლმოსილებით და
ყოველწამს შეგვახსენებენ, რომ
იგი გამონაშუქია ჩვენი ხალხის
ეროვნული გენიისა. ამგვარ ბედ-
კრულ მოღვაწე ქართველთა შე-
სახებ ბევრი რამ ისტორიის მიჩქ-
მალულ ანალებშია ჩაკარგული
და გამოშხვევებას ელის, ან თან-
დათან გამოაქვთ ჩვენს მეცნიე-
რებს ხალხის სამზეოზე. განსაკუ-
თრებული სიამოვნება იპყრობს
მკითხველს, როცა ყოველ ახალ,
ან თუნდაც ძველ ისტორიულ
ფაქტს, მოვლენას იხილავს არა
მხოლოდ ისტორიკოსის მშრალი
წიგნის სახით, არამედ მხატვრუ-
ლი სიტყვის სამოსელით მოწო-
დებულს. ამ მომენტს დღეს გან-
საკუთრებული მნიშვნელობა ენი-
ჭება, რადგან კულტურული სა-
ზოგადოების აუცილებელი მოთ-
ხოვნილებიდან გამომდინარეობს.

სულ უფრო და უფრო შესა-
მჩნევი გახდა კეთილი ტენდენ-
ცია — ისტორიულ მასალას, მეც-
ნიერულად დამუშავებულსა თუ
დაუმუშავებელს მოენახოს მკით-
ხველამდე მიტანის რაც შეიძლება
ეფექტური ფორმა. ჩნდება მოთ-
ხოვნილება ახალი ისტორიული
ფაქტი ან მოვლენა მხატვრული
სიტყვით გამოიკვეთოს, ისტორი-
ული კოლორიტისა და ვითარების
ზუსტი გათვალისწინებით. ეს ხე-
რხი თანამედროვეცაა და პროგ-
რესულიც. მეცნიერული ცოდნის

მხატვრული ფორმით გადმოცემა
უფრო ძნელიც არის და რთულიც.
მაგრამ მწერლობის მადლს ჩამოვსული
რევი მკვლევარისათვის, ანუ მკვლევ-
ვის უნარის მქონე მწერლისათ-
ვის დასაძლევია. ამას ადასტურ-
ებს როგორც საზღვარგარეთ, ისე
ჩვენში გამოსული მსგავსი ლიტე-
რატურა. მაგალითად, სულ ბოლოს
გამოსული ა. მანფრედის „ნაპო-
ლეონ ბონაპარტე“, ე. მალრადის
„გოდება“, ვ. ჰელიძის ქართლის
ცხოვრების ქრონიკები“ და აი,
სულ ახლახან გამოცემული თ. ნა-
ტროშვილის „მაშრიყით მალრბა-
მდე.“ გარკვეულ ფარგლებში აღ-
ნიშნულ ლიტერატურას მიჰყვება
კვალდაკვალ იუსუფ ფალავას რო-
მანი „წინაპართა აჩრდილები“,
ვრცელი რომანი, რომლის ორ-
პლანიანობაც ეჭვს არ იწვევს. მი-
სი ერთი მხარეა ისტორიულ-მეც-
ნიერული, ხოლო მეორე — მხატ-
ვრულ-ესთეტიკური. აღნიშნუ-
ლი ორი მომენტი თავისებურად
გადადის ერთმანეთში და აპირო-
ბებს ნაწარმოების ტექსტის ემო-
ციურ დატვირთულობას.

რომანის სტილისათ-
ვის. თანამედროვე ქართული
მწერლობა, როგორც პროზა, ისე
პოეზია ძირითადად წერის ორ მა-
ნერას, წესს იცნობს. ერთია ტრა-
დიციული, სინამდვილის აღქმისა
და ათვისების პირდაპირი და უშ-
უალო გზა, როცა ასასახავ საგანსა
და მის წარმოდგენას შორის მათი
უშუალო შუამავალი — ნათელი

და ადვილად მისაწვდომი წინადა-
დება დგას (მ. ჯავახიშვილი, კ.
ლორთქიფანიძე, გ. ლეონიძე), ხო-
ლო მეორე მხრივ, ქართული მწე-
რობისათვის სრულიად ახალი
სტილური ცდები, რაც გამოიხა-
ტება აღსაქმელ საგანსა და აღმქ-
მელს შორის რთული აზრობრივი
პერიოდების ჩაყენებით, როცა
მწერალი საგნის აღქმას ახდენს
არა უშუალოდ, არამედ არაპირ-
დაპირი, რთული გზით. ამას მრავ-
ალი მიზეზი აქვს: ზოგჯერ იგი
შემოქმედის შინაგანი მოთხოვნი-
ლების გამოშუქებაა, ხშირად კი
მხატვრული ძიების უტყუარი ნი-
შანი. სწორედ შემოქმედთა ამ
ფრთას ეკუთვნის „ცნობიერების
ნაკადის“ მწერლები საზღვარგა-
რეთ. ეს მეთოდი ჩვენშიც იჩენს
თავს და საკმაოდ ნიჭიერადაც (ო.
ჭილაძის პოეზია და პროზა), თუმ-
ცა მისი ნიადაგი ჩვენში, თამამად
შეიძლება ითქვას, გ. ტაბიძის კო-
ნსტრუქციული სახეებით არის
შემზადებული. ამ ბოლო ხანებში
საკმაოდ მუშაობენ ამ მხრივ ახა-
ლგაზრდა მწერლები. მათგან ძა-
ლზე საინტერესოა გ. გეგეშიძე,
ა. ჩხიკვიშვილი, მ. აბაშიძე...

აღნიშნული ორი ძირითადი ხა-
ზის არსებობა ქართულ პროზაში
ეჭვს არ იწვევს. რა დამოკიდებუ-
ლებაშია მათთან იუსუფ ფალავას
რომანო?

ამთავითვე უნდა ითქვას, რომ
„წინაპართა აჩრდილები“ წერის
კულტურის თვალსაზრისით თა-
ნამედროვე დონეზე დაწერილი

რომანია. მწერლის მიერ სტილ-
ციის გამოკვეთისას, სიუჟეტისა და
ნეიტარებისას, ხასიათისა და
ხის ჩამოძერწვისას არსად არ იკა-
რგება ავტორისათვის ორგანულ-
ად დამახასიათებელი წერის საკ-
მაოდ მაღალი კულტურა, რის
ძლიერ ნაკლებობასაც ასე ხშირ-
ად განიცდის ხოლმე პერიფერი-
ებში მოღვაწე შემოქმედთა უმრავ-
ლესობა. წერის მანერის თვალსა-
ზრისით თხზულება პირველ წესს,
ტრადიციული წერის მანერას
იცავს, მაგრამ ყველაფრიდან იგ-
რძნობა, რომ ავტორს გაუთვალის-
წინებია, გაუცნობიერებია მეო-
რე ფრთის არსებითი და ძირითა-
დი მიღწევებიც.

ნაწარმოების ერთ-ერთი პერ-
სონაჟი ერთგან ასეთ საინტერე-
სო აზრს ავითარებს: „მომღერა-
ლი ორივე მხარეს უნდა აქცევ-
დეს ყურადღებას — მსახიობურ
ოსტატობას და მუსიკალურ დახ-
ვეწილობას. არ შეიძლება რომე-
ლიმე მხარეს გადაიხაროთ“. მიგ-
ვაჩნია, რომ რომანის ავტორიც ამ
მართალ შეგონებას ამართლებს
თავისი პრაქტიკით, როცა ერთნა-
ირად აკეთებს აქცენტს წერის
ტრადიციულ მანერასა და ფრაზის
თანამედროვე კულტურაზე. ნა-
წარმოების არც ერთ რეალიაში
არ იჩაგრება ან ერთი, ან მეორე.
მწერლის ენობრივი მოსაქცევები
და ფრაზა ზომიერად მუსიკალუ-
რია, ზედმეტად არ ჟღერს და არ
აყრუებს აზრს. ენა ზუსტია, ეპი-
თეტები და შედარებანი საკმაოდ
მოზომილი და ენობრივი ქსოვილი



თანაბრად ძარღვიანი, თუმცა არა იმგვარად დაფერილი და რაფინირებული, როცა ეფექტურობის ზორკლი გაცლილი აქვს. მწერალი ეფექტურად იყენებს ე. წ. პარონომაზიული ხასიათის განმეორებებს, რითაც ტექსტის ემოციურ ძალას ზრდის. „ქალიშვილს გული დაწყდა. ძლიერ დაწყდა გული და თვითონაც ჩამოუგორდა ცრემლი...“ ამგვარი მაგალითები საკმაოდ ხშირად შეინიშნება. მართალია, მხოლოდ აქა-იქ შეინიშნება ზოგიერთი ორთოგრაფიული უზუსტობა, მაგრამ სტილის საერთო სილალესა და შეურყვნელობაზე ზეგავლენას ვერ ახდენს. ნაწარმოები ამ თვალსაზრისით თითქმის თავიდან ბოლომდე თანაბარი ძალით არის დაწერილი, რაც მწერლის კეთილსინდისიერ და დამაბულ მუშაობაზე მიუთითებს. ისტორიული პასაჟები, რაც ასე უხვადაა რომანში, სავსებით ემორჩილება მწერლის მიერ აღებულ მანერას და ბუნებრივად ზის საერთო სტილში, თუმცა იგრძნობა, რომ ისტორიული საბუთები და ფაქტები მწერლის ხელში ძლიერ გადაშუშავებულან და მიუღიათ შესაფერისი იერსახე. სწორედ ამის გამოა, რომ ისინი არ ამღვრევენ თხრობის ძირითად წესს.

ქართული მხატვრული მეტყველება უფრო ეგუება მოკლე, დასხლეტილ წინადადებებს, მკაფიო პერიოდებს. ემოციური ძალაც ქართულ მეტყველებას სწორედ

ამგვარი გაფორმებისას უნდა იქნება. ი. ფალავა ძირითადად იყენებს ამ წესს. მართალია, მთლად ლაბილარულია მისი წინადადება, მაგრამ ყოველთვის არის გათვალისწინებული ფრაზის ემოციური დონე, ის დონე, რომლის ქვემოთაც ავტორი ცდილობს არ დაუშვას არც ერთი მონაკვეთი: „ფაშისა და მისი თანამგზავრის მზერა უმალ მოიტაცა ყელმოღერებული ბოშა ქალიშვილის მომჯადოებელმა ცეკვამ, რომელიც მოქნილ სხეულს მოხდენილად არხევდა. იგი ახლა აღარ მღეროდა, მხოლოდ ცეკვით ართობდა აღტაცებულ მაყურებელს. აფროდიტეს ქანდაკებასავით ჩამოძვრილ ქალს მეტად ეშხიანი სახე ჰქონდა. წითელი ზედატანი და ნაოჭა ცისფერი ქვედაკაბა ძლიერ შევენოდა.“

მწერალი განსაკუთრებულ წარმატებას აღწევს იქ, სადაც ცდილობს გამოაჩინოს პერსონაჟის ჩუმი შინაგანი სევდა, სამშობლოს დაშორებით გამოწვეული, და ამ მიზნით იყენებს ზავდრდივით რბილ, ტევად წინადადებებს. ეფექტურ მოსაქცევებში შეუძინებლად აწნავს სევდიანი მღელვარების მინორს: „შუადღისას ჩოლოქის საზღვარი გადალახა. ახლა უკვე საკუთარ ოჯახში თვლიდა თავს. თითქოს დაკარგული შვილი დაუბრუნდა თავისიანებს, თითქოს ათეული წლის წინათ მიტოვებულ თბილ კერას და საყვარელ ცოლშვილს მოუბრუნდა.“

რამდენი რამ განიცადა ამ ხან-
შოკლე დროის განმავლობაში,
რამდენი რამ ნახა, რამდენი მეგობ-
ბარი გაიცნო და რამდენი მტერი
გამოიცნო.

აქაც ისევ გახვეულიყო ბუნე-
ბა თოვლის საბანში, როგორც
ქრისტიანულ საქართველოში,
ისევ აბოლებდა ოდა სახლები
ყალიონს, როგორც საგურიელო-
ში. ხალხიც ერთნაირ ჭაფასა და
საზრუნავში იყო“.

მწერლის დაწურული ხელწე-
რა, გაცლილი ყოველგვარი ზედ-
მეტისაგან, აქ ნამდვილად აღწევს
ჭეშმარიტი ხელოვნების დონეს,
ხოლო როგორც ადამიანი, ჭე-
შმარიტად არის პატრიოტული
გრძნობის მომღერალი და განმა-
დიდებელი. სტილური ელემენტი
აქ ნამდვილად მალღდება, მაგრამ
მალღდება იმგვარად კი, რომ სი-
მბოლური მხატვრული ხატის სა-
ხით — თოვლი ერთნაირად ებურა
ქრისტიანულსაც და არაქრისტიან-
ულ საქართველოსაც — გვეუ-
ბნება: მაშინდელი საქართველოს
ქრისტიანი და მაჰმადიანი შვი-
ლებიც ერთნაირად განიცდიდნენ
ეროვნულ ჩაგვრას, ერთნაირად
ფიქრობდნენ ერთიანობაზე და
ერთნაირად უსველდებოდათ თვა-
ლები ბედუკუდმართი წარსულის
გახსენებაზე, ერთნაირ ჭაფასა
და საზრუნავს მოეცვა მათი გო-
ნება.

ასე წარმოგვიდგება ზოგიერთი
ძირითადი სტილური თავისებუ-
ლება იუსუფ ფაღავას „წინაპართა

აჩრდილებისა“. ვფიქრობთ, აღნი-
შნულ სტილურ ინერციას ემყარება
ლი შეინარჩუნებს რომანის სტილს
რე წიგნშიც.

გ მ ი რ ე ბ ი დ ა ს ა მ ო ქ მ ე -
დ ო ა რ ე ა ლ ი. რომანი გაშლი-
ლია ისტორიულ ფონზე. კონკრეტულად
დასურათხატებულა მე-
19 საუკუნის მეორე ნახევრის ვი-
თარება, როცა საქართველოს ღვი-
ძლი აჭარა ცდილობდა ფეხი აეწ-
ყო ქრისტიანული საქართველოს
პატრიოტებისათვის და მამულის
გასაერთიანებლად ეზრუნა. ეს სა-
ქმე, ბუნებრივია, მხოლოდ აჭა-
რის ლოკალს არ გულისხმობს.
იგი წვდებოდა მთელს საქართვე-
ლოს, თურქეთსა და უფრო შორ-
საც რატომ არა. პოლიტიკური
ინტრიგებისა და სამხედრო ავან-
ტიურების, სხვადასხვა ძალთა
ურთიერთსაწინააღმდეგო ქმედე-
ბის ეპოქაში რომ მწერალი გაერ-
კვეს, ეს ძალზე მრავალმხრივ
შრომას მოითხოვს. აქ არ კმარა
მხოლოდ სერალის ან კრემლის
კულისების, ანდა საქართველოში
საომარ მინდორთა რეკოგნესცი-
რების ცოდნა. აქ საჭიროა ამას-
თანავე ღრმად იცოდეს ისტორიუ-
ლი და პატრიოტული სული იმ-
დროინდელი ქართველობისა, ნა-
თლად უნდა გესმოდეს და ჩამწე-
დარი იყო ეპოქის ხასიათსა და
კოლორიტში. უამისოდ მკითხვე-
ლი ვერავითარ ბატალურ სურათს
ვერ მოგიწონებთ, ვერ შეიგრძ-
ნობს მწერლის, როგორც მისაბა-
ძი პიროვნების, სულისკვეთებას.

ი. ფალავას, ყველაფრიდან ჩანს, დიდხანს უმუშავია ისტორიულ დოკუმენტებზე. გადასულ წელთა გამხსნელი სხვადასხვა წყარო შეუსწავლია, მაგრამ შეუსწავლია მხატვრის, ფართო ჰორიზონტის მკვლევარისა და შემოქმედის თვალთ. მხატვრის თვალთახედვით რომ გაუზარებია ისტორია. ეს კარგად ჩანს თურქ მოღვაწეთა ჩაცმულობისა და ყოფითი ელემენტების თითქმის სრულყოფილი სურათების შექმნიდან. საგულისხმოა სტამბოლის ამბებისა და ადგილების აღწერილობანი, სტამბოლელთა და თურქეთის სხვა ადგილთა მკვიდრების ყოფის ცოცხალი სურათები, თურქული სწავლა-აღზრდისა და კულტურის საკმაო ცოდნა და გამოყენება სხვადასხვა სიტუაციაში. არც ის არის დაეწეული, რომ თურქეთი დარდანელის სრუტის მჭონე და გამგებელი ქვეყანაა. ასეთი ქვეყანა კი ფართოდ არის „განათლებული“ ყოველგვარი „მსოფლიო ინფორმაციებით“. ამიტომაცაა, რომ სავსებით სწორი გვეჩვენება ის სიტუაცია, რომელსაც მწერალი გამოკვეთს ნამიკ-ქემალის მიერ მოწყობილ მიღებაზე: „მაჰმუდ აკიფი სათვალეს წარა-მარა წმენდდა ცხვირსახოცით და სტუმართა ერთ ჯგუფს ოკეანის გაღმიდან მოსულ ვაჭრების ნაამბობს უყვებოდა, ლინკოლნის მიერ სამხრეთის შტატებთან წარმოებული ომის შესახებ ჰქონდა ბასი. ხუთიოდე კაცი ყურადღებით უსმენდა“. ამა-

ვე სალონში ვისმენტ ჩვენ საუბარს გარიბალდიზე, გარიბალდის ეროვნულ მნიშვნელობაზე ყველა ხალხისათვის და სხვ. სხევე საკმაო კოლორიტითაა დახატული მოქმედებანი გურიაში, აჭარაში, თბილისში. თბილისის კოლორიტული სურათების შესაქმნელად მწერალი ხშირად მიმართავს ყარაჩოღელებს, კულტურისა და ლიტერატურის გამოჩენილ თბილისელ მოღვაწეებს, აღწერს მათს ურთიერთობებს. სწორად არის გაგებული გრ. ორბელიანის წინააღმდეგობრივი სახე, როცა ბრწყინვალე თავადმა იუკადრისა მღაბიო წარმოშობის პიროვნების დიმიტრი ყიფიანის თავადთა გვერდით ყოფნა და განდიდება, და რომელიც, მეორე მხრივ თვითონვე ქადაგებდა ლექსებში სრულიად საწინააღმდეგოს: „ნიჰს აძლევს ზენა მხოლოდ კაცს და არა გვარიშვილობასო“. იუსუფ ფალავას მიერ გრ. ორბელიანის გარემოს აღწერას როცა ვადარებთ ე. მაღრაძის ფილიგრანული სიზუსტით შესრულებულ ბიოგრაფიულ რომანს გრ. ორბელიანზე, ვხედავთ, რომ „წინაპართა აჩრდილების“ ავტორი, მართალია ახალ ფაქტებს არ წარმოაჩენს, ან ძველ ფაქტებს ახლებურად არ კითხულობს, მაგრამ სათანადოდ იცავს არსებულს და მხატვრულად მოსავს მას თავისი რომანის მიზნის შესაბამისად. ძველი თბილისის კოლორიტის შექმნისათვის ავტორი გმირებს მტკა-

რზე ტივით ქეიფსაც გაამართვი-
ნებს, თუმცა, უნდა ითქვას, ეს
სცენა რამდენადმე ნაკლებდამაჯე-
რებელია. მწერალმა კარგად იცის
ძველი თბილისის ეთნოგრაფია,
ყოფითი დეტალები, მუსიკალური
ბოჰემა. დამაჯერებლობას არაა
მოკლებული, რომ მაინცდამაინც
ყორღანოვი გაუხადა მთავარ
გმირს სახლის პატრონად. ცნობი-
ლია, რომ მე-19 საუკუნის მეორე
ნახევარში თბილისში არაერთ
ყორღანოვს ან ყორღანაშვილს
ჰქონდა ბინები სწორედ ვასაქი-
რავებლად, მაგრამ არასწორია
ყორღანოვებს რომ ზოგჯერ კორ-
ღანოვებად აცხადებენ (გვ. 177).
ღონივრად არის დახატული ხალ-
ხური მუსიკოსები. თბილისი მარ-
თლაც არის ერთადერთი ქალაქი
თავისი განუმეორებელი ხალხური
მუსიკალური იერსახით. რა და რა
სახის მუსიკოს-შემსრულებლებს
არ იხილავდით აქ აღნიშნულ
პერიოდში. ჯათარა ან სათარა
ავიღოთ თუნდაც. ამ უკანასკნელს
ნ. ბარათაშვილმა და ი. პოლონს-
კიმ ქებაც უძღვნეს. რამდენი ასე-
თი იმპროვიზატორ - შემსრულე-
ბელი გამოხატავდა მაშინ ხალხის
სიხარულსა და მწუხარებას ნაირ-
ფერი ჰანგებით. სწორედ მათ მი-
ეძღვნა სულ ახლახან გამოსული
ა. ბარნოვის „ძველი თბილისის
მუსიკოსები“. ვინც ეს კრებული
წაიკითხა, დაგვეთანხმება, რომ
ი. ფალავა ზუსტად იცავს საჭირო
კოლორიტს, მხატვრის თვალით
გადმოაქვს თავის რომანში მათი
ვაშლივით გაბერილი, წითელი

ლოყები, შავი გრძელი უღლები
და მხიარული, ღიმილიანი თვალე-
ბი: „მუსიკოსები, ოპ. ვინც ვინც
ქრისტეშობის
რი ხალხური მუსიკოსები. ისინი
ნამდვილ ვირტუოზულ ნიჭსა და
მაღალი ხელოვნების მადლს აქ-
სოვდნენ საკრავების მიერ აუდე-
რებულ მელოდებში. ცალთვალა
დიმიტრი ყანჩელს დამკვიწარ სა-
ხეზე კიბორჩხალის კუდივით აჯ-
და გრძელი ცხვირი. იგი ერთნაირ
ხმაზე ახმიანებდა სასიამოვნო
ბანს. მეორე მეზურნეც ხანდაზ-
მული იყო, თურამაულ ვაშლივით
მსუქანი და მწითური ლოყები
ჰქონდა. ვიწრო შუბლზე თვალე-
ბამდე ჩამოფხატა კრაველის და-
ვი ქუდი. ზეინაბმა დაინახა, რომ
მას სიამოვნებისაგან თვალელები მი-
ელულა. იდაყვები აფრენილი შე-
ვარდენის ფრთებივით გაეშალა,
თავი მხრებში ჩაერგო და მელო-
დიის ბგერებს კრაველის ბეწვე-
ბივით ახუჭუტებდა. ზეინაბს ყვე-
ლაზე მეტად ის გაუკვირდა, რომ
მეზურნეები ჰაერს ცხვირიდან
ისე ჩაისუნთქავდნენ ხოლმე, რომ
ზურნის ხმა შეუწყვეტლად გრძე-
ლდებოდა, ლოყები კი ჰაერის სა-
ჭირო მარავით ისე უზომოდ ჰქო-
ნდათ გაბერილ-დაწითლებული,
თითქოს შიგ მთელ-მთელი ვაშ-
ლები უდევთო“.

ასე ცოცხლად, სურათოვნად
იხატება მეზურნეთა ანსამბლი.

სამწუხაროდ, ერთ გარემოებას
ყურადღებიდან უშვებს მწერალი.

არ მომხდარა, რომ თბილისში
რომელიმე ცნობილი პიროვნება

ჩამოსულიყოს, ხალხურ მემუსი-
კეთ დასწრებოდეს და თავისი აღ-
ტაცება არ გამოეხატოს მათი სა-
შემსრულებლო ოსტატობის გამო.
აქაური მუსიკოსებისათვის მოუს-
მენია პეშკინსა და ლერმონტოვს,
ქება უძღვნია მანდელშტამსა და
ბევრ სხვას. ბევრ ხელოვანს სე-
რიოზულად უთქვამს: ჩემი ხელ-
ობა ვერ მოვა ამგვარ ოსტატობა-
სთანო. რომანის მიხედვით კი
იტალიელი მომღერალი ალმაზინი
ისე მოისმენს ხალხურ შემსრუ-
ლებელთა დაკვრას (რასაც ასე
დიდ ხოტბას ასხამს ავტორი),
რომ ერთხელაც რა არის, არ და-
სცდება აღტაცების გამომხატვე-
ლი შორისდებული.

არა ერთი და ორი კარგი მაგა-
ლითი გვაქვს თურქების მიერ ქა-
რთველ ტყვეთა შესყიდვა-გაყიდ-
ვის აღწერისა უიარაღოს „მამ-
ლუქში“ ან გრ. ჩიქოვანის „ოდი-
შურ მოთხრობებში“. ი. ფაღვას
მიერ ამ შემაძრწუნებელი სცენის
ოსტატური წარმოსახვა ამდიდ-
რებს ამგვარ სურათთა გაღერვას.
ალი-ფაშას ოჯახური გარემო, მი-
სი ძმა და დედა თითქმის ისეთსა-
ვე შთაბეჭდილებას ახდენენ, რო-
გორსაც უიარაღოს მიერ შეთხ-
ზული მსგავსი გარემო ტყვის გა-
დამყიდველი ქართველი თავადი-
სას.

მწერლის ერთ-ერთი საყვარე-
ლი ხერხია კონტრასტის საშუა-
ლება. მართალია, შიშვლად არა-


სოდეს იყენებს მას, მაგრამ იგ-
იგულისხმება კონკრეტულ პირო-
ვნებათა ურთიერთსაწინააღმდეგე-
გო მოქმედებისას, აგრეთვე სი-
რლის სიმპათიების კეთილისმოქ-
მელი ადამიანებისაკენ გადახრით
და იმითაც, რომ ბევრი პერსონა-
ჟი უარყოფითად ახასიათებს ალი-
ფაშასა და მის პოლიტიკურ ამფ-
სონებს, რომლებიც ხელს უშლი-
ან საშვილიშვილო საქმეს — სა-
ქართველოსთან აჭარის შეერთე-
ბას.

კონტრასტი აუცილებლად გუ-
ლისხმობს დაპირისპირებას, მაგ-
რამ დაპირისპირება ოსტატურიც
შეიძლება იყოს და პრიმიტიუ-
ლიც, შიშველიცა და შეფარუ-
ლიც. ი. ფაღვა იყენებს შეფა-
რულ დაპირისპირებას. არ ცდი-
ლობს კარგს ცუდი დემონსტრა-
ციულად დაუპირისპიროს, შიშ-
ვლად დაუყენოს წინ. ცდილობს
მათ შორის გააჩინოს დისტანცია,
მანძილი, გარკვეულად შეარბი-
ლოს კონტრასტულ გმირთა ხასი-
ათები, რათა ისე არ გამოვიდეს,
როს ერთი გმირი ზეციდან ჩამო-
სული ანგელოზი მოგვეჩვენოს.
რადგან პროგრესულ საქმეს ემსა-
ხურება, ხოლო მეორე — პირწა-
ვარდნილი ავაზაკი, რადგან სხვა-
გვარი რწმენა და აზრები მოსდის
თავში. თუმცა ითვალისწინებს,
რომ საბოლოოდ მაინც უნდა და-
გვარწმუნოს პროგრესული საქმის
გამარჯვების აუცილებლობაში და
ამიტომაც იმთავითვე ამზადებს
ნიადაგს უარყოფით პიროვნებაში

ნეგატიურ თვისებათა ჩვენებით. ეს ჩვევები შემდეგ საჭიროებისამებრ განვითარდება და მწერალს საშუალება ექნება დაასრულოს პერსონის სახე. მაგალითად, ალი-ფაშა თურქული ორიენტაციის პოლიტიკოსია. როგორც პიროვნება — კარიერისტი, მომხვეჭელი და უპატიოსნოა. თურქული ორიენტაციის პიროვნებაა შუქრი-ბეგიც, ფაშასავით მაჰმადიანი ქართველი, მაგრამ როგორც პიროვნება — სპეტაკია, პატიოსანი მშრომელია და სუფთა სინდისით ემსახურება იმ ხელმწიფეს, ვისაც ერთგულება შეჰპყვია. ავტორი ყოველივე ამით სამართლიანად გვინერგავს იმ აზრს, რომ როგორც თურქეთის სულთნის, ისე რუსეთის ხელმწიფის ქვეშევრდომთა შორის არიან პატიოსანიცა და უპატიოსნო მოხელეები და თუ ერთი ხელისუფალი გამწარებით ებრძვის მეორეს კავკასიისათვის, არანაკლები სიმწვავის ბრძოლა არის გაჩაღებული ამ ხელისუფალთა ქვეშევრდომებს შორისაც საქართველოს მრმავლისათვის. ერთნი ცდილობენ სამუდამოდ ჩამოაშორონ დედამშობლოს აჭარა, ხოლო მეორენი — რაც შეიძლება დროულად მიუერთონ იგი მას.

ალი-ფაშა გადაგვარებული ქართველია. მაგრამ საქართველოს არ გადაუგვარებია. იგი გარყვნა თურქეთის მალაჰმა საზოგადოებაში, სერალის წარჩინებულთა ცხოვრების წირმა, დიდკაცობამ, სიმდიდრემ. კარიერის გაკეთების

სურვილმა კი ყოველივე მშობლიური გრძნობა დაუჩლუნგა და ჩაუკლა. სამაგიეროდ გააქვლინა პროთურქული განწყობილება. მაშინაც კი, როცა სამშობლო მიწაზე — აჭარაშია, ვერ იცილებს ადრე აკიდებულ ტვირთს — თურქეთის ხელისუფალთა წინაშე რიდის გრძნობასა და მორჩილებას. და მათი ერთგული დამქაშირება, თუმცა საკმაოდ ჭკვიანია და გრძნობს, რომ „სერალის დიდებულები მას ფხიზელი ქოფაკის მოვალეობას აკისრებდნენ, კარზე მიბმული ფხიზელი ქოფაკის მოვალეობას“. ალი-ფაშა მოღალატე ბუნებას რომანის დასაწყისშივე ამჟღავნებს. თანამემამულე შუქრი-ბეგს, ვისაც მეგობრულად უცქერის, წამსვე დასაღუბად განწირავს, როცა შენიშნავს, რომ იგი თავის მოწონებულ ქალიშვილს ზეინაბს უყვარს. რომანის პირველი წიგნი ძირითადად ალი-ფაშას პიროვნებისა და ქმედებათა ირგვლივ დაგვატარებს. ალი-ფაშას პიროვნებასთან იყრის თავს სულთნის კარის კრიზისის ამბავიცა და დიდი ვეზირის შორსმიმავალი განზრახვები, რუსეთის გეგმების ამოცნობისათვის გზების ძიებაცა და საქართველო - თურქეთს შორის არსებული ბუფერისათვის — აჭარისათვის ახალი პოლიტიკური მისიის დაკისრებაც. ამ გაგებით ალი-ფაშა ძალზე ტევადი გმირია. იგი ბევრ საკვანძო საკითხს აერთიანებს, რომლებიც, იმედი უნდა ვიქონიოთ, რომანის მეორე ნაწილში გაიშლება. ალი-ფაშას სახე



კრებითი სახეა. ბევრი სხვადასხვა ჯურის თურქული ორიენტაციის პიროვნება არის ცნობილი ისტორიიდან და ალი-ფაშა თითქმის ყოველი მათგანის შტრისხს ატარებს. ეს გმირი საკმაოდ მოძრავია. ავტორის გარკვეულ იდეათა საყვირი კი არაა, არამედ „თავისი ნებით“ მოქმედებს.

რომანის პირველ ნაწილში ოდნავ შებორკილად მოძრაობს შუქრი-ბეგი. მართალია, მისი წარსული აცოცხლებს პერსონის მხატვრულ სახეს, მაგრამ ერთგვარი მოქმედების შეზღუდულობა ამ სახისადმი ინტერესს ანელებს. სამაგიეროდ ფართო პლანით არის წარმოდგენილი ზეინაბის ცხოვრება იტალიაში, მისი დაოსტატება მუსიკალურ ხელოვნებაში, მერე ცხოვრება სტამბოლში, შუქრი-ბეგთან შეუღლება და მოქლოდნელად თავს დატეხილი უბედურება: შუქრი-ბეგის უეცარი დაპატიმრება. შემდეგ დამამცირებელი მგზავრობა ალი-ფაშასთან, ბოლოს აჭარა და შემდეგ გურია-იმერეთის გავლით — თბილისი, თბილისის რჩეული მუსიკალური საზოგადოება, სამუსიკო დასში ჩარიცხვა და, ზეინაბს თითქოს ხელმეორედ აუყვავდა ბედი, ხელმეორედ გახდა ბედნიერი. თითქოს ბედის ბრუნვით დევნილი, სამშობლოდაკარგული ადამიანი ბედნიერი ხდება, მაგრამ აი, მეფისნაცვალი მიხეილ ნიკოლოზის ძე წარბებს იკრავს: — ამ მუსიკოსის შესახებ თავისუფალ დროს უთუოდ მომელაპარაკეთ.

გრაფო! უბრძანებს იგი გრაფ ბუზოვს. ყველაფრიდან ჩანს, რომ ახალგაზრდა მუსიკოსი ქალოვს ვეწე საავდრო ღრუბლებს თავს. რა მოელის მას? ამ საიდუმლოს რომანის მეორე ნაწილში გავიგებთ.

ზეინაბი ცენტრალური ფიგურაა. საინტერესო ჩანაფიქრი აქვს ავტორს, რომელიც ცდილობს საკუთარი ესთეტიკური იდეალები ჩააქსოვოს ამ გმირის სახეში, მის ქმედებაში, მუსიკალურ მოღვაწეობაში. რომანის მეტად საგულისხმო რეალიებია ის ადგილები, სადაც მუსიკალურ მოღვაწეთა და ხელოვან შემსრულებელთა შესახებ არის მსჯელობა. ეს ყველაფერი კარგია, მაგრამ მაინც გვეკონია, რომ უფრო ღრმა მსჯელობა არის საჭირო მუსიკასა და ხელოვნებაზე, რადგან ესთეტიკური ფენომენის წვდომა გმირისაგან არა მხოლოდ საუბარს მოითხოვს, არამედ კონკრეტულ მოქმედებასაც. მაღალი მიზნის მისაღწევად ტანჯვითა და დაგვიტ მოსილ შრომას, ცდას, დამარცხებასა და გამარჯვებას. შესაძლოა ყველაფერი ეს ვიხილოთ რომანის მეორე ნახევარში, მაგრამ პირველ ნაწილშიც რომ ყოფილიყო, უფრო დამაჯერებელს გახდიდა ქალის მუსიკალურ ნიჭსა და ტემპერამენტს. ფართო შესაძლებლობას.

რომანში ყურადღებას იქცევს კიდევ ორი მკვეთრი სახე. დედე-ალა და გულო-ალა კაიკაციშვილი. ეს ორი მამულიშვილი ყველაფერს აკეთებს საქართველოს გა-

რთიანებისათვის, ქართველ ტყვე-
ებს იხსნიან სტამბოლის ბაზარზე
გაყიდვისაგან და ბევრ სხვა ამ-
გვარ სამამაცო საქმეს იქმენ. მათი
მოღვაწეობა დამაჯერებელია, სა-
ხეები ნათლად დახატული, მიზა-
ნი — კეთილშობილი.

ამრიგად, ყოველი ცალკეული
პერსონაჟი რაღაც ძაფებით მაინც
უკავშირდება მთავარს — საქარ-
თველოსთან აჭარის შეერთების
საოცნებო იდეალს. მართალია, ა.
გმირებს აჩრდილებს უწოდებს
ავტორი, მაგრამ საკმაოდ ფერო-
ვანი და ცოცხალნი არიან, ენერ-
გიულნი, მებრძოლნი. სწორედ
ისინი არ ებუებთან მკაცრ სინამდ-
ვილეს და სამშობლოს იღბალზე
დაფიქრებულნი თავს სწირავენ
მისი მომავლისათვის. ასეთი აჩ-
რდილები ცოცხალ ადამიანებს ემ-
სგავსებიან, სტოვებენ აჩრდილთა
მჭრქალ, ლანდიერ სამყოფელს და
აქტიურად ერთვებიან ჩვენს თანა-
მედროვე ცხოვრებაში, მოგვიწო-
დებენ ფარხმალდაუყრელი ბრძო-
ლისაკენ, სინდისის, პატიოსნების
ასპარეზზე მკაცრი ბრძოლის გარ-
დასახდელად მეშჩანობისა და ან-
ტიპატრიოტიზმის ძალთა წინააღ-
მდეგ. ყოველივე ეს რომანის პირ-
ველი წიგნის მთავარი მონაპოვა-
რია.

გ ა მ ო ს ა ხ ვ ი ს ხ ე რ ხ თ ა ს ა -
მ ო ს ე ლ ი. რომანში სიუჟეტური
ქარგა არ შიშვლდება. ამის მიზე-
ზი ის გახლავთ, რომ ძირითადი
ყურადღება ხერხს კი არ ეთმობა,
არამედ შინაარსის განვითარებას,
რაც მეორეულ კომპონენტად

ხდის სიუჟეტურ ქარგას. მიუხე-
დავად ამისა, ამბავი მაინც ვითარ-
დება — იწყება, აღწევს და დასრულ-
დება ნაციურ დონეს და ბოლოს იხსნე-
ბა. მაგალითად, ალი-ფაშასა და
ზეინაბ — შუქრი-ბეგის ურთიერ-
ობა გარკვეულ დრომდე ნორ-
მალურად ვითარდება, შემდეგ
კი ზეინაბი ხდება მიზეზი ორი
თანამემამულის ურთიერთობაში
ბზარის გაჩენისა. შუა მომენტში
ალი-ფაშა განიზრახავს ჩამოიცი-
ლოს მეტოქე და შუქრის აპატიმ-
რებინებს. კვანძი შეიკრა. მისი
გახსნა მხოლოდ მაშინ მოხდება,
როცა შუქრი-ბეგის საბოლოო ამ-
ბავი გაირკვევა. ეს კი პირველ ნა-
წილში არ ხდება. მასშასადამე, აქ
მოცემულია შეკავებული, დაყოფ-
ნებული კვანძი. თავისთავად ამ
ხერხის ფიქსაციას არავითარი
მნიშვნელობა არ აქვს, თუ იგი არ
გვიხსნის რომანის აღნაგობის თა-
ვისებურებას, არ გვაძლევს საშუ-
ალებას უკეთ ჩავწვდეთ მწერლის
ოსტატობის საიდუმლოებას. ამ
შემთხვევაში ღირსება მაშინ და-
დასტურდება, თუ წიგნის მეორე
ნაწილის რეალიებში საინტერე-
სოდ გაიხსნება მოქმედება ამ ერ-
თი კონკრეტული მიმართულებით.
რომანი ამბავთა მრავალფეროვ-
ნებითაც გამოირჩევა. მეორე სიუ-
ჟეტური ქარგა იწყება აღმაზინი-
სა და ზეინაბის ურთიერთობის
განვითარებით. აღსანიშნავია, რომ
მიუხედავად ამ ამბის ერთგვარი
დასრულებისა იგი საბოლოოდ მა-
ინც არ გადაწყვეტილა. საბოლოო
ჩამოყალიბებას ამ ამბავისა მეო-

რე ნაწილში უნდა ველოდოთ; ასევე დაუსრულებელია ნამიკ-ქემალის ამბავი. ალი-ფაშას მოქმედების განვითარება ყველაზე სრულყოფილად არის გამოკვეთილი. იგი უკვე შეუდგა თავის ახალ თანამდებობას — ბათუმის ნარჩვას, მისი ცდა — დაეპყრო ზეინაბი — ორგზის წარუმატებლად დამთავრდა. ამ მხრივაც დასრულებულია ალი-ფაშას „ამბავი“. სამაგეროდ, საქართველოსთან აჭარის შეერთების წინააღმდეგ მისი აქტიური ბრძოლა ჯერ-ჯერობით მხოლოდ იწყება და სავსებით მეორე ნაწილში უნდა გამოჩნდეს. საერთოდ კი მისი ამგვარი სურვილები და მიდრეკილებანი პირველივე ნაწილიდან ბევრისაღმტკმელად გამოიყურება და მეორე ნაწილში საინტერესო გადაწყვეტას მოველით.

ი. ფალავა ხშირად მიმართავს დიალოგს. დიალოგი ამსუბუქებს ტექსტს, საინტერესოს ხდის ამბავის განვითარებას, ხოლო ბევრ შემთხვევაში ხასიათის გახსნას ემსახურება. დიალოგის პოლივალენტობა და ხარისხი დამოკიდებულია მწერლის ნიჭიერებაზე. რაც უფრო კარგი ოსტატია ავტორი, მით უფრო მეტ ფუნქციას აკისრებს გამოსახვის ამ ძვირფას ხერხს. „წინაპართა აჩრდილებში“ დიალოგი ემსახურება პერსონაჟის პატიოსანი ან გარყვნილი სულის გამოკვეთას, გამოძღვანებას. ამ შემთხვევაში ავტორი საერთოდ იკარგება მკითხველის მსუღვლობიდან და პერსონაჟი თვი-

თონვე უსვამს ხაზს თავის ამა თუ იმ თვისებას:

„მაყვალა მყის გამოცხადა და თავი დახარა პატრონის უმჯობესად“

— ხომ ივახშმე, ჩემო ანგელოზო, — დაუყვავა და ხელი ნიკაპქვეშ მოუსვა.

— დიახ, ბატონო, ორიოდელუქმა გეახელით. — დაიმორცხვა მხევალმა.

— ყოველთვის საქამოდ უნდა დანაყრდე, მჭლე და გაძვალტყავებული სახე დარიცარვარგა. — გაუღიმა ფაშამ.

— მესმის, ბატონო.

— ლოგინი ვამიშალე?

— ახლავე გაგიშლით, ბატონო.

— წასვლა დააპირა ქალიშვილმა.

— მოიცა, რაღაც უნდა მეთქვა.

მკლავებში სწვდა და საძინებელი ოთახისაკენ წაიყვანა ფაშამ. —

სიკეთეს გადახდა რომ უნდა ხომ იცი? დღეს გამოცდა უნდა ჩააბარო.

— რა მოგახსენოთ, ბატონო...

— ტანში ყრუანტელმა დაუარა ქალიშვილს.

— დანარჩენი თვითონ უნდა მიხვდე, ჩემო მაყვალა. ვაჭარს ოქროები ჩავუჩხრიალე, გადასაყრელი კი არა მქონდა...“

დიალოგი ალი-ფაშას სულისკვეთების, მისი ბინძური სურვილის გამოხატვის საუკეთესო საშუალება გახდა. ხაზგასმული სიტყვები კარგად მიანიშნებენ ალი-ფაშას მსხვერპლსაც და მკითხველსაც გარყვნილი მოხელის გულისტქმას, მაგრამ მიანიშნებენ

ოსტატურად, ტაქტით, თანდათანობით.

სენტენციები და დიდაქტიკა მხატვრულ კონსტრუქციებს ემყარება, მშრალ შეგონებამდე ჩამოყავს ისინი. მაგრამ გააჩნია, თუ სად არის გამოყენებული. უმთავრესად გმირის მეტყველებაში უნდა ვერიდოთ მათ, რადგან ასეთ შემთხვევაში მკითხველს ეჩვენება, რომ ავტორი დგას გმირის უკან და გმირი კი „რუბორის“ როლს ასრულებს. მაგრამ თუ ავტორი არ იმალება, თვითონვე გულახდილად გვიზიარებს თავის ფილოსოფიურ აზრებს, ასეთ შემთხვევაში ნაკლებად არის სენტენცია მომბეზრებელი. ჩვენი აზრით, ი. ფალავა საკმაოდ ზომიერია ამ მხრივ. ზოგჯერ სიამოვნებითაც ვკითხულობთ ამგვარ აზრებს: „ადამიანის ცხოვრება აზვირთებულ ნიაღვარს ჰგავს, კლდეს რომ მიენარცხება და უმალ შეიცვლის გეზს. ხან უფსკრულში ეშვება, ხან კი მშვიდად მიემართება თავის კალაპოტში“. ეს წინადადებები ერთ-ერთი თავის დასაწყისშია მოქცეული და ერთგვარ ეპიგრაფადაც იგულისხმება, რაც შემდეგ გმირის პრაქტიკული ცხოვრების გამოხატვისას ხორცს ისხამს.

რომანში ძალიან დიდ როლს თამაშობს მწერლისეული თბრობა. იგი ნათელია, მკაფიოდ ლოგიკური და ზუსტი. თუმცა მხოლოდ იშვიათად გამოერევა ენობრივი უზუსტობა, ისეთი, როგორცაა—

„ხეინაბმა უცხო ენასაც დაეუფლა“ (გვ. 32), მაგრამ ასეთ უზუსტობას სწორი, ლაღი და მსუბუქი საუბარი: „თეთრადან მარმარილოს დარბაზს ზღაპრული ელფერი ედო. ხალიჩებით იატაკ-მოგებულ დარბაზში ვეზირები და სერალის სხვა წარჩინებულები ჯგუფ-ჯგუფად იდგნენ და ხმადაბლა ბასობდნენ. ჩრდილოეთის მხარეზე, მარმარილოსვე მომადლო ამბიონზე, ძვირფასი ქვებით მოოჭვილი სამეფო ტახტი იდგა. მნახველი აღტაცებაში მოჰყავდა გიშრის, ლალის, ფირუზის, საფირონის, იაგუნდისა და ალმასის ბრწყინვალეობას. საზურგეს თავზე ფარშევანგის მარმარილოსავე ჰაეროვანი კანდაკი იდგა“.

ასე გვესახება იუსუფ ფალავას ვრცელი რომანის სოციალური პერიპეტეიებისა და მხატვრული ძალმოსილების მთავარი არსი. რა თქმა უნდა, მეორე წიგნი ბევრ მომენტს კვლავ თავისებურად ახსნის, დავგანახებებს, მოვლენათა მსვლელობას ახალ კალაპოტს გამოუძებნის. ჩვენ კი ამჟამად ვეძებთ ისეთ სიტყვას, რომელიც თავის კალაპოტს არც მეორე ნაწილის გამოსვლისას შეიცვლიდა და ვფიქრობთ ვიპოვეთ იგი ამ ფრაზის სახით — ხელთა გვაქვს მეცხრამეტე საუკუნის მეორე ნახევრის რთული და აბურღული ვითარების ამსახველი მხატვრული მატრიანე, სავსებით სერიოზული რომანი.

0 0 1 / 11



ფანა 40 კპკ.

**ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ**

„ЧОРОХИ“

**ОРГАН СОЮЗА СОВЕТСКИХ ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ**

ИНДЕКС 78118